

ILAY TSANGANAN’NY OLONA

TANTERAKA ANANKIRAY



Misaotra anao, Rahalahy Neville. Ny Tompo hitahy anao.

Mahafinaritra ny tafaverina indray eto amin’ny tabernakla izao maraina izao. “Manao ahoana,” lehibe anankiray ho anareo rehetra. Ary matoky aho fa ho andro lehibe anankiray ho antsika rehetra ity, ao amin’ny—ny Fanatrehan’ny Tompontsika. Ary ankehitriny manana lesona anankiray aho izao maraina izao. Tiako ny hiditra avy hatrany ao amin’izany lesona izany, satria ilay izy dia... Mino aho fa zava-dehibe ilay izy. Ary ilay izy dia... Ary mba tsy hitazonana ny vahoaka ho sorena loatra, fantatrareo, mitsangana ela, betsaka no mitsangana. Hiditra avy hatrany ao amin’ilay lesona aho.

² Ary ankehitriny, anio hariva, dia tiako ny hiresaka ny amin’ny lohahevitra hoe *Ilay Mpitari-dàlan’Ny Fiainako*. Ary manantena aho fa maro no afaka, maro araka izay afaka, no ho tonga amin’io fotoan’ny rahariva io. Kanefa, raha manana ny fiangonanareo manokana ianareo, izahay dia... mazava ho azy, tianay ianareo ho any—any amin’ny fiangonanareo. Adidinareo ny ho any, eo amin’izay misy ny toeranareo, mba hamela ny fahazavanareo hamiratra.

³ Ankehitriny, manantena hatrany isika fa, isaky ny miverina ianareo, dia hanana efitra maromaro izahay eto. Saingy somary manana fahasarotana kely izahay amin’izany, oh, na aiza na aiza. Ilay mpitantan-draharaha dia nanao tokoa ny zavatra rehetra. Ary alefan’izy ireo any amin’ny toerana anankiray, ho eken’izy ireo ilay izy; avy eo alefany any amin’ny toerana hafa ilay izy, ary dia anaovan’izy ireo latsa-bato izany. Ary averiny indray izany, ary eken’izy ireo *eto* izany, ary miverina. Oh, fotoana toy inona no nanananay! Saingy, fantatrareo, Satana dia mpiady anankiray foana manohitra an’izay marina. Tsarovy fotsiny, ianareo dia marina foana amin’ny...

⁴ Nanontany tena aho hoe taiza ianao, ry Anthony. Hitako ianao nihaona tamin’ny rainao. Nijery tery aho, tao amin’ny mpanatrika. Nilaza izy fa nipetraka teo ianao. Faly izahay manana anao sy ny rainao eto miaraka aminay, Rahalahy Milano avy any New York. Manantena, fa raha handeha any ivelany aho amin’ity indray mandeha ity, dia hanao dingan-davitra hafa anankiray, avy ao New York, any ananona any, raha sitrapon’ny Tompo.

⁵ Ary dia faly tokoa izahay ny aminareo tsirairay avy. Tena—tena tsara ny maha-eto anareo.

⁶ Ary nanana fotoana lehibe anankiray isika omaly hariva, na ho ahy aloha. Izaho dia...[Hoy ny fiangonana hoe, "Amena."—Mpand.] "Ary Isaia tao amin'ny tempoly." Ary ianareo koa...

⁷ Ary izao maraina izao, dia te-hiresaka ny amin'ny lohahevitra isika, na hampianatra, raha ny marina, raha vitantsika, "Manorina an'ilay Tabernakely velona; manorina an'ilay—manorina an'ilay Tabernakely velona an'ny fonenan'Andriamanitra velona, ilay Olona tanteraka; ilay Tabernakely velona an'Andriamanitra velona, izay Onenany." Ary raha...

⁸ Fantattro fa manana an'ilay karazana hira tsara izy ireo eto. Tsy afaka nandre an'ilay izy aho. Ary rahariva, dia hiezaka aho ny ho tonga eto. Niteny tamiko mikasika Rahalahy Ungren anankiray ny vadiko, mino aho fa izay ilay anarany, avy any—any Tennessee. Ankehitriny, teto izy omaly hariva. Tsy mahita azy aho izao maraina izao, nefo ataoko fa eto izy any ho any. Ary tiako ny handre azy hihira rahariva, raha azoko atao, an'ilay, na *Nidina Avy Tamin'Ny Voninahiny*, na *Fa Lehibe Ianao*. Tiako ny handre an'izany. Firy no te-handre an'i Rahalahy Ungren? [Hoy ny fiangonana hoe, "Amena."—Mpand.] Oh, izaho—izaho dia tia fihira tsara. Ary nilaza i Meda fa izy dia nanana karazam-peo baritone. [Feo eo anelanelan'ny tenor sy ny beso—Mpand.] Ary mampahatsiay ahys ny amin'ny Rahalahintsika Baxter izany; izy dia mpihira, ihany koa, araka ny fantatsika rehetra. Ary *Nidina Avy Tamin'Ny Voninahiny*, na *Fa Lehibe Ianao*. Mino aho fa hitako izy ankehitriny, iry... Ho tena tsara izany, Rahalahy Ungren, rahariva, raha sitrakao, raha hijanona ianao? Hijanona ianao, na hiezaka hijanona ho an'ny favoriana hariva? Eny, izaho—izaho... Eny, aza... Lazaiko anareo, ahoana ny amin'izany, raha isika... Tsy tiako ny hampiteraka fanelingelenana na amin'iza na amin'iza. Fa nahoana kosa, ary, raha hataontsika, mandritry ny fotoan'*Ny Tombokase Fito*, rehefa history an'izany isika, raha ho avy ianareo. Tiako ny handray an'izany amin'ny horonam-peo, hitanareo, ny hahazo an'izany, *Fa Lehibe Ianao*, ary, koa, *Nidina Avy Tamin'Ny Voninahiny*, amin'io fotoana io.

⁹ Oh, tsy mahafinaritra ve ny manompo ny Tompo? [Hoy ny fiangonana hoe, "Amena."—Mpand.] Tsy fantattro izay ho nataoko raha tsy Kristiana aho!...?... Tena tsara fotsiny ny ho Kristiana. Mahatsapa te-hitsambikina ambony sy ambany ary hikiakiaka fotsiny aho, amin'ny fara-tampon'ny feoko. Ho Kristiana, eritrereto izany, mifantsika tanteraka amin'i Kristy!

¹⁰ Fantattro fa diso foana no iantsoako ny anaran'ity lehilahy ity. Ilay izy dia na S.T. na T.S., na zavatra tahaka an'izany. Sumners, Rahalahy Sumner. Izy... Izaho dia te-hisaotra azy ary ny vadiny sarobidy kely. Heveriko fa izy dia nandany teo amin'ny, tahaka an'izany ilay izy, teo amin'ny enim-bolana,

tamin'ny fanoratana an'ity *Taona Fiton'ny Fiangonana* ity. Ary ankehitriny dia manana an'izany isika eto, voasoratra, vonona ho amin'ny fanamarinana, ary hatao ho endrika boky, *Ny Taona Fiton'ny Fiangonana*. Ranabavy Sumner, na aiza ianao na aiza, azo antoka fa hamela anay ianao handoa aminao ny amin'izany. Fa, fa asa betsaka no notakian'izany. Nahoana, izany dia *izao hatevina izao*. Eo amin'ny enim-bolana no hotakian'izany amiko hamakiana azy, afa-tsy ny maka azy avy ao amin'ny horonam-peo, ary avy eo hamadibadika azy sy hanala ireo fiverimberenana, ary hanao azy ho boky anankiray. Hataonay vonona izany ary halefa hatonta avy hatrany izany, satria mino isika fa izany dia zavatra anankiray izay tokony hananan'ny olona izao ankehitriny izao, ary hahafahanareo mandinika azy. Ary vao avy nasehon'i Billy tamiko, rehefa niditra teo aho, minitra vitsy lasa izay, fa—fa—fa ilay izy dia—ilay izy dia efa vonona ankehitriny ny handeha ho any amin'ny mpanatonta. Koa, ranabavy, ny tabernakla dia handoa aminao ny amin'izany. Tsy manantena aho fa ianao dia manao an'izany tsy hisy na inona na inona. Ary—ary na koa isika... Raha azontsika ilay boky ka hametraka vidiny anankiray amin'izany isika, na zavatra, hametraka vidiny anankiray isika mba hahazoanao zavatra na oviana na oviana hivarotan'izy ireo an'izany, na inona izany na inona. Miresaha fotsiny ianao amin'ny filan-kevitra, ny filan-kevitry ny mpitantan-draharaha, na ny sasany amin'izy ireo ao, ary izy ireo no hikarakara an'izany ho anao. Ny Tompo hitahy anao tena tsara tokoa.

¹¹ Rahalahy antitra kely sy Ranabavy Kidd mipetraka eto, eo ho eo amin'ny zato taona latsaka, kely fotsiny. Ary nihaona taminy aho vao tsy ela izay, ary hoy izy hoe, "Eny, izao angamba no ho fotoana farany mety hahitako anao, Ranadahy Billy." Hoy izy, "Izaho efa tena antitra."

¹² Hoy aho hoe, "Oh, oadray! Tsy tiako ny mandre anao miteny an'izany. Ianareo dia tahaka ny reny sy dada antitra kely anankiray fotsiny." Tiantsika Rahalahy sy Ranabavy Kidd. Isika, ny tsirairay, dia tia. Ary izany fotsiny...

¹³ Manao zavatra amiko izany rehefa mahita azy ireo miditra ao am-piangonana aho, ary mpivady antitra kely tahaka an'izany. Ary eritrereto fotsiny, izy ireo dia efa nitory ny Filazantsara talohan'ny nahaterahako. Ary izaho dia lehilahy antitra anankiray. Kanefa, eritrereto fotsiny, izy ireo dia efa nitory talohan'ny nahaterahako. Ary indro aho ankehitriny, mieritreritra aho fa efa tena antitra aho. Mieritreritra fotsiny aho fa efa saiky hiala. Mahita an'ny Rahalahy sy Ranabavy Kidd miditra aho, "Voninahitra ho an'Andriamanitra! Haleloia!" Hoy aho hoe, "Tsia, mahazo aina tsara aho." Eny, tompoko. Ny mahita azy ireo, ahoana no ahafahany, ahoana no tena hamelombeloman'izy ireo anareo!

¹⁴ Ary koa rehefa tsapanareo fa, manakaiky amin'ny taonako, indray koa, nefà dia mbola mandeha eny amin'ny saha. Tonga eto izao maraina izao ary nangataka boky, raha afaka maka boky izy ireo ka mivarotra an'izany. Mila horonam-peo, mba hahafahan'izy ireo mandeha, hahazo fanahy amin'ny alàlan'ny fandefasana an'ireo horonam-peo ireo, efa manakaiky ny zato taona. Ankehitriny aiza ireo "elatra roa" anareo izay noresahintsika omaly hariva? Eny. Manomboka mieritreritra an'izany aho, "Aiza ny ahy?" rehefa nilaza an'izany—izany izy omaly. Firy taona ianao, Ranabavy Kidd? [Hoy Ranabavy Kidd hoe, "Iraika amby valopolo aho."—Mpand.] Iraika amby valopolo. Firy taona ianao, Rahalahy Tom? [Hoy Rahalahy Kidd hoe, "Roa amby valopolo."] Iraika amby valopolo sy roa amby valopolo taona, nefà mbola mampiasa an'ireo elany, miasa, mbola mandeha.

¹⁵ Raha misy zavatra tsy mety any Ohio, izay fantatry Ranabavy Kidd, dia maneno ny telefaonina any an-trano. Indray andro, niantso izy, ary zaza kely anankiray, zaza vavy kely anankiray, mino aho fa izay ilay izy, no teraka, ary teo ivelanvy ireo tsinay. [Hoy Ranabavy Kidd hoe, "Tatavia."—Mpand.] Tatavia, teo ivelan'ilay zaza. Ary tsy fantatr'ilay dokotera izay hatao mikasika an'izany, ary natahotra izy ny hanao ny fandidiana. Nivavaka izahay. ["Nandidy izy, Ranadahy Branham, ary naveriny ilay izy, satria, hoy izy ireo hoe, 'Tsy afaka ny ho velona izy.' Ary naverin'izy ireo nampidirina fotsiny ireo tsinay."] Naverina nampidirina ireo tsinay, miaraka amin'ny fandidiana, ary nihevitra fa tsy afaka ny ho velona izy. Fa velona izy. ["Tsy nisy lèlana."] Tsy nisy lèlana tamin'izany ho—ho an'ny... avy eo amin'ilay lavaka fivoahana, mba hivoahan'ny sakafô. Ary niantso indray Ranabavy Kidd. Nivavaka indray izahay, ary ankehitriny dia manana lèlana ara-dalâna izy. Ary io izy eto, vavolombelona anankiray; ilay dokotera, ihany koa. Hitanareo? Izany dia vavolombelona fa ny Tompo Jesosy, ilay Mpamorona lehibe! Hitanareo ve izay niezahan'i Satana natao? Nanaisotra ny ain'ilay zaza. Ary avy eo, hitanareo, avy eo dia mino aho fa nanatona ny Tompo ilay ramatoa. ["Niverina tamin'ny Tompo izy, tao an-tranoko mihitsy."] Niverina tamin'ny Tompo. Ranabavy Kidd no nitarika azy niverina tamin'i Kristy, taorian'io fahagagana lehibe nitranga tamin'ny zanany io.

¹⁶ Nahazo antso avy tany California aho, omaly, rahalahy mpitoriteny kely anankiray any, izay niarahako fony aho nandeha tany California voalohany, taona maro lasa izay. Ny zafikeliny dia teraka niaraka—niaraka tamin'ny efatra... lavaka anankitelo tsentsina tao amin'ny fony. Ary noresahiko taminy ny amin'io trangan-javatra io. Hoy aho hoe, "Ilay Andriamanitra izay afaka namorona an'io anankiray io ka nanao an'io ho tsara, dia afaka tanteraka ny hanasitrana ny zafikelinao." Teneno fotsiny ilay tovolahy mba hahery tsara.

¹⁷ Ary io tovolahy io dia tao amin'ny fivoriana fony aho tany California voalohany, teo amin'ny valo ambin'ny folo taona lasa izany ankehitriny, enina ambin'ny folo taona lasa, ilay izy izao. Ary tany California aho. Ary izy... Tena nisy fiantraikany tamin'ilay tovolahy ny fivoriana hany ka... Rehefa azon'izy ireo ilay zaza, ary teraka izy, ka hitan'izy ireo fa nisy zavatra tsy nety, mangana ilay izy, ary niezaka izy ireo ny hipaoompy rivotra mahavelona tao aminy, sy ny sisa. Ary tahaka ny tsy ho velona ilay izy, ary ireo dokotera tamin'izany dia nanao fitiliana, ka nahita fa lavaka telo no tsentsina tao amin'ny fony. Tsy nisokatra mihitsy, hitanareo, lavaka—lavaka anankiray fotsiny no nipaompy. Ary niantso ny dadany izy, ka hoy izy, "Dada, antsoy Rahalahy Branham, izao dia izao. Teneno aminy fa ny rehetra... 'Hangataka amin'i Kristy fotsiny. Hataony izany.'" Izay ilay izy. Oh, oadray! Io fiantraikany io, izay hitan'izy ireo, hitanareo, noresahintsika izany, omaly hariva. Ilay zavatra marina amin'ny fotoana marina.

¹⁸ Eny, raha hanohy hiresaka isika, dia tsy ho tafiditra ao amin'ilay lesona mihitsy, sa tsy izany? Izany dia tahaka ny ranon-tsiramamy eo amin'ny maraina mangatsiaka fotsiny, tena matevina arak'izay izy fotsiny izany, fantattrareo, ary mitambatra miaraka izy rehetra. Tena faly isika manana firaisansa tahaka an'izao. Eny, tompoko.

¹⁹ Koa ankehitriny ndao isika hampitony ny tenantsika, ankehitriny, ary hidina eo amin'ilay lesona ankehitriny. Handeha angamba... Tsy fantatro raha afaka mahita an'izao ianareo na tsia, eo amin'ny solaitrabe. Angamba raha hatodiko tahaka an'izao ity, ao anatin'ny fotoana fohy, nahoana, dia ho afaka isika, ankehitriny, ny sasany aminareo, ny... [Hoy Rahalahy Edgar "Doc" Branham hoe, "Mila jiro kely ve eo amin'io?" —Mpand.] Inona no lazainao? ["Mila jiro kely ve ianao eo amin'io?"] Tsia, tsy mieritreritra an'izany aho, izao ankehitriny izao, Doc. Angamba afaka kelikely. ["Ato amin'ny efitra mihitsy, afaka mametraka jiro kely aho eo amin'io."] Eny, isika dia—isika dia hanao an'izany rehefa mahazo kely aho... Manana jiro kely ve ianao eto? Eny àry. Ndaو hatodintsika mankaty mihitsy ilay izy. Afaka mahita ve ianareo ery aoriane ery? Afaka ve ianareo? Raha afaka mahita ianareo, dia atsangano ny tånanareo, raha afaka mahita an'ilay solaitrabe ianareo, mamaky izay eo amboniny eo. Tsia. Eny àry. Alaivo ilay jiro kely. Ankehitriny, raha manao an'izany ho vonona izy ireo...

²⁰ Tara ny fanombobako izao maraina izao; na, tsia, tsia, manan-tombo eo amin'ny dimy ambin'ny folo minitra. Koa noho izany, àry, dia haka ny fotoanantsika fotsiny isika ankehitriny, satria tsy te-hirotoroto isika. Rehefa mirotoroto ianareo, amin'izay fotoana izay ianareo dia mandrava fotsiny an'ireo zavatra izay holazainareo. Ankehitriny, nihaino tao amin'ny horonam-peo anankiray aho, indray andro, araka ny

noteneniko taminareo, ary tena menatra ny tenako aho; tsy tamin'izay nolazaiko, fa tamin'ny fomba izay nilazako an'ilay izy haingana loatra, ary fomba taitaitra fotsiny ilay izy. Izaho dia te-hiandry. Ilay izy . . .

²¹ Izaho—izaho dia nahita mihitsy indray andro tao amin'izay nanorenan'izy ireo toby fitehirizam-biby lehibe anankiray, teto afovoan'i Louisville. Ary Atoa. Brown, mino aho fa izay ilay izy, tany, dia nanome iray tapitrisa dolara ho an'io toby fitehirizam-biby io. Eny, raha nananako izany, dia ho nomeko an'izy ireo mihitsy izany mba hamerenana an'ireo biby ireo ho afaka. Izaho—izaho dia tsy mino ny fametrahana zavatra anankiray ao anaty tranom-biby tahaka an'izany. Izaho fotsiny . . . Mankany amin'ny trano fitehirizam-biby aho ary mahita an'ireo biby antitra mahantra, bera, ary liona, sy ny sisa, mandeha miverina sy mandroso, voagadra mandritry ny fiainana, hitanareo. Mahatonga anareo halahelo izany. Raha ny marina, izy ireo dia voasambotra tamin'ny alàlan'ny fahaizan'ny olona izay manantsaina kokoa noho izy ireo. Hitanareo? Ary nosamboriny izy ireo ary napetrany tao anatin'ny fahababoana izy ireo.

²² Ary mieritreritra an'izany aho: ny devoly no manao an'izany. Alainy ireo olona sarobidy izay hivelivezy eny amin'ireo toerana lehibe an'Andriamanitra, sy ireo saha, ary—ary ireo zavatra tahaka an'izany, avy eo dia apetrary ao amin'ny trano figadran'ny karazana anaram-piangonana izy, na karazana fanekem-pinoana, na zavatra hafa, ary fatorany ao anatin'ao izy. Ary dia zavatra mahatsiravina ilay izy.

²³ Ary izaho tsy tia an'ireo trano fitehirizam-biby. Fa mahatsapa ho toy ny anankiray amin'ireo biby ireo aho, rehefa nampidirina ao anaty tranom-biby ianareo ka miezaka ny ho afaka, fantatrareo, mba—mba hivoaka hanao zavatra.

²⁴ Ankehitriny, alohan'ny hanatonantsika ny Teny, dia ndao isika hanatona an'ilay Mpanoratra ny Teny, raha manondrika ny lohantsika isika ankehitriny ao amin'ny vavaka.

²⁵ Rainay An-danitra mpiahy, miangona indray izahay izao maraina izao amin'ny Anaran'ny Tompo Jesosy, ilay Zanakao sarobidy. Andriamanitra, tao amin'ny vatana, tonga teto antany, ho an'ny fanavotana ny amin'ny fahotanay, ary maty, ilay Marina; mba izahay, amin'ny alàlan'ny Fahamarinany, ilay tsy marina no ho tonga tanteraka ao Aminy. Tonga izahay hifona fa tsy mendrika izahay, Tompo. Tsy misy na inona na inona tsara ny aminay. Ary izahay rehetra dia ao anatin'ny trano fonja lehibe anankiray. Tsy mampaninona izay zorony ijoroanay, fa mbola ao anaty fonja foana izahay. Ny anankiray tsy afaka hanampy ny iray hafa. Saingy, Andriamanitra, ao amin'ny Famindrampony tsy manam-petra, no nidina ary nanokatra an'ireo varavarany fonja, mba hamela anay ho afaka. Tsy voahidy intsony izahay ankehitriny. Tsy ao anatin'ny trano

fitehirizam-bibin'izao tontolo izao izahay, fa afaka izahay ankehitriny. Tafavoaka izahay.

²⁶ Oh, toy ny inona no itiavanay Azy sy hideranay Azy! Toy ny inona no hahafahanay mandeha eny amin'ireo saha lehibe an'ny Fampantanenany, ka mahita azy ireny voaseho eo anatrehanay! Ary amin'ny alàlan'ny masonay manokana, dia mahita an'ilay Andriamanitra ny Mandrakizay mampiharihary ny Tenany eo anatrehanay, ka manao ny Tenany ho tena misy, tahaka ny Nataony tamin'ireo mpaminany fahiny. Tamin'ny nahafantarana an'izany, fa nitoetra tamin'ny fahatokiana izy ireo, fa indray andro dia ho tafaverina indray izahay, rehefa tapitra izao fiainana izao, ao amin'ny fitsanganana amin'ny maty, ho amin'ny Fiainana Mandrakizay izay tsy hifarana mihitsy. Tsy ho antitra ireo vatanay. Ary tsy ho faty mihitsy izahay. Ary tsy ho noana mihitsy izahay. Ary tsy hanana ilaina anankiray mihitsy izahay. Fa handeha hiaraka Aminy izahay. Te-handre Azy izahay hiteny hoe, "Midira amin'ny fifalian'ny Tompo, izay nomanina ho anareo hatramin'ny fanorenana an'izao tontolo izao." Talohan'ny nidiran'ny ota tany, toy ny inona no efa Nanaovany an'ilay fanomanana, tahaka ny tamin'i Adama sy Eva, fa tsy nila ny harary izy ireo na hanana olana. Ary ankehitriny dia Nomaniny ho anay izany, ary efa Fantany nialoha fa ho avy izahay. Ny ota no nanao an'ilay sakana lehibe, ary ankehitriny dia nesorina ny ota, tamin'ny alàlan'ny Ràn'i Jesosy. Ankehitriny, dia voatendry ho an'ilay Tany nampanantenaina izahay, amin'ny alàlan'ny fampanantenan'Andriamanitra, izay Mandrakizay.

²⁷ Tahio izahay ankehitriny, Ray, raha mianatra ny Teninao izahay. Te-hahafantatra izahay hoe tsy maintsy ho karazan'olona toy ny inona izahay, mba hahatonga anay Any. Ampio izahay ankehitriny ao anatin'ity sekoly ity, mba hahazoanay an'ilay Tompo Mpampianatra lehibe hiaraka aminay, ilay Fanahy Masina, izay hidina sy hanambara ny Tenany aminay, amin'ny alàlan'ny Teniny. Fa mangataka izany amin'ny Anarany izahay sy ho an'ny Vonitorahiny. Amena.

²⁸ Ankehitriny, voalohany, dia tiako raha hamadika ianareo miaraka amiko ao amin'ny Petera Faharoa, ny toko 1. Tiako ny hamaky ampahany iray amin'io Soratra io, Petera Faharoa, ny toko 1. Ary ankehitriny ho anareo izay manana ny pensilinareo sy taratasy...

²⁹ Ary mino aho fa nolazaina tamiko tamin'ity maraina ity fa—fa indraindray, rehefa manodina ny lohako avy eto aho, dia mampihena an'ilay horonam-peo izany. Tena tsy iniako ny hanao an'izany. Ary mino aho, indray andro, raha manankevitra ny hahazo fa—fanamafisam-peo misandrahaka isika, ka hanantona an'izany eto ambonin'ny valin-drihana. Tsy mampaninona na ho aiza ianareo na ho aiza amin'izay, hety tsara ianareo. Ho tena tsara tanteraka izany, eran'ny manodidina

fotsiny, fanamafisam-peo anankiray fotsiny eo ambonin'ny valin-drihana.

³⁰ Ary ankehitriny, raha mbola miteny aho; ary raha ianareo, aorian'ny favoriana, na mila, dia afaka mandika an'ity sary eto ity. Ary izaho ihany koa dia manana azy voasoratra eto. Haka fantsika kely anankiray aho ary hametraka azy eto anoloana eto, raha te-hanao azy ianareo indray andro any. Tongava alohaloha kely amin'ity tolakandro ity, mba hahafahantsika mahazo.

³¹ Ankehitriny manatona *Ny Tombokase Fito* isika. Vao avy nahavita *Ny Taona Fiton'Ny Fiangonana* isika. Ary ity dia Hafatra anankiray ho fampianarana, izay mamatotra ny olona, izay ho voavotra amin'ny alàlan'ny Ràn'ny Tompo Jesosy, ary ho ao anatin'ilay taonan'ny Fiangonana, ilay taonan'ny Fiangonana Mandrakizay any amin'ny fiafaran'ireo Tombokase. Ankehitriny dia fantatsika fa manana ny Trompetra Fito isika, Loza Fito, Lovie, sy ny sisa, izay hidirantsika, raha mandroso isika. Fa miandry efitra maromaro isika mba hahafahan'ny olona mipetraka.

³² Ankehitriny, ary nieritreritra aho fa ity dia hifamatotra amin'izay nantenaiko. Tsy nanantena ny hanao an'ity sary ity aho, saingy indray andro dia niaraka tamin'ny sasantsasany tamin'ireo sakaizako sarobidy aho, Coxes, tany Kentucky. Nandeha aho, nieritreritra fa angamba hahazo iray andro amboniny hihazana vontsira alohan'ny hikatonan'ny vanimpotoana. Ary tany anaty ala tany aho niaraka tamin'ny sakaizako, Charlie, nitsangana teo, sy Rodney, rahalahiny. Tsy nahita na dia vontsira anankiray aza aho. Heveriko fa nampitahotra azy rehetra aho, rehefa nikiakiaka aho tany anaty ala tany. Ity no zavatra tonga tamiko, ry tovolahy, ary—ary Ranabavy Nellie sy Margie, ary rehefa niteny taminareo aho fa hiteny aminareo aho amin'ny Alahady rehefa azoko ilay izy. Izany no tonga tamiko, momba ny hafatra anankiray izay ho resahiko. Ary toy ny ahoana ny fifatoran'izany tsara amin'ny sisa! Ary, oh, tiako izany. Nanana ny—ny tena—tena fanahin'ny fikiakiahana, tany anaty ala tany.

³³ Koa ankehitriny, ndao isika hamaky ankehitriny, Petera Voalohany, na... Petera Faharoa, raha ny marina, ny toko 1, ampahany amin'Izany.

Simona Petera, mpanompo sy apostolin'i Jesosy Kristy, ho an'ireo izay nahazo finoana sarobidy mitovy amin'ny anay tamin'ny alàlan'ny fahamarinan'Andriamanitra sy Jesosy Kristy Mpamonyj antsika:

³⁴ Tiako ilay fomba izay nilazana mahitsy eto, satria ny lohahevitra manontolo izao maraina izao dia mifototra amin'ny finoana. Hitanareo? Avelao aho hamaky an'izany indray. Henoy tsara.

Simona Petera, mpanompo sy apostolin'i Jesosy Kristy, ho an'ireo izay mahazo—nahazo finoana sarobidy mitovy...amin'ny alàlan'ny fahamarinan'Andriamanitra...Mpamonyjy antsika sy Jesosy Kristy:

³⁵ Mariho, milaza izy, hoe, “Izaho dia nahazo an’io finoana io, ary mandefa an’ity ho an’ireo izay nahazo finoana sarobidy mitovy aho.” Tiako...Tsy ho an’izao tontolo izao any ivelany ilay izy. Ity dia ho an’ny Fiagonana, hitanareo, ireo izay ao amin’i Kristy.

Hampitomboina ho anareo anie ny fahasoaavana sy ny fiadanana amin’ny alàlan’ny fahalalana an’Andriamanitra, ary (amin’ny alàlan’ny) an’i Jesosy Kristy Tompontsika,

Fa ny heriny masina dia efa nanome antsika ny zavatra rehetra...ny heriny masina ankehitriny efa nanome antsika ny zavatra rehetra izay momba ny fiainana...toe-panahy araka an’Andriamanitra, tamin’ny alàlan’ny fahalalany izay efa niantso antsika ho amin’ny voninahitra sy hery:

Ary izany no nanomezana antsika...nanomezana antsika an’ireo teny fikasana lehibe indrindra sy sarobidy: mba amin’ny alàlan’ireo (ireo teny fikasana ireo) isika no ho tonga mpiray amin’ny fomba masina,...

³⁶ Ankehitriny avelao izany hilentika lalina ankehitriny. Tsy mitory teny aho izao maraina izao; mampianatra an’ity lesona ity fotsiny isika. “Fomba masina.” Avelao aho hamaky an’ilay andininy faha-4 indray ankehitriny, mba tsy ho diso an’izany ianareo. “Ary izany no nanomezana antsika...”

Ary izany no nanomezana antsika an’ireo teny fikasana lehibe indrindra sy sarobidy: mba amin’ny alàlan’ireo (ireo teny fikasana ireo) isika no ho tonga mpiray amin’ny fomba masina, afa-nandositra ny fahalovana izay eo amin’izao tontolo izao noho ny filana.

³⁷ Hitanareo, “izao tontolo izao,” afa-nandositra an’izany isika ankehitriny. Mandefa an’izany amin’ny Fiagonana Izy. Izany no antony maha-eto antsika izao maraina izao, dia ny hahita hoe inona ilay lâlana, inona ilay fitakian’Andriamanitra. Tsy misy olona iray eto, izay tia an’Andriamanitra, kanefa tsy te-te-ho tonga hitovy amin’i Kristy. Ankehitriny dia voamarika eto izany. Ny Kristiana tsirairay! Izaho efa maintimolaly antitra. Jereo Rahalahy sy Ranabavy Kidd eto, izy ireo angamba no antitra indrindra ato anatin’ny trano. Saingy rehefa hanontany azy ireo aho hoe, “Inona no fanirian’ny fonareo?” Dia ho izao izany, “Akaiky kokoa an’Andriamanitra.” Rehefa mianatra ny

amin'i Kristy ianareo, dia misy zavatra mikasika Azy izay tena maha-te-ho tia, miezaka fotsiny ianareo ny hiditra avy hatrany ao Aminy.

³⁸ Mamelà an'ity fiteny ity. Niteny tamin'ny vadiko aho, teto vao tsy ela, izy... samy miha-antitra izahay, ary nilaza taminy aho, hoy aho hoe, "Tia ahy tahaka ny taloha ve ianao?"

Hoy izy hoe, "Tena azoko antoka."

³⁹ Ary hoy aho hoe, "Fantatrao, tena tiako loatra ianao hany ka te-haka anao aho ary hisintona anao ho ao anatiko, mba hahatonga antsika ho, tena, ho iray, indray."

⁴⁰ Ankehitriny, izany, ampitomboy zato tapitrisa izany, ary amin'izay fotoana izay dia ho hitanareo hoe ahoana fa ny mpino, izay latsa-pitia amin'i Kristy, dia te-hiditra ao Aminy, satria fitiavana ilay izy. Ary indro Izy hampiseho amintsika hoe ahoana, amin'ny alàlan'ireo teny fikasana ireo, no hahatonga antsika ho mpiray amin'ny fomba Masin'i Kristy. Ireto, vatana mety maty ireto, ahoana no hahafahantsika ho mpiray.

⁴¹ Afaka milaza zavatra aho eto. Ny antony inoako... Ankehitriny nisy olona diso fandray ahy tanteraka, teto vao tsy ela. Naharay taratasy avy tamin'ny fikambanana mpitoriteny aho, izay nilaza fa izaho dia nino fa nisy... "Isika dia mpivady ara-panahy. Ka tsy maintsy avelantsika ireo sakaiantsika raha tsy mpivady ara-panahy amin'izy ireny isika, mba hanambady anankiray hafa izay naха-mpivady ara-panahy antsika." Oh, oadray!

⁴² Hoy aho hoe, "Tsy meloka amin'ny hadalana tahaka an'izany aho." Nanohitra an'izany foana aho. Izaho—izaho tsy mino an'izany. Tsia tokoa. Izaho dia mino fa Andriamanitra no manome vady ho antsika. Marina izany. Ary avy eo isika dia lasa ampahany amin'ny tsirairay avy. Marina izany. Ary alohan'ny hanabadian'ny lehilahy anankiray, dia tokony hieritreritra an'ireo zavatra ireo izy, handinika an'izany.

⁴³ Lehilahy tanora anankiray no nanontany ahy indray andro, hoy izy, "Heverinao ve fa izaho dia afaka, tokony hanambady, Rahalahy Branham, tovovavy anankiray *toy izao-sy-toy izao?*"

Hoy aho hoe, "Zava-dehibe toy ny ahoana no fiheveranao azy?"

Hoy izy hoe, "Oh, oadray, tiako fotsiny izy."

Hoy aho hoe, "Eny, raha tsy afaka miaina tsy misy azy ianao, dia tsaratsara kokoa ho anao ny manambady azy amin'izay fotoana izay. Fa raha afaka miaina tsy manana azy ianao, dia tsaratsara kokoa ho anao ny tsy manambady. Koa, raha mety hamono anao izany, dia tsaratsara kokoa ho anao—tsaratsara kokoa ho anao ny mandroso ary manambady," hoy aho. Ary noho izany izay niezahako nampahantarina azy dia, ity, izao, raha tena tia azy ianao!"

⁴⁴ Ankehitriny, izao ankehitriny izao, alohan'ny hanambadianareo, dia tena mahafinaritra ny zavatra rehetra ary tsara. Fa aorian'ny hanambadianareo, amin'izay fotoana izay dia miditra ireo asa mafy sy fizahan-toetry ny fainana. Izany no tsy maintsy hahatonganareo ho tena tia mba hifankahazoanareo. Rehefa nandiso fanantenana azy ianareo, ary izy nandiso fanantenana anareo, dia mbola hifankahazo foana ianareo.

⁴⁵ Izany no fomba miaraka amin'i Kristy. Hitanareo? Tsy maintsy tena tia Azy isika, hany ka raha mangataka zavatra isika, ka tsy manome antsika an'izany Izzy, dia tsy hampihontsona antsika kely akory izany. Hitanareo? Hitanareo? Nahoana? Ary ny fomba tokana hahafahanareo manao an'izany, dia ny ho tonga mpiray amin'ny Fombany Masina, amin'izay fotoana izay dia ho azonareo ny antony tsy Nahafahany nanome anareo an'ilay izy. "Mpiray amin'ny Fombany Masina."

⁴⁶ Ary jereo eto, "Afa-nandositra ny fahalovana izay eo amin'izao tontolo izao noho ny filàna." Nandositra an'izany! Hitanareo ve ho an'iza ilay izy? Ho an'ny Fiagonana ilay izy, ireo izay ao amin'i Kristy, dia nasandratra any ambonin'ireo zavatra ireo. Tsy izy no nanandratra ny tenany, fa Kristy no nampiakatra azy.

⁴⁷ Ho an'ireo rahalahiko sy anabaviko mainty hoditra izay manatrika eto izao maraina izao, tsy manao an'izao ho fandratrana aho. Saingy, tao amin'ny favoriana anankiray aho indray andro lasa, tsy fantatro raha efa mba nolazaiko tato amin'ny tabernakla ilay izy. Noteneniko tany amin'ny toerana maro izany. Nisy anabavy mainty hoditra anankiray nanao hoe, "Afaka manao fijoroana vavolombelona ve aho, na mijoro vavolombelona?"

"Izany tokoa, ranabavy, mandrosoa avy hatrany."

⁴⁸ Hoy izy hoe, "Tiako ny manao an'izao fijoroana vavolombelona izao ho an'ny voninahitr'Andriamanitra." Hoy izy hoe, "Fantatrareo, izaho—izaho dia tsy eo amin'izay tokony hisy ahy," ary hoy izy hoe, "izaho—izaho dia tsy eo amin'izay tiako hisy ahy, saingy," hoy izy hoe, "ny zavatra anankiray azo antoka, izaho dia tsy eo amin'izay nisy ahy taloha." Hitanareo? Avy tany ananona tany izy. Nakarina izy.

⁴⁹ Izany no hahafantarantsika fa isika dia nafindra avy tao amin'ny fahafatesana ho amin'ny Fainana. Mijery any aorianana isika ao amin'ilay lavaka izay nivoahantsika. Hitanareo? Tsy eo amin'izay tantsika hisy antsika isika; tsy eo amin'izay tokony hisy antsika akory aza isika; saingy ny zavatra anankiray izay ankasitrahantsika, dia tsy isika taloha isika. Marina izany. Eo amin'ny lèlana isika.

⁵⁰ "Ary afa-nandositra ny fahalovan'izao tontolo izao." Afa-nandositra an'izany, ilay filàna sy fahalovan'izao tontolo izao, eo ambonin'izany ianareo. Ankehitriny izany dia—ankehitriny

izany dia tandindon'ny olona anankiray izay Resahiny, ilay olona izay nandositra an'ireo zavatra ireo, hitanareo, ny fahalovan'izao tontolo izao.

Ary ankoatr'izany, manome ny zotom-po rehetra, ampio amin'ny finoanareo ny fahatanjahan-tsaina; ary amin'ny fahatanjahan-tsaina dia fahalalana;

Ary amin'ny fahalalana dia fahononam-po; . . . amin'ny fahononam-po dia faharetana; . . . amin'ny faharetana dia toe-panahy araka an'Andriamanitra;

Ary amin'ny toe-panahy araka an'Andriamanitra dia fitiavana ny rahalahy; ary amin'ny fitiavana ny rahalahy dia fitiavana.

⁵¹ Ankehitriny dia nanome antsika an'ilay sarin'izay tokony hatao Izy eto, mahafantatra hoe ahoana no hanaovana azy. Ankehitriny, araka ny nolazaiko, isika dia miezaka ny ho tonga akaikikaiky kokoa an'Andriamanitra. Izany no antony isafidianako an'izao Hafatra izao amin'ity maraina ity, ho an'ny fiangonana, mahafantatra fa mandeha ny olona. Fa omaly hariva, hoy aho hoe, "Firy no eto, avy any ivelan'ny tanàna?" Teo amin'ny valo amby sivy folo isan-jaton'ny olona, no avy any ivelan'ny tanàna. "Firy eto no avy any amin'ny zato maily?" Nahoana, ilay izy dia nihoatra, heveriko, ny valopolo isan-jato. "Firy eto no avy any amin'ny mihoatra ny zato maily?" Ary nanakaiky ny—ny ampahatelon'ny olona teto no avy tany amin'ny mihoatra ny zato, dimanjato maily lavitra. Eritrereto izany, ny amin'ireo olona nandeha. Eny, ireo olona ireo dia tsy tonga aty am-pianganana tahaka an'izany mba ho hita fotsiny. Tsy misy . . . izay hahitan'izao tontolo izao ny fahatsarana eto amin'ity toerana ity. Olona tsotra avokoa izy ireo, mahanttra, miakanjo tsotra. Tsy misy antema lehibe avy amin'ny karazan'ireo izay milaza tena ho antoko mpihiran'Anjely, orga misy fantsona, sy karazana varavarankely misy fitaratra voapentipentina. Fotoana sarotra ho anareo ny hahita toerana eo amin'ny dabilio anankiray ka mitsangana eny amin'ny rindrina. Tsy tonga ho amin'ny zavatra toy izany izy ireo. Fa tonga izy ireo satria ny ao anatin'izy ireo dia zavatra anankiray izay mahita hatsarana izay tsy hitan'ny maso aranofo. Maso ara-panahy no mandray ny hatsaran'i Kristy. Izany no antony ahatongavan'izy ireo.

⁵² Koa, fa andro maro alohan'ny hananantsika ny fivoriana, dia mivavaka maharitra aho. Mandeha any anaty ala aho, maka avy ao amin'ny paosiko . . . Miteny amin'ny vadiko hoe, "Handeha hivoaka hihaza vontsira aho izao maraina izao." Ary apetrako ao anaty paosiko ny pensily iray sy taratasy fanoratana. Vantany vao misy hazavana ampy hijerena fotsiny, dia mipetraka miankina amin'ny hazo anankiray any ho any aho, ny tànana

miainga ambony, ary manao hoe, “Tompo, inona no azoko atao androany? Inona no Homenao ahy ho an’ireo Zanakao?”

⁵³ Avy eo rehefa mahadona zavatra anankiray aho izay toa mirehitra, zavatra tonga tahaka an’izao. Rehefa tonga akaiky ny Fanatrehany, dia manomboka mandre zavatra aho sahala amin’ny avy lavitra, zavatra tahaka an’izao. “Roa indroa mira efatra.” Manakaikikaiky, “Roa indroa mira efatra. Roa indroa mira efatra. Roa indroa mira efatra.” [Miteny miha-haingana kely kokoa isaky ny fiverenana Rahalahy Branham—Mpand.] Nitohy, nitohy, nitohy, tahaka an’izany. Izany dia ilay Fanatrehany izay tonga.

⁵⁴ Manolotra ny tenanareo ianareo, ary afaka kelikely dia tafasaraka amin’ny tenanareo ianareo. Indro fa tonga ny fahitana, “Mandehana any amin’ny toerana *toy izao-sy-toy izao*, sy zavatra *toy izao-sy-toy izao*.” Hitanareo? Manomboka izany, avy eo amin’ny fandinihana ny fisainanareo amin’Andriamanitra, ivelan’izao tontolo izao, lavitra an’izao tontolo izao, any an-efitra, amin’ny tenanareo.

⁵⁵ Ary manomboka tonga Izany, “Iray, iray . . .” Hoy aho, ny isa rehetra, na ny zavatra rehetra, dia zavatra anankiray fotsiny manomboka miandalana, tonga tsikelikely. Avy eo dia tonga miha-haingana izany, miha-haingana. Mipetraka eo ianareo dia manangana ny tànanareo, tsy milaza teny anankiray, mihazona fotsiny ny tànanareo miainga. Ny zavatra voalohany fantatrareo, ny tenanareo manontolo dia nentina lavitra. Avy eo ianareo dia mahita an’ireo zavatra izay Tiany ho fantatratreo, maneho anareo an’ireo zavatra izay ho avy.

⁵⁶ Indraindray dia tonga eo amin’ny toerana anankiray izany, hatrany amin’ny toerana anankiray, ary avy eo dia mijanona. Tsy miova ho fahitana anankiray ilay izy. Avy eo ny Soratra no miraraka miaraka. [Manakapokapoka ny fanondrony intelo Rahalahy Branham—Mpand.] Rombahiko ny pensiliko, mba tsy hanadinoako an’ilay izy, ary manoratra an’izany, manoratra an’izany.

⁵⁷ Ary tonga any an-trano aho dia mijery an’ilay izy, ary mandinika an’ilay izy. Ary indraindray dia tsy misy hevny akory aza ilay izy amiko rehefa mijery an’ilay izy aho. Ary avy eo, afaka kelikely, io ilay izy! Mandona izany, ary lasa indray ilay izy. Avy eo dia maka boky kely tahaka an’ity aho, ary manomboka manao sary fotsiny, haingana araka izay azoko atao, an’izay Noteneniny tamiko. Nieritreritra aho hoe, “Tompo, handeha ho any amin’ny tabernakla aho ary hiteny amin’izy ireo. Izaho . . . ‘Tongava any’ Nahazo zavatra ho azy ireo aho.” Eny, toy izany no ahatongavan’ilay izy. Tena izany tanteraka. Raha tsy, voalohany, Izy no manome ahy an’izany, dia tsy afaka manome an’ilay izy aho.

⁵⁸ Koa, noho izany, no ahitanareo ahy mijery eo ambonin'ireto sary kely ireto. Ary ity, voalohany, rehefa nanomboka aho, dia tsy nahazo an'ity ampahany eto ity aho raha tsy vao indray andro na roa lasa izay, tao anaty ala.

⁵⁹ Ankehitriny, ireto olona ireto dia—dia... Petera no milaza, eto, hoe ahoana no tsy maintsy hahatonga antsika ho mpiray amin'ny Fombany Masina. Ankehitriny, ny tsirairay amintsika dia miezaka ny hitombo ao amin'ilay tsanganan'Andriamanitra.

⁶⁰ Ankehitriny, rehefa avy nandalo tamin'ireo Tombokase Fito isika, amin'izay fotoana izay, amin'ilay fotoan'ny fitsofana ny Tombokase Fahafito, na ny famahana... Mazava ho azy, fa fantatsika hoe inona ny tombokase anankiray, dia ny hamahana ny asa fanompoana, hamahana ny Tombokase Fito. Ary hahita an'izany mihitsy isika eo amin'ilay kisarisary. Izany dia mamaha Hafatra anankiray, zavatra izay voaisy tombokase.

⁶¹ Tamin'ny Alahady hariva farany, nitory aho ny amin'ny, "Ilay Fanalahidy." Ary ilay fanalahidy dia ny finoana. Ny finoana no mihazona ny fanalahidy, ary ny fanalahidy dia ny Soratra. Ary Kristy no Varavarana. Hitanareo? Koa ny finoana dia maka an'ireo savily kelin'ny Soratra ka manokatra an'ireo voninahitra sy fahatsaran'Andriamanitra, mba ho an'ny Olony. Hitanareo? Koa, izany dia, ny finoana no mihazona ny fanalahidy izay manokatra an'i Kristy eo amin'ny olona; manokatra an'ilay izy, manambara an'ilay izy.

⁶² Koa, androany, dia hiezaka isika ny haka an'io fanalahidy io ihany, mba hanokatra ny lèlana hahatongavana ho Kristiana anankiray feno hery ao amin'ilay tsanganan'Andriamanitra, ka, ary ho Tabernakely velona mba honenan'ilay Andriamanitra velona ao.

⁶³ Tsarovy, Andriamanitra dia manambara ny Tenany amin'ny fomba telo. Tamin'ny voalohany, dia naneho ny Tenany Izy tao anatin'ny Andry Afo anankiray, izany ilay nantsoina hoe ny Maha-Ray. Avy eo io Andriamanitra io ihany, no tonga voaseho teo amin'i Jesosy Kristy, izay Nanamboarany vatana anankiray, nanao an'io vatana io. Fahatelo, tamin'ny alàlan'ny fahafatesan'io vatana io, dia nanamasina Fiangonana anankiray Izy mba Hahafahany honina ao. Izany ilay Andriamanitra eo ambonintsika; Andriamanitra miarakana amintsika; Andriamanitra ao amintsika; ilay Andriamanitra tsy miova.

⁶⁴ Izany no antony niantsoana an'ilay izy hoe Ray, Zanaka, Fanahy Masina. Tsy Andriamanitra telo; andraikitra telo an'ny Andriamanitra tokana. Raha mba nieritreritra an'izany fotsiny mantsy izy ireo tao amin'ny Fivoriambé Niseana, dia tsy ho nisavorororo isika rehetra, sa tsy izany? Marina izany. Tsy andriamanitra telo. Ny olona dia tsy nety nahazo hoe ahoana no nireshanan'i Jesosy tamin'ilay Ray, nefy Izy sy ny Ray dia Iray.

Eny, eo ilay zavatra manontolo. Azo antoka, mampiharihary azy fotsiny. Izany tokoa. Hitanareo? Tsy Andriamanitra telo izany. Andraikitra telo! Telo na- . . .

⁶⁵ Inona izany? Andriamanitra maneho ny fahalehibeazany ho an'ny Famoronany. Andriamanitra dia tia ny ho tomponina. Ny Teny hoe *Andriamanitra* dia midika "zavatra ho tomponina." Ary izany dia Andriamanitra miezaka ny mandamina ny Olony, mba hahafahany mandray avy amin'izy ireo hoe inona no Namoronany azy ireo. Tsy nanao anareo mihitsy Izy mba ho zavatra hafa ankoatry ny zanakalahy sy zanakavavin'Andriamanitra. Raha tsy mahatratra an'izany ianareo, ny ho zanakalahy sy zanakavavin'Andriamanitra, dia tsy mahatratra an'ilay tanjona ianareo.

⁶⁶ Ary ny "tsy mahatratra," ny teny ho *m-a-n-o-t-a* dia midika hoe "tsy mahatratra an'ilay tanjona," tsy mahatratra an'ilay tanjona. Koa, raha nitifitra fikendrena anankiray aho, mikendry zavatra anankiray eny amin'ny dimampolo yard, ka mitifitra aho; maka ny basiko aho ary mitifitra, ka tsy mahatratra an'ilay izy, efatra na dimy inches, [12,70 sentimetatra] inona no nitranga? Mila fanitsiana ilay basiko. Misy zavatra tsy mety ao. Ary raha tsy mahatratra ny finoana an'Andriamanitra aho, raha tsy mahatratra ny ho Kristiana aho. . . . Andriamanitra dia nametraka anareo eto mba ho Kristiana. Raha lasa etsy amin'ny ilany ianareo, dia miverena ary aoka hahitsy. Ary zavatra tokana ihany no afaka hanitsy anareo, dia ny Soratra izany. Ny Fanahy Masina ao amin'ny Soratra, no manitsy anareo, mitondra anareo mivantana ao amin'ilay fikendrena indray. Marina izany.

⁶⁷ Ankehitriny, handinika ny Teniny isika. Hoy Stefana, ao amin'ny Asa 7, ary koa ao amin'ny . . . Ndao ho vakiantsika mihitsy izany. (Miresaka ankehitriny ny amin'ny, miresaka ny amin'ny Tabernakelin'Andriamanitra isika.) Ankehitriny, hoy Stefana. . . . (Satria, ho lasa Tabernakely velona an'Andriamanitra velona izany.) Hoy Stefana, ao amin'ny Asa ny toko faha-7, ary mino aho fa isika. . . . ao amin'ny Asa 7, manomboka eo amin'ny andininy faha-44:

Ny razantsika dia nanana ny tabernakelin'ny vavolobelona tany an-efitra, araka izay efa notendreny, niresa tamin'i Mosesy, fa tsy maintsy hanao azy araka ny endrika izay efa hitany izy.

Izany koa no azon'ireo razantsika, ireo razantsika izay tonga taty aorianana no nitondra tao. . . . Jesosy hatrany amin'ny tanin'ny Jentilisa, izay Andriamanitra no nandroaka azy tsy ho eo anatrehan'ireo razantsika, hatrany amin'ny andron'i Davida;

Izay nahita fitia teo anatrehan'Andriamanitra, ka naniry ny hahita tabernakely ho an'Andriamanitr'i Jakoba.

Fa Solomona no nanao trano ho azy.

Kanefa ny Avo indrindra dia tsy mitoetra ao amin'ny tempoly nataon'ny tànana; araka ny nolazain'ny mpaminany,

Ny Lanitra no sezà fiandrianako, ary ny tany no fitoeran-tongotro: trano manao ahoana no hataonareo ho ahy? hoy ny Tompo: na ahoana ny toerana fitsaharako?

⁶⁸ Ankehitriny ao amin'ny... Ankehitriny, "tabernakely," dia, mazava ho azy, fa toerana anankiray izay hitsaharantsika, ankehitriny, hahazoana hatsiatsiaka, sy ny sisa, tahaka ny hoe fitsaharana avy ao amin'ny torimaso, na ny sisa. Ankehitriny, Hebreo 10, ary ny andininy faha-5, Paoly no mampiditra an'izany.

Noho izany rehefa nidititra teto amin'izao tontolo izao izy, dia hoy izy hoe, Fanatitra alatsa-drà... (Kristy izany)... Fanatitra alatsa-drà sy ny fanatitra hohanina dia tsy nilainao, fa vatana anankiray no namboarinao ho ahy:

⁶⁹ Inona ilay Tabernakely ankehitriny? Vatana anankiray, Andriamanitra monina ao anatin'ny Vatana anankiray.

⁷⁰ Andriamanitra indray mandeha, tany ambony tany, rehefa nidina teo an-tendrombohitra Izy, na dia ny—ny ombilahy anankiray na ombivavy anankiray aza no nikasika an'ilay tendrombohitra, dia tsy maintsy novonoina izy. Masina Andriamanitra.

⁷¹ Omaly hariva, rehefa nanarona ny Tavany ireo Anjely. Serafima masina miaraka amin'ny tava masina, tsy nahafantatra akory aza ny dikan'ny hoe ota, nefà dia tsy maintsy nanarona ny Tavany Izy ireo, teo amin'ny Fanatrehan'Andriamanitra; nanarona ny Tongony, tao amin'ny fanetren-tena.

⁷² Ankehitriny, Andriamanitra masina dia tsy mamela ny ota, noho izany dia tsy nisy na inona na inona afaka nikasika an'ilay tendrombohitra izay nisy an'Andriamanitra.

⁷³ Avy eo dia tonga nofo Andriamanitra ary nonina teo anivontsika, tao amin'ny endrika Jesosy Kristy, ilay Zanany, ilay Famoronany. Avy eo ilay Zanaka dia nanome ny Ainy, ary novakiana ilay selan-dRàn'Andriamanitra, mba hahatonga an'ilay Aina hivoaka avy ao amin'ilay Rà, ho amintsika.

⁷⁴ Tamin'ny alàlan'io Rà io no nanadiovana antsika. Ary ankehitriny ny ràntsika, ny aintsika, izay azo tamin'ny alàlan'ny filàna ara-nofo, no nitondra ny fiainantsika teto amin'izao tontolo izao. Ny Ràn'i Jesosy Kristy no manadio antsika, manova ny fombantsika, amin'ny nandefasana ny Fanahy Masina eo amintsika; avy eo isika dia lasa ao amin'ilay fomba Masina an'Andriamanitra, avy eo isika dia lasa toerana

fonenan'Andriamanitra. Hoy Jesosy hoe, "Amin'izany andro izany dia ho fantatrareo fa Izaho ao amin'ny Ray, ary ny Ray ato Amiko; Izaho ao aminareo, ary ianareo ato Amiko." Hitanareo?

⁷⁵ Fantatrareo hoe ahoana io Andriamanitra io ao amin'ny Fianganany. Ny Fianganana ankehitriny dia natao haka ny toeran'i Kristy, manohy ny Asam-panompoany. "Izay mino Ahy, ireo asa Ataoko no hataony koa. Fa vetivety foana, dia tsy hahita Ahy intsony izao tontolo izao; fa ianareo no hahita Ahy, satria homba anareo Aho, ho ao aminareo mihitsy aza, hatramin'ny fahataperan'izao tontolo izao." Hitanareo? Izay ilay izy, manohy ny Asany.

⁷⁶ Ankehitriny, Andriamanitra, na ny Baiboly no nilaza an'izany, eto. Stefana dia niresaka ny amin'i Solomona nanorina tempoly anankiray, "Ary ny Avo Indrindra dia tsy mitoetra ao amin'ny tempoly nataon'ny tānana. 'Fa ny Lanitra no Seza fiandrianako, ary ny tany no Fitoeran-tongotro. Ary aiza izay fitoeran'ny Fitsaharako?' 'Fa Vatana anankiray no Namboarinao ho Ahy.'" Amena. Eo ianareo izao.

⁷⁷ "Vatana anankiray no Namboarinao ho Ahy." Andriamanitra dia monina ao amin'ny tsanganan'ny lehilahy anankiray, manome taratra ny Tenany ao amin'izany Tena izany. Fanompoana tanteraka! Andriamanitra ao amintsika, amin'ny maha-Tabernakeliny, Andriamanitra miseho. Oh, ahoana no hahafahantsika hijanona eo amin'izany mandrapahatonganareo efa ho sempotra ato, noho ny hafanana. Mariho, fa, Andriamanitra dia manana foana, hatramin'ny farany, taratry ny Tenany ao amin'ny olona.

⁷⁸ Izany no Andriamanitra tao amin'i Mosesy. Jereo izy, teraka ho mpitarika; Kristy. Tamin'ny fotoana nahaterahany dia nisy fanenjehana ankizy, niezaka ny hahita azy; nitovy amin'izany tamin'i Kristy. Ary izy dia—izy dia voavotra tamin'io fotoana io; toy izany koa Kristy. Izy dia mpanao lalāna; toy izany koa Kristy. Niakatra Mosesy, efapolo andro, ary nahazo an'ireo didy, ary nidina. Nankany an-efitra Kristy, efapolo andro, ary niverina, nanao hoe, "Efa renareo tamin'ny andro fahiny hoe, 'Aza mijangajanga.' Fa, Izaho milaza aminareo, na iza na iza mijery vehivavy, ka mila azy, dia efa njangajanga taminy sahady izy." Hitanareo? Ireo zavatra samihafa rehetra ireo, dia, Andriamanitra manome taratra ny Tenany.

⁷⁹ Jereo Josefa, teraka ho tovolahy ara-panahy teo anivon'ny—ny tarik'ireo rahalahiny. Lehilahy tsara izy rehetra, ireo patriarka rehetra ireo. Saingy, rehefa tonga Josefa, dia hafa izy. Afaka nahita fahitana izy, nandika nofy, ary nankahalain'ireo rahalahiny izy noho izany. Noho ilay tena asa izay nametrahan'Andriamanitra azy teto an-tany mba hataony, dia nankahala azy noho izany ireo rahalahiny. Hitanareo? Ary izany rehetra izany dia nanondro an'ilay hazo fijaliana. Ary,

jereo, namidy tamin'ny volafotsy madinika tokony ho telopolo izy, tamin'ny alàlan'ireo rahalahiny. Natsipy tao anaty lavaka, mba ho faty, tamin'ny alàlan'ireo rahalahiny. Nakarina avy tao amin'io lavaka io, ary nentina ka nipetraka teo an-tànana ankavanan'i Farao. Ary tsy nisy olona afaka nankao amin'i Farao, izay nifehy ny tany tamin'izany andro izany, tsy nisy afaka nankao amin'i Farao, raha tsy tamin'ny alàlan'i Josefa ihany. Tsy misy olona afaka mankao amin'Andriamanitra, raha tsy amin'ny alàlan'i Kristy ihany. Ary rehefa niala tao an-dapa Josefa, talohan'ny nialany, dia nisy trompetra notsofina, ary ireo mpihazakazaka nihazakazaka teo alohany, miantsoantso hoe, "Mandohaleha! Tamy Josefa!" Tsy mampaninona na taiza ianareo na taiza, na inona na inona no nataonareo, na toy ny inona no naha-zava-dehibe ny asanareo; tsy maintsy nandohalika ianareo mandra-pahatongan'i Josefa teo.

⁸⁰ Ary rehefa tsofina ny Trompetra, indray andro any, ny lohalika rehetra handohalika ary ny lela rehetra hiaiky. Rehefa Kristy, ilay Josefantsika, no handao ny Voninahittra ka tonga, dia tsy ho zava-dehibe ny asanareo amin'izay fotoana izay. Ny lohalika rehetra handohalika, ary hiaiky Azy ho Zanak'Andriamanitra. Marina izany.

⁸¹ Oh, toy ny inona no ahitantsika Azy ao amin'i Davida! Ahoana i Davida, mpanjaka anankiray nolavina, nesorina teo amin'ny seza fiandrianany, tamin'ny alàlan'ireo rahalahiny, ny zanany manokana, nipetraka teo amin'ny Tendrombohitra Oliva, ary raha niakatra izy, teo an-tampon'ny Tendrombohitra Oliva, nitodika njery an'i Jerosalema ka nitomany; satria teo ireo vahoakany manokana, fa izy no nanompo azy ireo ary nampianatra azy ireo an'Andriamanitra, nefo dia ilay vahoakany manokana no nihodina taminy ka nanipy zavatra taminy, nandrora azy ary naneso, rehefa nanomboka niakatra an'ilay havoana izy ary nolavina. Oh, tena ilay Zanak'Andriamanitra tanteraka tokoa, valonjato taona taty aoriane; Mpanjaka anankiray nolavina, teo anivon'ny Vahoakany Manokana, nipetraka teo amin'ny tendrombohitra ary nitomany an'i Jerosalema, amin'ny maha-Mpanjaka nolavina.

⁸² Inona izany? Andriamanitra manome taratra ny Tenany ao amin'ireo mpaminany ireo, manome taratra an'i Kristy.

⁸³ Noho izany dia indro tonga ny Anankiray izay ny fahatanterahan'Andriamanitra. Andriamanitra teo anivontsika izany.

⁸⁴ Ary hatramin'io fotoana io, dia nanome taratra ny Tenany tao amin'ny Fiagonany Izy, eto amin'ity lafiny eo Kalvary ity. Koa, hitanareo, isika rehetra dia miezaka ny ho tonga eo amin'io toerana fonenana io, Tabernakelin'Andriamanitra velona. Ankehitriny dia misy olona . . .

⁸⁵ Mahamarika isika eto, hoy izy hoe, “Voalohany manana ny finoana isika, ny fahatanjahan-tsaina, ny fahalalana, ny fahononam-po, ny faharetana, ny fahatsaram-panahy na ny toe-panahy araka an’Andriamanitra, ary ny fitiavana ny rahalahy.” Eny àry. Fitiavana ny rahalahy, ary avy eo dia ampio fitiavana. Avelao aho hamaky an’izany, izy rehetra, indray mandeha, mba hahazoanareo antoka fa azonareo ilay izy ankehitriny. Ankehitriny isika dia hanomboka eo amin’ny andininy faha-5.

Ary ankoatr’izany, manome ny zotom-po rehetra, ampio amin’ny finoanareo ny fahatanjahan-tsaina; ary amin’ny fahatanjahan-tsaina dia fahalalana;

Ary amin’ny fahalalana dia fahononam-po; amin’ny fahononam-po dia faharetana; ary amin’ny faharetana dia toe-panahy araka an’Andriamanitra;

Ary amin’ny toe-panahy araka an’Andriamanitra dia fitiavana ny rahalahy; ary amin’ny fitiavana ny rahalahy dia fitiavana, izay ny fitiavana.

...raha ao aminareo ireo zavatra ireo, ary betsaka, dia ireo no hanao anareo sady tsy halaina na tsy hahavokatra amin’ny fahalalana an’i Jesosy Kristy Tomponsika.

⁸⁶ Ankehitriny dia manoritra zavatra ho antsika i Petera eto hoe, ahoana no hahatongavana eo.

⁸⁷ Ankehitriny dia tiako ny milaza an’izao, fa, misy ireo olona izay manana ampahany amin’io fahatanjahan-tsaina io, fahalalana, fahendrena, faharetana, sy ny sisa, izay tsy milaza akory aza ho Kristiana. Ankehitriny isika fotsiny... isika dia mampianatra sekoly Alahady. Ary marina izany. Misy olona manana ampahany amin’izany, izay tsy mihambo ho Kristiana akory aza. Saingy izany dia tsy... Tsy hahavita an’izany io. Izany dia tahaka ny tsikorovana anankiray izay miezaka hametraka volon’ny vorombola eo amin’ny elany, mba hahatonga azy ho vorombola. Manala baraka ny tenany fotsiny izy. Tsaratsara kokoa ho azy ny mijanona ho tsikorovana. Hitanareo? Raha miezaka ny mampiasa an’ireo zavatra ireo izy nefo tsy Kristiana, dia any ivelan’ny toerana tanteraka fotsiny izy.

⁸⁸ Izany dia tahaka ny amontana anankiray miezaka hanamboatra paoma. Tsy hahavita an’izany izy, hitanareo, na dia hazo anankiray aza izy. Fa tsy afaka hanamboatra paoma izy.

⁸⁹ Izany dia tahaka ny ramole anankiray izay miezaka hanamboatra volon’ondry, miezaka ny ho ondry anankiray nefo izy dia—izy dia ramole anankiray. Hitanareo, tsy afaka manamboatra volon’ondry izy. Tsy afaka manao an’izany izy. Ny volon’ondry dia fanomezana ho an’ny ondry, fa tsy ho an’ny

ramole. Mety hiezaka hanao tahaka ny ondry izy, saingy mbola ramole foana izy. Hitanareo? Koa, hoy izy hoe, “Eny, afaka mihinana toy ny ondry aho. Afaka manao an’ity tahaka ny ondry aho.” Ary tsy mampaninona izay mety ho vitanareo, tsy maintsy ho ondry ianareo mba hahazo volon’ondry.

⁹⁰ Ary avelao aho hijanona eto iray minitra. Ny ondry dia tsy manamboatra volon’ondry. Manana volon’ondry izy satria ondry izy. Maro ireo olona miezaka manao hoe, “Eny, hiezaka ny ho tsara aho. Hiezaka ny hanao an’ity aho.” Aza manamboatra na inona na inona. Tsia, tsy afaka hanao an’izany ianareo. Ny ondry tsy, tsy angatahana, tsy antenaina hanamboatra volon’ondry. Mitondra volon’ondry izy, ary manao an’izany izy satria ondry izy.

⁹¹ Ary rehefa Kristiana ianareo, dia mitondra fotsiny ny vokatry ny Fanahy ianareo. Ianareo tsy—ianareo tsy manamboatra an’izany. Tsy miezaka ny mamorona an’izany ianareo. Ianareo miezaka . . . Aza manao ny tenanareo ho zavatra izay tsy maha-izy anareo. Lasa amin’izay natao haha-izy anareo fotsiny ianareo, ary avy eo dia izy ihany no mikarakara ny tenany. Efa nandre olona ve ianareo nanao hoe, “Eny, lazaiko anao. Izaho dia . . . Nikambana tamin’ny fiangonana aho. Izaho—izaho tokony hiala amin’io lainga io”? Miezaka manamboatra zavatra indray ianareo, ankehitriny. Tsy afaka manao an’izany ianareo, noho izany dia tsy ilaina ny miezaka, tsy mihoatra noho ny—noho ny—ny ramole anankiray tsy afaka hanao ny tenany hanana volon’ondry. Tsy afaka manao an’izany izy.

⁹² Na, ny voltora miezaka hijinana miaraka amin’ny voromailala, ny voltora miezaka—ny voltora miezaka ny ho voromailala. Azonareo eritreretina ve ny hitsikitsika anankiray eo, hanao hoe, “Fantatrareo, voromailala aho,” ka mametraka volom-borona vitsivitsy eo aminy, manao hoe, “Hitanareo, izaho dia mitovy . . .” Hitanareo? Ho any ivelan’ilay toe-batana tanteraka fotsiny izy. Izany dia ny—ny olona izay milaza ho zavatra nefá tsy izy akory. Hitanareo, tsy afaka manao an’izany ianareo.

⁹³ Tsy afaka milaza ianareo hoe, “Ankehitriny jereo, natao hanana fahatanjahan-tsaina aho, ka dia hanana fahatanjahan-tsaina aho. Natao hiaina ny toe-panahy araka an’Andriamanitra aho, ka dia hanana an’izany fotsiny aho.” Nahoana, miezaka ny mametraka volom-borona fotsiny ianareo. Na dia zakanareo aza ireo, saingy tsy azonareo atao ny mametraka volom-borona eo amin’ilay vorona tsy izy. Hitanareo? Tsy hety mihitsy izany. Ary izany dia maneho fotsiny hoe mpihatsaravelatsihy tahaka ny inona io vorona io. Hitanareo? Azonareo eritreretina ve ny hitsikitsika antitra anankiray izay miezaka ny hahazo volom-boromailala vitsivitsy, hanao hoe, “Jereo aty, hitanareo, voromailala aho”? Hitanareo? Nahoana, isika rehetra dia

mahafantatra fa hitsikitsika anankiray izy. Hitanareo? Hitanareo? Izay ihany. Afaka miteny isika fa hitsikitsika izy.

⁹⁴ Eny, ankehitriny dia izay ilay fomba, miezaka ny—ny hanamboatra ny Kristianisma. Tsy afaka manao an’izany ianareo. Ny zavatra voalohany tsy maintsy ataonareo, dia ny hateraka indray. Tsy maintsy ovàna ianareo. Hitanareo? Ary rehefa miova ianareo, dia lasa olom-baovao. Ankehitriny dia manomboka tsara ianareo, ankehitriny. Hitanareo? Ankehitriny ianareo dia tsy tokony hiahiahny amin’ireo volom-borona, izy ihany no hikarakara ny tenany, rehefa—rehefa ateraka indray ianareo. Eny, tompoko.

⁹⁵ Tahaka ny efa nolazaiko foana. Alainareo ny—ny kisoa anankiray, koseho tsara izy ary asio palitaon’ny tantsambo anankiray eo aminy, na palitao, raha ny marina, eo aminy, ary alefaso any izy; handeha avy hatrany any amin’ny fotaka izy ary hihosikosina. Satria, hitanareo, tsy hahasoa izany. Kisoa anankiray izy. Izany no toetrary. Mihosikosina no toetrary. Tsy maintsy manova ny toetrary ianareo, ary (izy) ny sisa amin’izany no hikarakara ny tenany.

⁹⁶ Ankehitriny mariho. Tsy maintsy ateraka indray ianareo, izany hoe, ovàna. Tsy maintsy ho fiovana anankiray izany.

⁹⁷ Hoy ianareo hoe, “Eny, Rahalahy Branham, fantatro fa io vehivavy anankiray eto io, nahoana, tsy mbola nanao zavatra ratsy mihitsy izy. Vehivavy tsara izy. Na, io lehilahy *toy izao-sy-toy izao* io, lehilahy tsara izy. Tsy nanao na inona na inona mihitsy izy. Fantatralo fa tsy mba manaratsy olona izy.” Tsy midika na inona na inona izany. Mety ho mpifanolo-bodirindrina tsara anankiray izy, saingy tsy Kristiana izy raha tsy ateraka indray.

⁹⁸ Hoy Jesosy hoe, “Raha tsy ateraka indray ny olona,” Masindahy Jaona 3, dia, “tsy mahazo mahita ny Fanjakana izy.” Ankehitriny, izany dia midika, *mahita*, ny dikan’izany dia “mahazo.”

⁹⁹ Mijery zavatra ianareo, manao hoe, “Tsy hitako mihitsy ilay izy.” Ny tianareo ho lazaina dia hoe tsy azonareo ilay izy.

¹⁰⁰ Ny olona dia tsy afaka mahazo ny hoe maninona ny olona no mihiakiaka. Ny olona dia tsy afaka mahazo ny hoe maninona ny fitenin’olombelona no hiova ary hiteny amin’ny fiteny tsy fantatra izy. Ny olona ara-nofo dia tsy afaka mahita hoe ahoana no hahafahan’ny voninahitr’Andriamanitra ho tonga eo amin’ny mason’olona anankiray, ka hahita fahitana izy ary hiteny zavatra amin’ny olona anankiray, sy izay hataony; miteny amin’izy ireo ny zavatra izay voatendry fa hitranga, ary manendry zavatra izay tsy maintsy hiseho, tahaka ny nataon’ny Tompo ho antsika teto vao omaly hariva, mihitsy aza. Hitanareo? Hitanareo? Ny—ny fisainana ara-nofo dia miezaka ny maka endrika. “Eny, inona no nataony? Na, karazana fitaka inona

no ampiasainy? Hafetsena inona no nananany?” Mahita olona anankiray miteny amin’ny fiteny tsy fantatra, dia hoy izy ireo... sy olona mandika ary miteny tanteraka amin’ny mpikambana iray amin’ilay Vatana ny amin’izay nataon’izy ireo, sy ny tsy tokony hataon’izy ireo. Hitanareo? Hitanareo? Dia mihevitra izy ireo fa karazana fitaka anankiray izany. “Misy zavatra nifanarahana teo amin’izy ireo.”

¹⁰¹ Tsy afaka ny hahazo an’izany izy ireo raha tsy ateraka indray izany olona izany. Avy eo rehefa ateraka indray izy, amin’izay fotoana izay dia ao anatin’ny laharan’ny fiombonana izy, satria olom-baovao izy. Ilay mpiiahayah tranaindy, izy ilay nanana toetra misalasala, dia maty. Ankehitriny, dia olom-baovao izy. Koa, hitanareo, tsy mila manampy na inona na inona ao amin’ny azy izy, ankehitriny, satria hiampy ho azy fotsiny izany.

¹⁰² Mariho, tsy maintsy ateraka indray ianareo. Ary rehefa ateraka indray ianareo, dia tsy afaka ny hateraka indray ianareo raha tsy manana finoana. Marina izany. Koa, hitanareo, eto amin’ny sarisariko eto, dia manana an’ilay tena fototra aho, ny finoana no fototr’izy rehetra. “Fa raha tsy misy ny finoana dia tsy hay atao ny hahafaly an’Andriamanitra. Izay manatona an’Andriamanitra dia tsy maintsy mino fa misy Izzy, sady mpamaly soa an’ireo izay mitady Azy fatratra.” Hitanareo? Tsy maintsy izay izy. Ary rehefa mpisalasala amin’ny Baiboly ianareo, rehefa mpisalasala amin’ny Teny marina ianareo, dia tsara ho anareo fotsiny ny mijanona any aoriania mandrapahatonga anareo hino an’ilay izy aloha.

¹⁰³ Inona ny ota? Ny tsy finoana. Singa roa ihany no mifehy ny olombelona. Izany dia na ny fisalasalana na ny finoana, ny iray na ny iray hafa. Ianareo dia an’ny anankiray izay manapaka ny fiainanareo. Izany dia miankina fotsiny amin’ny hoe toy ny ahoana ny finoana anananareo, avo toy ny ahoana no hahafahanareo miakatra.

¹⁰⁴ Saingy, voalohany, dia tsy maintsy finoana ilay izy. Avelao aho hijanona eo amin’io fototra io vetivety. Ankehitriny, ny finoana dia izay tsy maintsy inoanareo. Ny finoana dia izay... “Ny finoana dia ny fahatokiana ny zavatra antenaina.” Izany dia, efa anananareo sahady ilay izy rehefa manana finoana ianareo, satria voambara tao amin’ny finoana ilay izy. “Ny finoana dia ny fahatokiana ny zavatra antenaina,” Hebreo 11, hitanareo, “ilay fanamarinana.” Inona izany? Karazana fanamarinana inona? Fanamarinana masina.

¹⁰⁵ Noho izany, rehefa hoy ianareo hoe, “Rahalahy Branham, izaho dia mino fa Andriamanitra dia mpanasitrana.” Eny, raha mino an’izany ianareo, ka manaiky Azy ho mpanasitrana anareo avy eo, ary tsy mandainga, fa mino tokoa fa ireo diankapoka Taminy no nahasitranana anareo, dia tsy misy na inona na inona hampiala anareo amin’izany. Vita hatreо ilay

zavatra. Ankehitriny mety manana ny fanantenana ianareo, mitsambikina eo amin'*'ity* fotsiny sy mitsambikina eo amin'*'itsy*. Saingy rehefa manana ny finoana ianareo, fantatrareo ilay izy, satria izany ilay fanamarinana. Efa nahazo an'ilay izy sahadys ianareo. Izaho dia . . .

¹⁰⁶ Firy, ny olona, mba nandre an'i Oral Roberts izao maraina izao, rehefa nitory teny izy izao maraina izao, Oral Roberts? Izaho—izaho dia nandre azy nilaza zavatra anankiray na hafa mikasika ny hoe nisy ny finoana, izay an'ny fanafahana, mivavaka amin'ny fivavaky ny finoana, an'ny fanafahana. Hoy izy hoe, "Ataovy ny fifandraisanoareo amin'ny alàlan'ny fikasihana ny radio, ataovy ny fifandraisanoareo amin'ny alàlan'ny fikasihana zavatra, mba . . ." Nanao an'izany ilay lehilahy, mba hanomezan'izany zavatra ho an'ny olona izay azon'izy ireo hametrahana ny tânany. Zavatra anankiray, hoy ianareo hoe, "Nahazo azy aho ankehitriny, satria niteny tamiko izy mba hikasika ny radioko. Nahazo azy aho." Hitanareo? Ankehitriny, tsara daholo izany. Saingy, ankehitriny, ny finoana tena izy dia tsy mila mikasika na dia ny anankiray amin'izany zavatra izany akory aza. Ankehitriny, tsy manameloka ny Rahalahy Oral aho, tsy izany mihitsy. Manao asa lehibe izy, ary lehilahy masina, ary izaho—izaho dia mankasitraka tanteraka an'i Oral Roberts. Tena mampalahelo fa tsy ananantsika betsaka izany.

¹⁰⁷ Fa ny ezahako lazaina dia, izao—izao, ny finoana dia tsy mila na inona na inona. Hitanareo? Ny finoana dia mino ny Tenin'Andriamanitra. Fa ny finoana azo avy amin'ny "fikasihana"? Tsia. "Ny finoana dia azo avy amin'izay renesina, ary izay renesina dia ny Tenin'Andriamanitra." Izany no ifaharan'ilay izy. Eo ilay izy. Hitanareo? Ary ny finoana, araka ny voalaza, dia tsy lavitra. Ny finoana dia eo no ho eo. Ny finoana dia eto. Ankehitriny tahaka ny hoe raha misy olona . . .

¹⁰⁸ Ilay zaza kely, indray andro. Ilay reny izay noresahan-dRanabavy Kidd sy ireo hafa, izay nanana an'ilay zaza kely niaraka tamin'ny tsinay nivoaka, niaraka tamin'ny tsy fisokafan'ny lavaka fivoahana, mba hampandalovana ny sakaf. Ankehitriny, ity ramatoa ity, izay nandre an-dRanabavy Kidd sy ny hafa nijoro vavolombelona, dia nino fa raha afaka nifandray izy, ka mivavaka ho an'ilay zaza aho. Ankehitriny, hitanareo, Andriamanitra dia manome antsika olona . . .

¹⁰⁹ Ny sasany amintsika dia manana fahatsapana miaraka amin'Andriamanitra, tena—tena misy hany ka lasa toy ny hoe mandeha eto Andriamanitra, toy ny, ka miresaka amin'ny Rahalahy Neville na olona izay fantatrareo. Ary indraindray isika dia mangataka an'ireny olona ireny mba hivavaka ho antsika. Izany no nasaina ataontsika. Avy eo rehefa manana finoana isika fa io lehilahy na vehivavy io, na iza na iza mivavaka ho antsika, dia miresaka amin'Andriamanitra, amin'izay fotoana

izay dia mamikitra ny finoantsika. Voapetraka mafy izany. Vita hatreо ilay izy.

¹¹⁰ Eto. Nandeha nihaona tamin'i Jesosy ilay Romana. Ary hoy izy hoe, "Izaho—izaho dia tsy mendrika ny Hidiranao ao ambany tafo-tranoko. Tsy mendrika aho. Izaho—izaho tsy mendrika. Ary izaho—izaho tsy . . . Izaho—izaho tsy manao ny tenako ho toy izany. Saingy," hoy izy, "tena marary ny zanako. Ary miteny an'ilay Teny fotsiny Ianao, hitanao, dia ho velona ny zanako."

¹¹¹ Inona izany? Tsy nahavita fahasamihafana ilay halavirana. Hitanareo? Satria, Andriamanitra dia manerana. Andriamanitra dia faratampon'ny hery. Ary n'aiza na aiza no misy an'Andriamanitra, dia eo ny faratampon'ny hery. Ary Andriamanitra, izay manerana, dia izany no manao an'Andriamanitra ho n'aiza na aiza, hatraiza hatraiza. Hitanareo? Andriamanitra dia lehibe any Alemania, any Soissa, ary any Afrika any, amin'izao minitira izao mihitsy, izay mahaeto Azy mihitsy. Oh! Eo ianareo izao.

¹¹² Koa ankehitriny dia hoy izy hoe, "Tsy mendrika aho ny Hidiranao ao amin'ny tafo-tranoko. Teneno fotsiny ilay Teny." Inona izany? Izany no finoan'ilay Romana. Nino an'izany izy.

Ary hoy Jesosy hoe, "Zory ny lalanao. Velona ny zanakao."

¹¹³ Ary lasa izy, dia roa andro. Ary ny ampitso, talohan'ny nahatongavany tao an-trano, dia nifanena tamin'ny sasamy tamin'ireo mpanompony izay tonga izy. Ary hoy izy ireo hoe, "Velona ny zanakao."

¹¹⁴ Ary diso faly loatra ilay Romana, hany ka hoy izy hoe, "Tamin'ny ora fahafiry amin'ny andro izy no nanomboka tsaratsara? Ampahany inona tamin'ny andro?"

Hoy izy hoe, "Tokony tamin'ny ora faharaika ambin'ny folo, no nanomboka niova izy."

¹¹⁵ Ary fantatr'ilay Romana fa io ilay ora marina izay nilazan'i Jesosy hoe, "Velona ny zanakao," ary dia nino izy. Amena.

¹¹⁶ Faratampon'ny hery, manerana, faratampon'ny fahalalana, tsy manam-petra, izany Andriamanitra. Koa, rehefa miantso an-telefaonina izy ireo ka manao hoe, "Mivavaha!" Mampifandray izany! Ary ny finoanareo no mitondra an'Andriamanitra. Izany ilay zavatra izay mitondra ny vavaka sy Andriamanitra, miaraka, ho eo amin'ny sehatra. Vavaka! Ny finoana dia miova avy eto ho eto. Izy no mitondra an'izany miaraka.

¹¹⁷ "Teneno ilay Teny. Ny hany tiako Hataonao dia ny milaza an'ilay Teny, ary dia hilamina ny zavatra rehetra." Hitanareo, tsy nila tonga tany Izy. "Lazao fotsiny ilay Teny." Nahoana? Andriamanitra dia manerana. Izy no mahery indrindra. Mahery tokoa Izy any amin'ny tendro ambanin'ny tany tahaka Azy any amin'ny tendro ambonin'ny tany, na amin'ny lafiny rehetra.

Andriamanitra Izzy. "Ary ny zavatra tokana tokony Hataonao dia miteny fotsiny an'ilay Teny," hoy izy.

¹¹⁸ Ary, ankehitriny, dia ny finoana no manao ny sisa amin'izany. Ny finoana no manao ny sisa. Noho izany dia tsy maintsy manana ny finoana ianareo ho fototra. Ny Kristianisma rehetra, ny maha-izy anareo rehetra, ny mety haha-izy anareo, dia mifototra eo amin'ny finoana ao amin'ny Teny. Izany no antony inoako ny Teny. Hitancareo?

¹¹⁹ Tsy afaka mametraka ny finoako eo amin'ny zavatra hafa aho. Raha hametraka azy eo amin'ny fiangonana aho, dia fiangonana iza no hametrahako azy: Katolika, Loterana, Metodista, Batista, Pentekotista? Aiza no hametrahako azy? Tsy fantattro. Izzy rehetra dia misafotofoto sy ny sisa rehetra, tadm-pitana misaringotra, sy ny sisa rehetra.

¹²⁰ Fa rehefa mametraka ny finoako ao amin'ny Teniny aho, dia mifahatra izany. Tsy misy olona mandika an'Izany. Eto Izany, HOY NY TOMPO HOE. Koa dia mino an'Izany aho. Izany ilay fototra.

¹²¹ Dokotera kely mahafinaritra anankiray eto amin'ny tanàna, sakaizako anankiray, Dokotera Sam Adair. Niaraka tovolahy izahay. Ianareo rehetra dia mahafantatra an'i Sam. Ary nilaza tamiko izy, hoy izy hoe, "Bill . . ." Taorian'ny nahatongavan'ilay fahitana, niteny taminy hoe aiza no hanorenany ny toerany, ho toy ny ahoana ilay izy. Ankehitriny mandehana any, anontanio azy indray mandeha raha tsy marina izany. Roa na telo taona talohan'ny nitrangan'ilay izy, dia nolazaina taminy hoe ho aiza ilay izy. Hoy aho hoe, "Saiky ho alainao daholo izao antontan-trano izao." Ary tsy nisy afa-tsy zavatra anankiray no nanelanelana azy sy izany, ary izany dia ilay toerana fitsaboana. Azon'i Dokotera Adair avokoa ny sisa rehetra tamin'izany, sy farmasiana. Izay ihany. Dokotera Adair no nahatanteraka an'izany marina mihitsy, ilay fahitana. Aiza, ilay toerana izay nolazainy hoe, "Tsy azo kasihana mandritry ny dimy amby roapolo taona akory aza izy io. Any amin'ny fitsarana io."

¹²² Hoy aho hoe, "Dokotera, ny Tompo no manome an'izany ho anao, noho ny fanetre-tenanao."

Hoy izy hoe, "Tsy tsara aho."

¹²³ Hoy aho hoe, "Sokatra anankiray ianao. Misy akora ianao ety ivelany, harany anankiray izay hijerenao an'ireo namanao eto, saingy ao anaty dia olona marina ianao. Mivoaha ao amin'io akora io." Hoy aho hoe, "Andriamanitra no nanome an'izany ho anao."

¹²⁴ Hoy izy hoe, "Tsy nisalasala ny aminao mihitsy aho, Billy, fa tsy maintsy hisalasala ny amin'io aho."

Hoy aho hoe, "Mandehana mankany amin'ny biraonao." Ary dia lasa izy.

¹²⁵ Ny ampitso maraina, niantso ahy izy, hoy izy, “Matin’ny hatsiaka aho.”

¹²⁶ Hoy aho hoe, “Inona no olana?” Teo amin’ny volana Jolay izany. Hoy aho hoe, “Inona ny olana, Doko?”

¹²⁷ Hoy izy, “Efa novidiako ilay toerana, Billy. Nanana fivoriana izy ireo omaly hariva tany Boston, ary efa novidiako ilay toerana izao maraina izao.”

Hoy aho, “Efa voalazako anao.”

¹²⁸ Tany aho indray andro, niresaka taminy, rehefa nipoaka teo amin’ny tavako ilay basy. Hoy izy hoe, “Azoko eritreretina fa efa nolazaiko tamin’ny olona an’arivony izay tonga teto izany, tahaka an’izany.” Inona izany? Ankehitriny, rehefa miteny zavatra Andriamanitra, dia tsy maintsy mitranga izany.

¹²⁹ Omaly hariva dia niditra ireo sakaiza vitsivitsy. Nandre izy ireo fa ilay fahitana dia niresaka mikasika an’ilay karibo izay nanana tandroka roa amby efa-polo tondro, ary ilay bera mara mivolom-bolafotsy. Tsy fantatro hoe olona firy no tonga tany an-trano, te-hijery an’izany. Hoy aho hoe, “Indro ny metatra fandrefesana. Apetraho eo amin’ilay tandroka.” Nandre izy fa voalaza ilay izy talohan’ny nitrangany. Hitanareo? Nahoana? Rehefa miteny zavatra Andriamanitra, dia tsy maintsy mitranga izany. Izany ilay antony, mifototra ilay izy.

¹³⁰ Ankehitriny, *indro* ny planin’ny famonjena. Ary avy eo raha mitranga tanteraka ny Fahitany, tena ilay fomba nilazan’izy ireo fa hataony, ary ity fiangonana eto ity dia mahalala fa marina izany, amin’izay fotoana izay dia ahoana ny amin’ny Teniny. Hitanareo? Mbola azo antoka noho ilay fahitana izany. Raha tsy niteny niaraka tamin’ny Teny ilay fahitana, dia diso ilay fahitana. Fa ny Teny izany, aloha, satria ny Teny dia Andriamanitra. Hitanareo? Noho izany, dia manerana Izzy. Niteny an’izany Izzy eto, ary nanao an’ilay izy hiseho tany Canada. Amena. Hitanareo, manerana Izzy. Eny àry.

¹³¹ Voalohany, dia tsy maintsy ateraka indray ianareo. Ary avy eo rehefa ateraka indray ianareo, dia manana finoana ianareo; mino ny Teny ianareo. Raha tsy ateraka indray ianareo, dia hiady hevitra hanohitra an’Izany ianareo. Raha mirona ara-pivavahana fotsiny ianareo, ary—ary ianareo nahazo ny—ny—ny fahalalan’olombelona kely izay tsy maintsy hanaovanareo ny marina, dia tsy ho afaka ny hifanaraka amin’ny Tenin’Andriamanitra mihitsy ianareo. Tsy ho vitanareo mihitsy izany. Tsy maintsy ateraka indray ianareo. Ary, ny ateraka indray, dia izany no mamokatra ny finoana. Eny àry. Avy eo, rehefa avy nahazo ny finoana ianareo, *ity* eto ity mihitsy, f-i-n-o-a-n-a, finoana, amin’izay fotoana izay dia eo amin’ny toeran’ny fitomboana ianareo.

¹³² Ankehitriny, maro ny olona mankeo amin'ny alitara, sy mivavaka, ary manao hoe, "Tompo, mamelà ahy." Ary tonga eo amin'izy ireo ny fahatsapana lehibe an'ny fanamasinana, sy ny sisa. Avy eo dia manana fotoana lehibe ianareo, mitsangana eny amin'ny alitara, mihiakiaka. Miverina ianareo, manao hoe, "Isaorana Andriamanitra, nahazo azy aho." Tsia, nanomboka fotsiny teo amin'ny toerana anankiray izay hahafahanareo mitombo fotsiny ianareo. Tsy mbola nahavita na inona na inona ianareo. Hitanareo? Ny zavatra tokana nataonareo dia nametraka fotsiny an'ilay fototra.

¹³³ Ankehitriny handeha hanorina trano anankiray ianareo, ary alatsakareo ilay fototra, manao hoe, "Ry tovolahy, azoko izy." Hitanareo? Nahazo ny fototra mba hanorenana ny tranonareo ianareo. Ankehitriny dia hanorina trano amin'izay ianareo.

¹³⁴ Ankehitriny dia eo no miditra ilay zavatra, izao maraina izao, hiresaka an'izany isika ankehitriny. Eny àry. Ny trano anankiray, dia ity fototra ity no voalohany. Inona no fototry ny Kristianisma? Ny finoana ny Tenin'Andriamanitra. Izany no fototrareo. Avy eo dia manomboka mitombo ianareo. Avy eo dia manomboka ianareo, manomboka manampy an'io fototra io ianareo.

¹³⁵ Ankehitriny, rehefa manorina trano anankiray, dia apetракарео ny tsangananareo sy ny sisa rehetra. Rahalahy Woods, sy ny sasany amin'ireo mpandrafitra ary mpiantoka eto dia afaka hiteny amintsika hoe ahoana no hanorenanareo ny tranonareo. Hitanareo? Saingy izaho kosa dia hiteny aminareo hoe ahoana no fanorenana ny tranonareo ara-panahy, izay hahafahan'Andriamanitra honina. Te-honina ao aminareo Izy. Te-hanao anareo tahaka ny Tenany Izy. Tiani ianareo ho voataratra, hanome taratra, raha ny marina, ny Maha-izy Azy.

¹³⁶ Fantatrareo, tamin'ny andro fahiny rehefa nanao volamena izy ireo taloha, alohan'ny nananan'izy ireo an'ilay fandrendrehana handoroana an'ilay izy, dia novelesin'izy ireo taloha ilay volamena, novelesina hiala ilay loto, ny vy sy ny varahina sy ny karazany, hiala, ary dia manohy mively fotsiny, ary mamadika azy, dia mively azy. Ireo Indiana dia manao an'izany ankehitriny, mively volamena, ary velesin'izy ireo izany. Fantatrareo ve hoe ahoana no hahafahan'izy ireo hiteny fa niala tamin'ilay izy ireo vy rehetra, sy ny loto rehetra sy ny karazany, ary ireo faikany dia niala tao amin'ilay izy? Rehefa ny anankiray izay nively no nahita ny tarany manokana, tahaka ny fitaratra anankiray, ao amin'ilay izy. Madio sy tena mamiratra ilay izy hany ka manome taratra an'ilay mpively.

¹³⁷ Izany no fomba atao'Andriamanitra. Maka an'ilay volamena Izy izay Hitany teto an-tany, ary Velesiny izany, amin'ny alàlan'ny Fanahy Masina, avadiny izany, dia avadiny, dia avadiny, ary velesiny izany mandra-pahatonga (Azy nahazo)

Azy afaka hahita ny Tarany. [Nitehaka ny tànany im-betsaka Rahalahy Branham nandritra an'io fehezan-teny io—Mpand.]

¹³⁸ Ary izany no tokony hataontsika, manome taratra an'ilay Zanak'Andriamanitra. Ary ankehitriny dia tokony hanao ny Asany isika. Hoy Izy hoe, “Izay mino Ahy...” Masindahy Jaona 14:7, “Izay mino Ahy, ireo asa izay Ataoko no hataony koa.” Manomboka manome taratra an'ireo asan'i Kristy ianareo.

¹³⁹ Saingy maro amintsika no miezaka manao an'ireo asan'i Kristy alohan'ny hisian'ilay taratr'i Kristy eo amintsika. Ankehitriny dia eo ilay olana. Mahita an'ireo zavatra ireo mitranga isika. Fantatrareo izany. Fantatro izany. Isika dia mahita an'ireo, tafintohina eran'ny lâlana. Hitantsika ireo antontam-pitoriteny fakofako, ireo Kristiana, mivangongo eran'ny lâlana, satria tsy niditra tsara tao izy ireo.

¹⁴⁰ Ary izany no antony maha-eto ahy izao maraina izao, dia ny miezaka hampianatra an'ity fiangonana kely ity, ary ny tenako, hoe ahoana no hahafahantsika ho lasa toerana fonenan'Andriamanitra velona. Firy no maniry ho toy izany? [Hoy ny fiangonana hoe, “Amena.”—Mpand.] Ilay toerana fonenan'Andriamanitra velona!

¹⁴¹ Ankehitriny dia izao no ataontsika. Inona ilay zavatra voalohany? Manana ny finoana, ary ateraka indray. Izany no mametraka an'ilay fototra.

¹⁴² Avy eo, rehefa mametraka an'ilay fototra isika, faharoa dia ampionareo ilay fototrareo. “Ampio amin’ny finoanareo,” hoy Petera eto. Ampio amin’ny... Voalohany dia manana ny finoana ianareo, avy eo dia ampionareo fahatanjahan-tsaina ny finoanareo. Izany no andry manaraka. Voalohany, araraka ilay fototrareo, ny finoana. Avy eo, amin’ny finoanareo, dia ampio fahatanjahan-tsaina.

¹⁴³ Ankehitriny, eo mihitsy no lavo ny maro amintsika. Eny, tompoko. Eny. “Ampio fahatanjahan-tsaina ny finoanareo.” Tsy midika izany hoe miaina amin’ny fiainana virijiny fotsiny, fantatrareo, tahaka ny vehivavy anankiray na lehilahy anankiray, sy ny sisa. Tsy misy idiran’io amin’izany.

¹⁴⁴ Ny Baiboly dia nilaza, mamaky isika eto amin’ny Bokin’ny Lioka, izay Nilazany hoe, “Niala Taminy ny hery.” Marina ve izany? [Hoy ny fiangonana hoe, “Amena.”—Mpand.] Raha tiantsika ny hitovy Aminy, dia tsy maintsy manana hery isika, noho izany. Tsy maintsy manana an'izany isika, mba hitovy Aminy. Izany no hira voalohany mba tiako, ao amin’ny—ao amin’ny hira fiderana, iray amin’ireo tsara indrindra, dia, *Hitovy Amin'i Jesosy*. Eny, raha mba ho lasa hitovy amin’i Jesosy aho, dia tsy maintsy manana fahatanjahan-tsaina aho, ary lâlana anankiray izay hahafahan’izany mandeha avy ato amiko mankany amin’ny olona. Satria, “Niala Taminy ny hery nankany amin’ny olona.” Fahatanjahan-tsaina! Ary alohan’ny

hahafahanareo hamela an'izany hivoaka, dia tsy maintsy manana an'izany aloha ianareo. Raha tsy manana an'izany ianareo, dia tsy hivoaka izany. Tsy misy zavatra hamoaka azy avy ao.

¹⁴⁵ Ahoana moa raha nisy olona niezaka ny hamoaka hery avy ao amintsika, nefà ilay taratasim-bola dia hiverina “petra-bola tsy ampy”? Hitanareo? Tsia, tsia, tsy misy alaina avy ao, nolavina ilay taratasim-bola. Mijery anareo ho Kristiana anankiray ny olona, nefà rahampitso dia mahita anareo eto manohy tahaka ny mpanota anankiray, tsy misy hery betsaka azo alaina avy ao. Hitanareo? Marina.

¹⁴⁶ Tsy maintsy ao amintsika ny fahatanjahan-tsaina. Ary alohan’ny hahazoana fahatanjahan-tsaina... Noho izany rehefa manana ny tena fahatanjahan-tsaina isika, dia azontsika ampiana ao amin’ny finoantsika izany. Izany ilay rindrin’ny fanorenana manaraka. Ankehitriny, voalohany dia tsy maintsy manana ny finoana ianareo. Ny finoana irery dia tsy hahavita an’ilay izy. Ianareo dia nahazo... Hoy Petera hoe, “Avy eo dia ampio fahatanjahan-tsaina ny finoanareo.” Tsy maintsy manana fahatanjahan-tsaina ianareo, hanampy azy amin’ny finoanareo.

¹⁴⁷ Ankehitriny, noho izany, ilay izy dia mety, ny antony tsy hanananareo an’ilay izy, dia satria fiangonana maro ankehitriny no mampianatra fa tsy ilainareo ny banana an'izany, na efa lasa ireo andron’izany. “Tsy mila manana an'izany izy ireo. Ny zavatra tokana tokony hataonareo dia ny mikambana amin’ny fiangonana. Hia, efa lasa ireo andro.”

¹⁴⁸ Fahatanjahan-tsaina, ny rehetra dia mahafantatra ny dikan’ny teny hoe fahatanjahan-tsaina, hitanareo, ary isika tsy maintsy manana an'izany. Raha niala Taminy ny hery, mba hanasitrana an’ilay vehivavy izay narary, dia miandry an’io hery io Izy ao amin’ny Fiangonany, satria Izy no ohatra antsika. Ary raha nanana hery homena ny olona Izy, dia miandry antsika Izy mba banana hery homena ny olona. Ary inona ny fahatanjahan-tsaina? Ny fahatanjahan-tsaina dia tanjaka, hery.

¹⁴⁹ Ny sasany amin’izy ireo dia tsy mino akory aza ny herin’Andriamanitra. Hoy izy ireo hoe, “Izany—izany—izany dia efa lasa. Ny zavatra tokana tsy maintsy ataonareo dia ny mametraka fotsiny ny anaranareo ao amin’ny boky, ary fafazana, na rarohana, na atao batisa, na inona koa. Ary izany ihany no tsy maintsy ataonareo.”

¹⁵⁰ Saingy hoy Petera eto, “Ampio fahatanjahan-tsaina.” Ankehitriny, miresaka momba ny fanorenana ny Tranon’Andriamanitra i Petera, hitanareo, ilay Tempolin’Andriamanitra, manamboatra azy eo amin’ny toerana anankiray. Ary rehefa avy manana fahatanjahan-tsaina ianareo, ianareo tsy maintsy manana... Rehefa avy manana ny finoana ianareo, dia tsy maintsy manana fahatanjahan-tsaina ianareo

miaraka amin'izany. Marina izany. Manàna fahatanjahan-tsaina ho an'izao tontolo rehetra izao.

¹⁵¹ Nitory toriteny anankiray aho teo amin'ny roapolo taona lasa teo izay, heveriko, ny amin'ny hoe Rev. Atoa. Lisy. Lisy, ilay pasitera. Nalaiko izany avy tao amin'ny lahatsoratra izay nilazan'i Jesosy hoe, "Diniho ny lisy, fa tsy miasa izy ireny na mamoly. Kanefa Lazako aminareo, fa Solomona tao amin'ny voninahiny rehetra dia tsy mba nitafy tahaka ny anankiray amin'izy ireny."

¹⁵² Jereo ny lisy. Mivoaka avy any ambany ao amin'ny loto izy. Ary isaky ny minitra amin'ny andro dia tsy maintsy manovo avy amin'ny tany izy. Hitanareo? Ary inona no ataony miaraka amin'io hery izay sintoniny io? Mizara an'izany izy. Manao fampisehoana mahafinaritra izy ho an'ny mpankafy. Manokatra ny tenany ho an'ny tantely izy, ho an'ny renin-tantely mba ho tonga sy haka ny anjarany. Tsy mitaraina. Nahazo an'ilay izy fotsiny izy, mba hizara. Ahoana moa raha nuditra teo ilay renin-tantely; petra-bola tsy ampy, tsy nisy tantely? Hihaotra ny lohany io renin-tantely kely io ka hanao hoe, "Karazana lisy inona koa ity?"

¹⁵³ Raha misy olona tonga, miezaka hahita famonjena, mandeha any amin'ny fiangonana izay mino fa efa lasa ny andron'ny fahagagana?

¹⁵⁴ Tahaka ny nolazain'i Jack Coe indray mandeha. Niditra tao amin'ny toeram-pisakafoana izy, ary naka lisitry ny sakaf lehibe anankiray; nanomboka namaky an'ilay izy, hena endasina sy ny sisa. Hoy izy, "Haka hena endasina anankiray aho."

"Eny, efa an'ny andro lasa izany. Tsy manana an'izany izahay."

¹⁵⁵ Tsaratsara kokoa ny mametraka an'ilay lisitry ny sakaf dia mivoaka, hitanareo, marina izany, satria tsy manana na inona na inona ho hanina izy ireo, na izany aza. Koa tsaratsara kokoa ho anareo ny mandeha any amin'ny toeram-pisakafoana izay manana zavatra ho hanina.

¹⁵⁶ Ary ny olona ara-panahy, mitombo, dia mila zavatra ho hanina. Izany dia ny Tenin'Andriamanitra. Mino ny Teny rehetra an'Izany aho.

Andriamanitra dia manana latabatra mivelatra
izay hamahanana an'ireo masin'Andriamanitra,
Manasa an'ireo Olom-boafidiny Izy, "Avia ka
mihinàna."

Miaraka amin'ny Manany izay Amahanany,
manolotra izay rehetra ilaintsika Izy,
Oh, mahafinaritra ny mihinana miaraka amin'i
Jesosy lalandava.

¹⁵⁷ Marina izany. Eny, tompoko. Manana an'Izany Izy. Manana an'Izany ny Fiagonana, ilay Fiagonan'Andriamanitra velona, izay nahorina teo ambonin'io olona tanteraka io, avy amin'ny fahalalana an'i Kristy. Ankehitriny, ankehitriny tsy maintsy manana fahatanjahan-tsaina ianareo.

¹⁵⁸ Nilaza aho tamin'izay, ny zavatra voalohany fantatrareo, dia misy olona izay tia mioroka fofona. Tsy tia tena izy. Manana fofona izy. Alohan'ny hizarany fofona, dia tsy maintsy manana an'izany izy. Alohan'ny hahafahany mizara tantely, dia tsy mantsy manana an'izany izy. Alohan'ny hahafahany mizara hatsarana, dia tsy maintsy manana an'izany izy.

¹⁵⁹ Alohan'ny hahafahanareo mizara fahatanjahan-tsaina, dia tsy maintsy manana an'izany ianareo. Koa, ampio amin'ny finoanareo, ny fahatanjahan-tsaina. Amena. Azonareo? Afaka mijanona ela eo amin'izany isika, saingy hitsoaka antsika ny fotoanantsika. Ampio fahatanjahan-tsaina ny finoanareo. Ankehitriny, voalohany dia ny finoana, avy eo fahatanjahan-tsaina.

¹⁶⁰ Ary avy eo, fahatelo, dia manampy fahalalana ianareo. Fahalalana, ankehitriny, izany dia tsy midika hoe ny fahalalan'izao tontolo izao, satria fahadalana amin'Andriamanitra izany; fa fahalalana mba hitsara, hitsara (inona?) ny marina amin'ny diso. Ahoana no itsaranareo an'izany, ary, raha manana ny fahalalana Kristiana ianareo miaraka amin'ny fahatanjahan-tsaina sy ny finoanareo? Tsarainareo na marina na diso ilay Teny. Ary raha afaka mametraka an'ireo fanekem-pinoanareo rehetra ianareo, sy ireo tsy finoanareo rehetra, ny zavatra rehetra izay hihamboanareo fa anananareo, amin'izay fotoana izay dia manana ny fahalalana ianareo hino fa tsy mahay mandainga Andriamanitra. "Aoka ny tenin'ny olona rehetra ho lainga, fa ny Ahy no marina." Hitanareo? Ankehitriny dia azonareo ny fahalalana. Izany no fahalalana faratampony. Tsy mila manana diplaoma efatra ao amin'ny sekoly ambony ianareo, na zavatra tahaka an'izany, ny hanana an'izany, satria ireo hery rehetra ireo dia nomena anareo avy tamin'Andriamanitra, hapetraka eo amin'ny fototry ny finoanareo, mba hahafahanareo ho tonga eo amin'ny fahafenoan'ny tsanganan'ny tena, olona velona an'Andriamanitra. Eny, tompoko.

¹⁶¹ Ampio, ampio fahalalana, satria, fahalalana ny Teniny. Tsy maintsy mino an'izany amin'io fomba io ianareo. Koa, tsy maintsy mino ianareo androany fa ny . . . ary manaiky an'izany, fa ny andron'ny fahagagana dia tsy mbola lasa. Fahalalana fa izay nolazain'Andriamanitra, dia hain'Andriamanitra tanterahina.

¹⁶² Nino an'izany i Abrahama. Ary rehefa zato taona izy, tsy nivembena tamin'ny teny fikasan'Andriamanitra tamin'ny alàlan'ny tsy finoana izy. Jereo hoe mahatsikaiky toy ny

inona ilay Teny. Indro ny lehilahy anankiray, zato taona anankiray, mitady zaza ho teraka ao an-tranony, amin'ny alàlan'ny vehivavy anankiray sivy folo taona. Hitanareo? Saiky efa dimam-polo taona tany aoriana, niara-niaina taminy izy hatramin'izy mbola to—tovovavy tanora, na taon-jatovo. Ary indro izy, ny loharanon'ainy dia efa maty. Ary ny kibon'i Saraha dia efa maty. Ary ny fanantenana rehetra dia lasa, ireo mety ho fanantenana rehetra. Fa, kanefa, nanohitra ny fanantenana, dia nino tao amin'ny fanantenana izy, satria nanana fahalalana izy fa Andriamanitra dia afaka mihazona ny zavatra rehetra izay Nampanantenainy.

¹⁶³ Ankehitriny, rehefa azonareo tahaka an'izany ilay izy, avy eo dia ampio an'izany ny finoanareo. Rehefa manana ny fahatanjahan-tsaina marina ianareo, dia ampio ao amin'ny finoanareo izany. Rehefa afaka mandeha amin'ny lèlana eto ianareo, miaina tahaka ny Kristiana anankiray, manao tahaka ny Kristiana anankiray, mba ho Kristiana anankiray, dia ampio an'izany ny finoanareo. Rehefa manana fahalalana ianareo . . .

¹⁶⁴ Hoy ianareo hoe, “Eny, tsy fantatro ankehitriny raha tena marina *ity* Soratra *ity*. Ankehitriny *ity* ny Asa 2:38, tsy fantattro hoe ahoana no hampifanaraka an'izany amin'ny Asa 28:19. Tsy haiko.” Eny ary. Ianareo tsy—tsy manampy na inona na inona, satria tsy mbola anananareo Izany. Hitanareo? Inona no hataonareo? Satria, tsy manana fahalalana ampy avy amin'Andriamanitra ianareo hahafantarana, hatramin'izao, fa ny Baiboly dia tsy mifanohitra amin'ny Tenany. Avelao hilamina izany. Aza miteny momba an'izany intsony. Hitanareo? Avelao hilamina izany.

¹⁶⁵ Fa rehefa afaka mahita ianareo fa tsy mifanohitra ny Soratra, ka afaka milaza an'izany ianareo; ary afaka mahita, fa, amin'ny alàlan'ny fanambaran'Andriamanitra, ny Teny manontolo dia nosoratana ho zava-miafina, ary ny fahalalan'Andriamanitra irery ihany no afaka manambara an'Izany; avy eo rehefa mahazo ianareo ka milaza, manamafy ny Tenin'Andriamanitra rehetra amin'ny “amena,” amin’izay fotoana izay dia ampio ao amin'ny finoanareo izany.

¹⁶⁶ Oh, manomboka ho olona tsara anankiray ianareo izao ankehitriny izao. Hitanareo? Miakatra ianareo, hitanareo. Miaraka amin'ny inona? Miaraka amin'ny finoana, avy eo miaraka amin'ny fahatanjahan-tsaina, avy eo fahalalana. Hitanareo ve hoe ahoana no anorenan'izany an'io olona io? Afaka mahita ianareo fa tsy misy—tsy misy fomba ilanalana an'izany. Izany no fomba hahatongavana ao amin'ilay tsanganana feno an'i Kristy. Eny, tompoko.

¹⁶⁷ Hitsara, hitsara marina. Hitsara na marina ilay izy na diso, mba hinoana ny Tenin'Andriamanitra. Hitsara na marina ilay izy na diso, na hanompo fanekem-pinoana anankiray aho na

hanompo an'Andriamanitra. Hitsara na marina ilay izy na diso, hateraka indray aho sa hikambana amin'ny fiangonana. Avy eo dia manomboka ianareo. Mitsara marina, rehefa hoy ilay mpitoky teny hoe, "Efa lasa ny andron'ny fahagagana." Hoy ny Baiboly hoe, "Jesosy Kristy no tsy miova omaly, anio, ary mandrakizay." Ankehitriny iza no hinoanareo?

¹⁶⁸ Rehefa hoy ianareo hoe, "Handray an'Andriamanitra aho." Ankehitriny, tsy milaza an'izany fotsiny ianareo mba hilazana hoe, "Eny, izaho—izaho mandray azy," avy ao amin'ny fonareeo fotsiny. Fa, zavatra ao anatinareo ao, ny finoanareo no mamoaka avy ao. Eo ianareo izao. Hoy ny finoanareo hoe, "Fantatro fa Izzy no tsy miova. Amena. Vavolombelona aho fa tsy miova Izzy. Tsy misy na inona na inona afaka hanaisotra an'izany ato amiko. Fantatro fa tena misy Izzy." Amena. Avy eo dia ampio ao amin'ny finoanareo izany. Apetraho eo amin'ilay fototra izany. Miakatra ianareo ankehitriny, mandroso mankany amin'ilay Fanjakana. Tonga eo amin'ny toerana anankiray ankehitriny. Eny àry.

¹⁶⁹ Ankehitriny, ny zavatra manaraka, hiteny aminareo ilay mpitoky teny, sy ny olona maro hoe, "Ny... Ireo zavatra izay vakianareo ao amin'ny Baiboly ireo, izy ireo dia efa an'ny andro lasa. Ankehitriny, ho lazaiko anao hoe nahoana. Satria, tsy ilaintsika ireny zavatra ireny ankehitriny. Tsy ilaintsika izany. Hitanareo? Tsy hilaintsika. Tsy mila mampihatra an'ireny zavatra ireny isika, fanasitranana avy amin'Andriamanitra. Isika tsy mampihatra ny miteny amin'ny fiteny tsy fantatra, ao am-piangonana, mba—mba hihazonana ny fiangonana hahitsy. Ary isika tsy manao an'ity."

¹⁷⁰ Ho tonga eo amin'izay isika. Manana Soratra anankiray aho voasoratra eto ambany eto ity mikasika an'izany, hitanareo, na tokony hanao an'izany isika na tsia, ankehitriny.

¹⁷¹ Fa hoy izy eto, "Izaho tsy mahafantatra. Tsy tokony hanao an'izany isika ankehitriny. Ny zavatra tokana heveriko fa tokony hataontsika, isika dia tokony hianatra hiteny tsara eo anatrehan'ny olona. Isika tokony handeha ary hamela ny mpitsabo saina hitsapa ny saintsika, mba hahitana raha afaka ny hahavita mampahafantatra ny tenantsika isika, raha ambony ny IQ [Taham-pahaizana—Mpand.] antsika ampy hanaovana an'ilay izy, sy—sy ny sisa tahaka an'izany. Heveriko... Ary isika no mitàna ny fikambanana lehibe indrindra. Isika no manorina ny rafi-piangonantsika."

¹⁷² Tsy manorina rafi-piangonana anankiray isika. Izaho tsy eto izao maraina izao mba hanorina rafi-piangonana anankiray. Tsy naniraka ahy hanorina rafi-piangonana mihitsy Kristy. Naniraka ahy Kristy mba hanorina isam-batan'olona ho tsanganan'i Jesosy Kristy, mba hahatonga azy ireo ho tranon-kery sy toerana fonenan'ny Fanahy, amin'ny alàlan'ny Teniny. Amin'ny alàlan'ny Teniny, hitanareo, hanangana

isam-batan'olona ho eo amin'io toerana io. Tsy manorina rafi-pandaminana anankiray ho anaram-piangonana lehibe kokoa, fa manorina isam-batan'olona ho zanakalahy sy zanakavavin'Andriamanitra. Izay ilay hevitra. Hitanareo? Ampio amin'ny finoanareo, ny fahatanjahan-tsaina; amin'ny fahatanjahan-tsainareo, ampio fahalalana. Eny, ankehitriny dia tonga eo amin'ny toerana anankiray ianareo.

¹⁷³ Ankehitriny rehefa manomboka milaza izy ireo hoe, “Eny, tsy mila manaiky an’izany isika ankehitriny.” Mila manaiky ianareo. Tsy maintsy izany io.

¹⁷⁴ Tsy afaka mandainga ny Soratra. “Ary tsy fandikan’olona manokana Izy ireo,” hoy ny Baiboly. Mino Azy fotsiny amin’ny fomba nanoratana Azy Eto ianareo. Hitanareo? Tsy maintsy manana an’ireo zavatra ireo ianareo. Ary ny fomba tokana hany hahafahanareo manana azy ireo, dia manana ny fahalalana nateraky ny Lanitra. Ary ny fahalalana nateraky ny Lanitra dia hamarinin’ny Teny. Hitanareo?

¹⁷⁵ Tsy maintsy mino ianareo, tsy mody mino an’ilay izy. Tsy misy mody mino amin’ireo, hitanareo, raha miezaka ianareo manao hoe, “Manana azy aho.” Aza tsikorovana anankiray ianareo ka mametraka volon’ny vorombola eo amin’ny tenanareo, hitanareo, satria hiraraka avy hatrany ireo. Tsy nitombo ara-boajanahary tao izy ireo. Napetaka tao fotsiny izy ireo.

¹⁷⁶ Mieritreritra ny amin’izay nolazain’i Davida eto aho, Salamo 1, “Ho toy ny hazo izay nambolena eo amoron’ny rano izy.” Fantatrareo, misy fahasamihafany eo amin’ny hoe nambolena sy napetraka, natsatoka. Tahaka ny hazo ôka antitra, nambolena izy, izay mamaka lalina ary mihazona tsara. Ny tapa-kazo antitra kely mipetaka eo, dia tsy fantatrareo izay hitranga aminy. Tsy manana fakany izy. Tsy manana fototra izy. Hitanareo?

¹⁷⁷ Izany dia tahaka ny olona sasany tonga avy any amin’ny seminera anankiray na zavatra hafa, hitanareo. Izy ireo dia tsy manana . . . “Eny, Dokotera *Ranona-sy-ranona* no nanendry ahy tao amin’ilay asam-panompoana.” Tsy misy fahasamihafana na inona ilay izy na inona.

¹⁷⁸ Kristy no niteraka anareo tao, hitanareo, hitanareo, tamin’ny alàlan’ny finoanareo. Hitanareo? Navaozina ianareo ary nateraka tao. Ary koa rehefa teraka tao ianareo, dia ireo no zavatra izay Andrasany hampianareo. Manohiza fotsiny manampy an’ireo. Ankehitriny dia midina avy hatrany amin’ilay laharana isika.

¹⁷⁹ Ankehitriny dia hisy zavatra hafa anankiray eo amin’ity fahalalana ity, izay mety ho resahintsika, fahalalana araka an’Andriamanitra. Hitanareo? “Ny Baiboly amin’izao andro izao ve nanary ny Dikany?” Hitanareo, izy ireo, olona maro

no miteny aminareo fa, fa tsy izany marina tokoa no tian'ny Baiboly ho lazaina. Raha manara-maso ahy Andriamanitra, ka manitsy ahy amin'ny fahotako, ary raha zanak'Andriamanitra aho, dia manao an'izany Izy. Manao anareo amin'izany fomba izany Izy, zanakalahy sy [Elanelana tsy voarakipeo—Mpand.] zanakavavy. Rehefa manao zavatra diso ianareo, dia manitsy anareo Izy. Koa raha sarotiny loatra ny aminareo Andriamanitra, ka manara-maso anareo sy manitsy anareo Izy, dia tsy mihoatra lavitra noho izany ve Izy ny amin'ny Teniny, izay ohatra ho anareo, izay ny Tenany!

Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra.

Ary...tonga nofo, ka nonina teo anivontsika,...

¹⁸⁰ Ny Teny dia ny fanambaran'i Jesosy Kristy, ny Baiboly no niteny an'izany, Kristy voambara ao amin'ny Teniny. Ary raha nanara-maso anareo Izy rehefa nandika an'ireo lalàna ireo ianareo, dia manameloka anareo Izy ny amin'izany, dia tsy mihoatra lavitra noho izany ve ny Hanarahany maso ny Lalàny izay manameloka anareo! Amena.

¹⁸¹ Mandehana, ry tovolahy, aza miteny amiko an'izany karazan-javatra izany!

¹⁸² Izaho dia mino ny tena marina, ny fahalalan'ny Fanahy Masina. Ny fahalalan'ny Fanahy Masina dia hanindry foana ny Teny amin'ny "amena." Rehefa mahita an'ireo zavatra ireo izay toa mifanohitra amin'ny tenany ianareo, ao amin'ny Baiboly, dia mipetraha ianareo ary diniho izany, ary feno vavaka tahaka an'izany. Ary ny zavatra voalohany fantatrareo, dia manomboka mihetsika ilay Fanahy Masina. Afaka kelikely dia hitanareeo fa mifamatotra miaraka izany, ary dia ho azonareo izany eo. Hitanareo? Izany no fahalalana.

¹⁸³ Hoy ny sasany amin'izy ireo hoe, "Eny, ankehitriny, ny Baiboly dia milaza fa Izy no tsy miova omaly, anio ary mandrakizay."

¹⁸⁴ Ary hoy ny fiangonana hoe, "Amin'ny lafiny anankiray, dia tsy miova Izy." Hah-ah! Hah-ah! Nanokatra an'ilay elanelana ianareo, eo mihitsy. Hitanareo? Eny, tompoko. Tsia, tompoko. Tsy miova Izy. Eny, tompoko.

¹⁸⁵ "Jesosy Kristy tsy miova omaly, anio, ary mandrakizay." Tsy misy fahasamihafana ao Aminy, tsy misy. Velona ao amin'ny Fiangonany Izy, manao an'ilay zavatra mitovy. "Vetivety foana," araka ny notononiko vao tsy ela teo, "vetivety foana dia tsy hahita Ahy intsony izao tontolo izao, fa ianareo no hahita Ahy." Satria, hoy Izy, "Homba anareo Aho, ho ao aminareo aza, hatramin'ny fahataperan'izao tontolo izao." Indray mandeha koa, hoy Izy, "Ireo asa izay Ataoko no hataonareo koa." Indray mandeha koa, hoy Izy, "Izaho no ho Voaloboka. Ianareo no ho

sampana.” Ary ny sampana ihany no mivelona amin’ny Ain’ilay Voaloboka. Na inona na inona no ao amin’ilay Voaloboka dia mivoaka eo amin’ilay sampana. Voninahitra! Noho izany, “Kristy tsy miova omaly, anio, ary mandrakizay.” Izany no mamokatra ny Fiainan’ny Tompo Jesosy Kristy. Amena.

¹⁸⁶ Fahalalana; tsy an’izao tontolo izao (miady hevitra io). Ny karazana fahalalana rehetra an’izao tontolo izao dia miady hevitra. Hitanareo? Fa tsy manana ady hevitra ny finoana. Andriamanitra no manambara aminareo hoe ny zavatra *izao sy izao* dia hitranga, ny siantifika rehetra eto amin’izao tontolo izao dia afaka hiteny aminareo hoe, “Mifanohitra izany. Tsy afaka hitranga izany.” Ianareo kosa minoa an’izany, na izany aza. Hitanareo? Eny, tompoko. Tsy miady hevitra izany. Hoy ny Baiboly hoe, “Ravaantsika ny ady hevitra.” Tsy miady hevitra amin’ny finoana ianareo. Tsy manana ady hevitra ny finoana. Ny finoana dia mahafantatra hoe aiza izy. Ny finoana dia miasa. Ny finoana dia mihazona. Tsy afaka mihetsiketsika izy. Tsy misy afaka manetsiketsika azy. Tsy ahoako izay milaza an’ity, *itsy, my hafa*. Tsy mihetsiketsika io, na kely aza. Mipetraka tsara eo izy, miandry, miandry, miandry, miandry. Tsy misy fahasamihafana. Mipetraka tsara eo izy.

¹⁸⁷ Andriamanitra dia niteny tamin’i Noa an’ireo zavatra izay hitranga. Nino an’izany izy. Hitanareo? Andriamanitra dia niteny tamin’i Mosesy an’ireo zavatra izay hitranga. Nino an’izany izy. Andriamanitra dia niteny tamin’ireo mpianatratra zavatra maromaro izay hitranga, “Miakara any amin’ny Pentekosta ary miandrasy.” Nipetraka tsara teo izy ireo. Eny, tompoko. Eny àry.

¹⁸⁸ Ankehitriny, fahalalalana, ankehitriny, tsy fahalalan’izao tontolo izao, fa fahalalan’ny Lanitra. Ary ny fahalalan’ny Lanitra, rehefa Andriamanitra no loharanon’ny fahalalana rehetra, ary Andriamanitra dia Teny, amin’izay fotoana izay, rehefa azonareo ny fahalalan’ny Lanitra, dia mino ny Teny ianareo, ary miady hevitra ny zavatra rehetra amin’ny alàlan’ny Teny ianareo.

¹⁸⁹ Ary io raharahan-ketra io no nahatafiditra ny fiangonana, na nahatafiditra ahy. Ny anankiray tamin’ireo olona indray mandeha, tao amin’ny fihainoana kely anankiray, no niteny tamiko. Nilaza izy fa izaho dia nilaza . . . “Tsy afaka nahita na inona na inona diso izy ireo.” Ary dia nanomboka izy ireo ny . . .

¹⁹⁰ Hoy aho hoe, “Eny, noho izany, raha tsy misy na inona na inona diso, nahoana ianareo no tsy mamela ahy hipetraka tsara?” Hitanareo? Hitanareo? Ary nandroso aho, niteny taminy ny mikasika ny Soratra sasany.

¹⁹¹ Hoy izy, namana lehibe anankiray miaraka amin’ny sigara eny an-tànany, hoy izy hoe, “Atoa. Branham, izaho dia mpandinika Baiboly.”

Hoy aho hoe, “Faly aho mandre an’izany.”

¹⁹² Hoy izy hoe, “Ankehitriny dia te-hahafantatra aho hoe inona ilay finoanoam-poana, ianao dia mampandoa vola an’ireny mosara izay alefanao ireny, ilay finoanoam-poana kely amin’ny fivavahana ho an’ny mosara sy mandefa azy ireny, ireo ‘akanjo voahosotra,’ antsoinao izy ireny hoe, ‘akanjo.’” Hoy izy hoe, “Avy eo dia ampandoavinao vola izy ireny.”

Hoy aho hoe, “Tsia, tompoko. Tsy misy fandoavam-bola amin’izany.”

Ary hoy izy hoe, “Eny, eo amin’io finoanoam-poana io.”

¹⁹³ Hoy aho hoe, “Ianao no miantsao an’izany ho finoanoam-poana, tompoko. Niteny tamiko ianao minitra vitsy lasa izay fa ianao dia mpandinika Baiboly.”

Hoy izy hoe, “Izany aho.”

¹⁹⁴ Hoy aho hoe, “Tonony amiko ny Asa 19:11.” Fahalalana! Izy ihany no namandrika ny tenany manokana tao amin’izany, niezaka nanova an’ilay resaka. Hoy aho hoe, “Avy eo tonony amiko ny Jaona 5:14.” Tsy vitany ilay izy. Hoy aho hoe, “Avy eo Jakoba 5:14.” Tsy vitany ilay izy. Hoy aho hoe, “Fantatrao ve ny Jaona 3:16?” Hitanareo? Fahalalana, mahay, izao tontolo izao! Saingy rehefa . . .

¹⁹⁵ Hoy izy hoe, “Saingy, Atoa. Branham, ianao dia miezaka ny hitsara an’izao raharaha izao amin’ny alàlan’ny Baiboly. Izahay dia mitsara an’izany amin’ny alàlan’ireo lalàn’ny tany.”

¹⁹⁶ Hoy aho hoe, “Tompoko, tsy mifototra amin’ny Baiboly ve ireo lalàn’ny tany? Koa fahamarinana izany.” Amena! Azo antoka.

¹⁹⁷ Fahalalana; tsy an’izao tontolo izao. Fahalalana ara-panahy ny Teny, mahafantatra izay nolazain’Andriamanitra, manao izay nolazain’Andriamanitra, marina izany. Avy eo rehefa manana an’izany ianareo ka afaka mino an’ireo zavatra rehetra ireo, fa Izy no tsy miova ao amin’ireo zavatra rehetra izay lazain’ny Teny fa marina ireo, ny tsirairay dia tsindrinareo amin’ny “amena.” Tena tsara izany. Ampio ao amin’ny finoanareo izany. Tena tsara izany. Eny.

¹⁹⁸ Raha misy olona miezaka miteny aminareo, hoe, “Nanary ny heriny ny Baiboly. Tsy misy an’izany karazana batisan’ny Fanahy Masina izany.” Hah-ah. Aza manampy an’izany. Tsy hety izany. Hiendaka izany. Tahaka ny mametraka tanimanga eo ambonin’ny vatolampy anankiray, tsy hahatsangana izany. Hiparitaka izany.

¹⁹⁹ Koa ny olona dia miteny aminareo hoe, “Tsy azo itokiana ny Baiboly ankehitriny. Mitandrema tsara ianareo ankehitriny. Aza mety mino an’izany ianareo. Tsy afaka ny ho marina izany.” Efa renareo lalandava izany. Fitenenana kely, “Tsy afaka matoky ny Baiboly ianareo.” Eny, raha-raha manana an’izany ao an-

tsainareo ianareo, ianareo aza—aza miezaka manampy an'izany, satria tsy hety izany. Ilay trano manontolo no hirodana avy hatrany eo.

²⁰⁰ Tsy maintsy voahisy rihatra amin'ny alàlan'ny Fanahy Masina izy. Ny tiako lazaina dia hoe miraikitra miaraka, ilay rihatra izay manidy azy. Ary ilay zavatra izay manidy azy... Fantatratrareo ilay fomba...

²⁰¹ Ny kodiarana tampenana amin'ny fandoroana foana no maharitra kokoa noho ny zavatra trainainy anankiray apetaka fotsiny eo aminy. Hafanana kely fotsiny no mipetaka eo amin'ilay tampina eo amin'ny kodiarana, ny zavatra voalohany fantatratrareo, vao manomboka mafana kely fotsiny ilay kodiarana, mandeha mafimafy kely, dia hitsonika izy io. Eny, tompoko. Hitanareo?

²⁰² Ary izany no olana eo amin'ny olona maro ankehitriny. Miezaka izy ireo ny hametaka ny fahalalanay eo amin'ny fahalalan'izao tontolo izao, miaraka amin'ny dity kely tranain'ny tany, ary, rehefa tonga ny fizahan-toetra, "Eny, diso aho angamba." Hitanareo? Ary lasa ilay rivotra, nifotetaka ianareo afaka minitra vitsy. Ny hiakiakanareo rehetra sy ny tsambikimbikinareo ambony sy ambany dia tsy nahasoa anareo. Ny olona dia mahita anareo niverina avy hatrany ao anatin'ilay ranom-potaka indray. Hitanareo? Marina izany.

²⁰³ Fa raha mipetraka eo ianareo miaraka amin'ny hafanana ampy an'ny Fanahy Masina, mandra-panaony anareo sy ilay kodiarana ho iray. Izay ilay izy. Ianareo sy ilay kodiarana dia lasa iray. Rehefa hipetraka eo ianareo mandra-pahatonganareo sy ny teny fikasan'Andriamanitra rehetra ho lasa iray, amin'izay fotoana izay dia ampio ao amin'ny finoanareo izany. Raha tsy izany, dia aza manampy an'izany mihitsy.

Hoy ianareo hoe, "Tsy azo itokiana ny Teny." Aza miezaka manampy an'izany.

²⁰⁴ Hoy ianareo hoe, "Ireo teny fikasana eto ireo, ny amin'ny batisan'ny Fanahy Masina, dia natao ho an'ny apostoly roa ambin'ny folo irery ihany," tahaka ny lazain'ny fiangonana sasany ankehitriny, dia aza miezaka manampy an'izany. Eo no misy ny fototr'izy ireo, nirodana ny rehetra. Hitanareo? Tahaka an'i Ozia, omaly hariva, rehefa nahita ny fototr'io lehilahy izay nitokiany io izy, nirodana ny rehetra, tratry ny habokana, tsy tsara ilay izy. Ankehitriny, "Ho an'ny apostoly roa ambin'ny folo fotsiny, ny apostoly roa ambin'ny folo irery ihany."

²⁰⁵ Tany amin'ny Rahalahy Wright aho... Heveriko fa any aoriana any ho any izy ireo. Indray hariva, dia nisy mpitoriteny anankiray tany, niteny aho, mpitoky teny efatra na dimy niaraka. Nitsangana io mpitoky teny io ka nanao hoe, "Ankehitriny, tehiteny zavatra aminareo aho ry olona malala. Oh, heveriko fa olona mahafinaritra ianareo."

²⁰⁶ Hoy aho, niteny tamin'ny olona anankiray aho, hoy aho hoe, “Io misy—io misy anankiray mihitsy mipetraka eo. Diniho.”

²⁰⁷ Koa, Junior Jackson, iry aoriana iry, vao avy namarana ny fitenenany. Ary hoy izy...nitory ny amin'ny fahasoavan'Andriamanitra izy. Oh, oadray!

²⁰⁸ Nirehitra izy, niandry. Niakatra teo izy ary niezaka izy ny hahazo. “Ankehitriny, te-hilaza aho fa Atoa. Branham izay eto, milaza aminareo aho, dia antikristy.” Ary tahaka an’izany no nanombohany, ny hariva manontolo.

²⁰⁹ Ny sasany tamin’ireo mpitoky teny dia nanomboka...Hoy aho hoe, “Andraso kely iray minitra. Ankehitriny, aza milaza na inona na inona, ry rahalahy. Izy irery ihany no eo ary andiany anankiray ny antsika.” Hoy aho hoe, “Avelao fotsiny izy hipetraka tsara ankehitriny. Izaho no tsindroniny.” Tiako ilay izy, ny tenako, ihany mihitsy, ka tsy fantatro izay hatao. Hitanareeo?

²¹⁰ Koa, hoy izy hoe, “Atoa. Branham dia antikristy,” ary nandroso nilaza zavatra hafa izy izay fantatrareo, momba an’izany. Hoy izy hoe, “Nilaza izy teo hoe, ‘Ny batisan’ny Fanahy Masina.’” Hoy izy, “Ny Baiboly dia nilaza fa roa ambin’ny folo irery ihany no nahazo ny batisan’ny Fanahy Masina.” Miresaka ny amin’ny fanasitranana avy amin’Andriamanitra, “Ny apostoly roa ambin’ny folo irery ihany no nanana ny fanasitranana avy amin’Andriamanitra.” Hoy izy hoe, “Miteny izahay rehefa miteny ny Baiboly, ary mangina rehefa mangina ny Baiboly.” Niandry aho mandra-pitatatatany teo nandrity ny antsasak’adiny.

²¹¹ Hoy aho hoe, “Andraso iray minitra fotsiny. Nanoratra betsaka aho eto,” hoy aho hoe, “omeo anjara aho mba hamaliako sasantsasany.” Ary rehefa niakatra aho, dia hoy aho hoe, “Ilay ramose, nilaza izy fa izy dia ‘niteny rehefa niteny ny Baiboly,’ nanao an’izany ny fiangonany, ‘ary nangina rehefa nangina Izany.’ Ianareo rehetra no vavolombelona. ‘Eny.’” Hoy aho hoe, “Ankehitriny, hoy izy hoe, ‘Roa ambin’ny folo irery ihany no nandray ny Fanahy Masina.’ Ny Baiboliko dia nilaza fa nisy roapolo amby zato, tamin’ny voalohany.” Amena! Atsipazo any izany karazam-pahalalana izany, hitanareeo, fa izy dia niezaka.

²¹² Hoy aho hoe, “Amin’izay fotoana izay dia ataoko fa tsy nandray ny Fanahy Masina i Paoly rehefa nilaza izy fa naharay.” Hitanareeo?

²¹³ Hoy aho hoe, “Tany... Rehefa nandeha i Filipo ka nitory teny tamin’ireo Samaritana. Natao batisa tamin’ny Anaran’i Jesosy izy ireo. Saingy, tsy mbola nilatsaka tamin’izy ireo ny Fanahy Masina. Ary naniraka izy ireo ary naka an’i Petera sy Jaona, izay tonga ka nametra-tànanana tamin’izy ireo, ary nilatsaka tamin’izy ireo ny Fanahy Masina. Ataoko fa ireo roa ambin’ny folo irery ihany izany?”

²¹⁴ Hoy aho hoe, “Ao amin’ny Asa 10:49, rehefa tao antampon’ny trano i Petera, ka nahita fahitana izy fa handeha ho any amin-dry Kornelio izy ireo. Raha mbola niteny an’ireo teny ireo i Petera, dia nilatsaka tamin’ireo izay nandre ny Teny ny Fanahy Masina.” Hoy aho hoe, “Mbola miteny ilay Baiboly. Aiza ny fiangonanareo?” Any amin’ireo mpihambo izy. Marina izany. Hitanareo?

²¹⁵ Hoy aho hoe, “Ny fanasitranana avy amin’Andriamanitra, hoy ianareo, dia ‘Ny apostoly roa ambin’ny folo irery ihany no nanana ny fanasitranana avy amin’Andriamanitra.’ Ny Baiboly dia nilaza fa nandeha tany Samaria i Stefana ary nandroaka devoly sy nanasitrana ny marary, ary nisy fifaliana lehibe tao antanàna. Ary izy dia tsy isan’ilay roa ambin’ny folo. Tsy apostoly izy. Diakona anankiray izy.” Amena. Amena.

²¹⁶ Hoy aho hoe, “Ary Paoly dia tsy isan’ilay roa ambin’ny folo izay tao amin’ny efitra ambony, ary izy dia nanana fanomezam-pahasoavana ho an’ny fanasitranana.”

²¹⁷ Hoy aho hoe, “Jereo fotsiny ireo fanomezam-pahasoavana ho an’ny fanasitranana! Ary diniho, telopolo taona taty aoriana, ao amin’ny Korintiana izy dia mbola, nametraka ny fanomezam-pahasoavana ho an’ny fanasitranana tao amin’ilay Vatan’i Kristy.” Oh, oadray!

²¹⁸ Ankehitriny, io karazana fahalalana izay ianaranareo avy ao amin’ny karazam-boky io, dia tsaratsara kokoa aminareo ny manipy azy any anatin’ny kapoakan-jaoridira. Tongava eto amin’ity fahalalana ity. Rehefa nilaza Andriamanitra hoe, “Izy no tsy miova omaly, anio, ary mandrakizay,” dia manaova hoe, “Amena.” Eny, tompoko. Eny, tompoko. Tsy ho an’ny roa ambin’ny folo; ho an’ny rehetra izany. Rehefa anananareo io karazana fi-finoana io, rehefa ny finoanareo no manindry an’izany, ny ampahany tsirairay, amin’ny “amena,” dia hoy ianareo hoe, “Tena tsara,” ampio an’izany ilay izy.

²¹⁹ Fahefatra. Tsy maintsy mandeha haingana isika, satria izaho dia tena... Tena tsapa ho tsara tokoa ny mitsangana eto ka miresaka ny amin’izany. Amena. [Hoy ny rahalahy anankiray hoe, “Faly izahay amin’izany.”—Mpand.] Hia. Fahefatra... Misaotra anao.

²²⁰ Ampio “fahononam-po.” Oh, oadray! Tonga eo amin’ny fahononam-po isika. Ankehitriny, nanana ny finoana ianareo, voalohany; tsy maintsy manana an’izany, amin’ny voalohany. Avy eo ampionareo fahatanjahan-tsaina ny finoanareo, raha ilay karazana fahatanjahan-tsaina marina ilay izy. Avy eo dia ampionareo fahalalana, raha ilay karazana fahalalana marina ilay izy. Ankehitriny dia hanampy fahononam-po ianareo.

²²¹ Ny fahononam-po dia tsy midika hoe, “mijanona tsy misotro alikaola,” eto, tsy akory. Tsia, tsia. Ny fahononam-po dia tsy midika ho fitsaboana ny alikaolika, tsy izany eto amin’ity

lafiny ity. Ity dia fahononam-pon'ny Baiboly, fahononam-pon'ny Fanahy Masina. Izany dia iray amin'ireo filàn'ny nofo fotsiny, fa ny fahononam-pon'ny Fanahy Masina no resahintsika. Ny dikan'izany dia, ahoana no hifehezana ny lelanareo, tsy ho mpifosa anankiray; ahoana no hifehezana ny fahatezeranareo, tsy hisavoana isaky ny misy olona miresaka manohitra anareo. Oh, oadray!

²²² Tovolahy, maro amintsika no hihintsana alohan'ny hanombohantsika, sa tsy izany? Hitanareo? Noho izany dia manontany tena isika hoe nahoana Andriamanitra no tsy ao amin'ny Fianganany, manao fahagagana sy ny sisa izay nataon'izy ireo taloha. Eny, tompoko. Hitanareo?

²²³ Ampio an'ireo zavatra ireo. Ampio fahononam-po izany. Oh, fahononam-po, ahoana no hamaliana amin'ny fahalemem-panahy rehefa ny fahatezerana no miresaka aminareo. Misy olona manao hoe, "Ianareo andiana holy-rollers eo ireo!" Aza mitraotra sy mamoritra ny tânakan'akanjonareo ankehitriny. Hitanareo? Tsy izany. Fa miresaha amin'ny fitiavan'Andriamanitra, fahononam-po, fahalemem-panahy. Izany ve no fomba tianareo hahatongavana? [Hoy ny fianganana hoe, "Amena."—Mpand.] Rehefa tevatevaina ianareo, aza mba maneavateva koa. Avelao Izy ho ohatra ho anareo.

²²⁴ Rehefa hoy izy ireo hoe, "Raha Zanak'Andriamanitra Ianao, ovay ireto vato ireto ho tonga mofo," afaka nanao an'izany Izy, ary nampiseho fa Izy no Andriamanitra. Saingy nanana fahononam-po Izy. Rehefa niantso Azy izy ireo hoe, "Belzeboba," hoy Izy hoe, "Hamela anareo Aho ny amin'izany." Marina ve? Nisintona volombava eran'ny tânana avy teo amin'ny Tavany izy ireo, ary nandrora teo amin'ny Tavany, ka nanao hoe, "Midina avy eny amin'ny hazo fijaliana!"

²²⁵ Hoy Izy hoe, "Ray, mamelà azy ireo. Tsy fantatr'izy ireo izay ataony."

²²⁶ Rehefa, nanana ny fanomezam-pahasovavana Izy, dia Fantany ny zavatra rehetra, satria Izy no fahafenoan'ny Mah-Andriamanitra ara-batana. Nahita Azy nanao fahagagana izy ireo, tamin'ny fitenenana tamin'ny olona izay tsy nety tamin'izy ireo, sy ny sisa tahaka an'izany. Nasian'izy ireo vorodambla teo amin'ny Lohany tahaka an'izao, teo amin'ny Masony, ary nokapohiny tamin'ny tapa-kazo Izy teo amin'ny loha, ary nanao hoe, "Maminania, teneno aminay hoe iza no nikapoka Anao. Dia hino Anao izahay." Hitanareo? Nanana fahononam-po Izy.

²²⁷ Ankehitriny, raha manana an'ilay izy tahaka an'izany ianareo, dia ampio ao amin'ny finoanareo izany. Raha mbola mibontsina ianareo ka misendaotra, sy mifamaly, sy mikorontana, ary manohy, hah-ah, dia tsy manana ianareo... Tsy afaka manampy an'izany ianareo, satria tsy hiampy izany. Hitanareo? Tsy ho voatampina izany. Tsy afaka haka silaka

tingotra anankiray ianareo, fantatrareo, ka hanampina silaka vy anankiray amin'izany. Tsy hety mihitsy izany. Tsia, tsy maintsy malefaka izany, tahaka an'ilay fingotra mihitsy. Hitanareo? Ary rehefa ny finoanareo sy ny fahononam-ponareo no lasa mitovy karazana amin'ny fahononam-pon'ny Fanahy Masina izay Nananany, dia ho tampina miaraka Aminy izany. Nanampy an'ilay izy ianareo.

Rehefa ny fahatanjahan-tsainareo no tahaka ny Fahatanjahan-tsainy, dia hanampy an'ilay izy izany.

²²⁸ Rehefa ny fahalalanareo no tahaka ny Fahalalany, "Tonga aho hanao ny Sitraponao, O Andriamanitra." Hitanareo? Miaraka amin'ny Tenin'ny Ray, dia nandresy ny devoly rehetra Izy. Ny Lanitra sy ny tany ho levona, fa ny 'Teny tsy ho levona. Hitanareo? Rehefa manana an'io karazana fahalalana io ianareo, dia izany no hanampina miaraka amin'ny finoanareo.

²²⁹ Rehefa manana ny karazana fahononam-po marina ianareo, tahaka ny Nananany, dia izany no hanampina. Raha tsy manana ianareo, fa antsasa-dàlana nataon'olombelona fotsiny, finoana nasoaka, na fahononam-po, "Oh, tokony ho nasiako tahamaina izy, saingy-saingy angamba tsaratsara ho ahy ny tsy hanao, satria mety hametraka ny anarako ao amin'ny gazety izy ireo momba an'izany." Tsy izany ilay karazana fahononam-po izay Resahiny. Aza miezaka manampy an'izany. Tsy hety izany. Fa rehefa tena afaka tokoa ianareo, miaraka amin'ny hamamiana avy ao am-ponareo, mamela ny olona rehetra, mihazona ny filaminanareo, manadino an'ilay izy, hitanareo, dia izany no hanampina. Azonareo ampiana an'izany ny finoanareo. Fiooo!

²³⁰ Tsy mahagaga raha tena tsy ampy ny fiangonana. Tsy marina ve izany? Tsy mahagaga. Raha hilaza aho hoe, "Mibebaha ary aoka hatao batisa, hoy ny Baiboly, amin'ny Anaran'i Jesosy Kristy." Ary ny Triniteriana entitra anankiray no tsy mino an'izany, manao hoe, "Antikristy tranaivny io. Anaran'i Jesosy izy. Jesosy Irery izy." Tandremo, ry tovolahy, tsy mahafantatra mikasika ny fahononam-ponareo mihitsy aho ankehitriny. Hitanareo? Maninona ianareo no tsy tonga, manao hoe, "Ndaô isika hiaraka hiady hevitra an'izany, Rahalahy Branham. Tiako ny handre an'Izany ho voazava"? Hitanareo? Koa tongava dia henoy Izany. Ary dia voapetraka teo anoloanareo Izany, ary avy eo dia lasa ianareo; isika dia—isika dia ho tonga eo amin'izany ao anatin'ny minitra vitsy, ao amin'ny "toe-panahy araka an'Andriamanitra," hitanareo. Fa rehefa ianareo—rehefa misavoamboana ianareo, te-hamarana haingana ny resaka rehetra, hah-ah, izany dia—izany dia tsy izy. Hitanareo? Tsy mbola nahazo ny fahononam-pon'ny Baiboly ianareo raha manao an'izany; ahoana no hamaliana. Avy eo rehefa azonareo izany rehetra izany, dia afaka manampy an'izany ao amin'ny finoanareo ianareo.

²³¹ Avy eo, aorian'izany, fahefatra, dia tianareo ny hanampy faharetana amin'ny finoanareo. Raha manana ny finoana ianareo, dia "miteraka faharetana izany," hoy ny Baiboly. Hitanareo? Koa, *ity* no faharetana. Ankehitriny, izany no zavatra manaraka izay hanorina an'ity tsanganana *ity*. Fantatrareo, Andriamanitra dia manana ny tena fitaovana ao amin'ny Tranony.

²³² Hitanareo ve hoe tsy ampy toy ny ahoana isika, rahalahy, ranabavy? Hitanareo? Hitanareo ve hoe nahoana, aiza ho aiza isika? Eny, tomoko. Hitanareo? Manana voninahitra isika, manana hiakiaka sy ny sisa, satria manana finoana isika. Saingy rehefa midina amin'ireto zavatra *eto* ireto isika, dia tsy afaka manorina antsika ao amin'io tsanganana io Andriamanitra. Hitanareo? Tsy afaka Izy. Tsy afaka manambatra antsika amin'io karazana toerana io Izy. Manana an'ireo zavatra hafa rehetra ireo isika. Lavo isika, nikorsa niaraka tamin'izany. Hitanareo? Tsy afaka manorina ny Fiagonany Izy.

²³³ Faharetana amin'ny inona? Karazana faharetana inona? Ny zavatra voalohany, dia manana faharetana amin'Andriamanitra. Ianareo raha manana ny finoana marina, tena izy, dia hanana ny faharetana marina tena izy ianareo, satria ny finoana dia miteraka faharetana. Rehefa milaza zavatra anankiray Andriamanitra, dia mino an'izany ianareo. Izay ihany. Manana faharetana ianareo.

²³⁴ Hoy ianareo, "Eny, nangataka Taminy aho omaly hariva mba hanasitrana ahy, nefà mbola marary aho izao maraina izao." Oh, oadray! Faharetana inona?

²³⁵ Niteny tamin'i Abrahama Andriamanitra, ary dimy amby roapolو taona taty aoriana tsy nisy na famantaranana anankiray aza. Mbola nijanona nino foana izy. Naharitra tamin'Andriamanitra izy. Ah-hah.

²³⁶ Ataovy eo alohanareo Izy. Avelao Izy no ho fihaonan-dàlana manaraka. Tsy afaka hisongona Azy ianareo, koa hazony fotsiny ho eo anoloanareo Izy. "Izy no nilaza an'izany, dia hitranga izany." Hitanareo? Hazony ho eo alohanareo Izy. Marina izany.

²³⁷ Nanana faharetana i Noa. Hia. Noa dia nanana faharetana marina, araka an'Andriamanitra. Hoy Andriamanitra hoe, "Handrava an'ity tany ity amin'ny ranonorana Aho," ary nitory teny roapolو amby zato taona i Noa, na izany aza. Feno faharetana. Tsy nisy ando akory aza nilatsaka avy tany Andriamanitra. Tsy nisy na inona na inona. Feno vovoka arak'izay nahai-izy azy fotsiny, nandritry ny roapolو amby zato taona, saingy naharitra izy.

Noho izany, dia mizaha toetra ny faharetanareo Andriamanitra. Marina izany. Mizaha toetra azy ireo Andriamanitra.

²³⁸ Rehefa avy niteny tamin' i Noa Izzy, ankehitriny dia hoy Izzy hoe, "Noa, tiako ianao handroso ary hiditra ao anatin'ny sambofiara. Hampiditra an'ireo biby ao Aho, ary Izaho—Izaho dia mila anao miditra. Miakara amin'ny tohatra, ankehitriny, mba hahafahanao mijery, any amin'ny varavarankely ambony. Ankehitriny, Tiako ianao hiditra ao. Tiako ianao hiteny amin'ireo olona ireo hoe, 'Rahampitso, izay notoriako nandritry ny roapolo amby zato taona, dia hiseho.' Eny àry, mandehana ianao mankany ary teneno izy ireo."

²³⁹ Inona ilay famantarana voalohany? Niditra tao amin'ny sambofiara i Noa. Tsy nisy ranonorana. Niomana i Noa, ary nanao an'ilay akanjo aro-orana, sy ny sisa, mba hahafahany mijery, indray mandeha vetivety. Niomana izy. Fa ny andro manaraka...

²⁴⁰ Mino aho fa mety niteny tamin'ny ankohonany izy, sy ireo vinantovaviny ary izy rehetra, nanao hoe, "Oh, oadray! Rahampitso ianareo dia hahita zavatra tsy mbola hitanareo mihitsy. Satria, ireo lanitra rehetra ireo, dia ho lasa maity izy ireo. Ary ny kotreka sy tselatra dia hiseho. Ny sabatra lehibe an'Andriamanitra dia hanatriatriatra ny lanitra. Izy no hanameloka an'ireo andiana mpanota izay nandà antsika ireo, nandritry ny roapolo amby zato taona. Jereo dia ho hitanareo." Hitanareo?

²⁴¹ Ny sasany tamin'ireo mpino tapany, fantatrareo, izay nitaredretra teny amin'ny manodidina teny dia tsy niditra akory, fantatrareo. Ianareo—ianareo mbola manana azy ireny, fantatrareo. Koa izy ireo—izy ireo dia niakatra, nanao hoe, "Eny, mety ho marina ny an'ilay lahy antitra io, koa hiakatra isika ary hiandry andro vitsivitsy, na miandry ora vitsivitsy amin'ny maraina, ary hijery."

²⁴² Ny ampitso, raha tokony ho rahona maity, dia indro fa ny masoandro no niposaka tahaka ny nataony isan'andro. Nijery i Noa. Hoy izy, "He, tsy misy rahona mihitsy."

²⁴³ Niakatra io zatovo io, nanao hoe, "Ah, fantattro fa ianao dia isan'izy ireo. Hitanao, ianao dia nitaredretra teto amin'ny manodidina teto."

²⁴⁴ "Eny, mamele ahy, tompoko. Ha-ha. Angamba izaho—izaho—izaho fotsiny, fantatralo, taitaitra fotsiny, fantatralo. Karazan'izany, hitanao. Ha-ha-ha."

²⁴⁵ Saingy, Noa, nanana faharetana izy. Hoy izy, "Raha tsy tonga androany izany, dia ho tonga eto izany rahampitso." Nahoana? Andriamanitra no nilaza an'izany.

"Oviana Izzy no niteny anao an'izany, ry Noa?"

²⁴⁶ "Roapolo amby zato taona lasa izay. Tonga hatreto aho, koa miandry eto fotsiny aho ankehitriny." Hitanareo izany? Afaka kelikely...

²⁴⁷ Hitantsika, fa tonga hatreto Andriamanitra, miandry ny Fiagonana, ihany koa, fa ho avy Izany. Aza manahy ianareo. Izy no nampanantena an'Izany.

²⁴⁸ Niandry ny fitsanganana isika hatramin'izao. Hisy anankiray. Aza manahy. Andriamanitra no nampanantena an'izany. Miandrasa am-paharetana fotsiny. Matory ianareo, izany dia tsy... Mety maka torimaso ianareo alohan'ny hitrangan'izany, fa hifoha ianareo amin'izany fotoana izany. Izy no nampanantena an'izany, hitanareo. Torimaso anankiray, hitanareo, izay antsointsika hoe torimasom-pahafatesana, fantatrareo. Ilay antsointsika hoe fahafatesana, dia torimaso kely anankiray fotsiny, na matory ao amin'i Kristy. Tsy misy an'izany maty izany ao amin'i Kristy. Ny fiainana sy ny fahafatesana dia tsy miara-misy. Hitanareo? Maka torimaso fotsiny isika, torimaso anankiray izay tsy hahafahan'ireo sakaizantsika miantso antsika avy ao. Izy irery ihany no Tokana afaka miantso. "Hiantso Izzy, ary izaho hamaly Azy," hoy i Joba. Joba dia natory ankehitriny nandrity ny efatra arivo taona. Aza manahy. Izy dia—izy dia hifoha. Aza manahy. Mbola miandry izy.

²⁴⁹ Niandry i Noa. Lasa ny andro fahefatra. Tsy nisy ranonorana. Tena tsara izany. Hiranga izany.

²⁵⁰ Afaka mandre an-dRtoa. Noa aho tonga teo ka nanao hoe, "Dada, azonao an-...?"

"Aza miteny tahaka an'izany."

²⁵¹ Nanana faharetana izy, satria nanana finoana izy. Eny, tompoko. Nanana fahatanjahan-tsaina izy. Nanana fahalalana izy fa marina Andriamanitra. Nanana fahononam-po izy. Tsy nisavoamboana izy, nanao hoe, "Eny, tsy fantattro ny mikasika an'io rehetra io. Very teo ny lazako." Tsia, tsia. "Tsy miraharaha ahy intsony ny olona. Handeha ho eny aho ary hanomboka amin'ny voalohany, vaovao indray." Tsia, tsia. Nanana faharetana izy. Nampanantena Andriamanitra. Hataon'Andriamanitra izany. Hataon'Andriamanitra izany, satria Andriamanitra no nilaza an'izany.

²⁵² Ary afaka mahita ny zananilahy aho tonga teo, manao hoe, "Dada, fantatrao..." Ny tènany misafo ny volony lava efa volombatolalaka, fantatrareo. Ary efa zato taona mahery izy, fantatrareo, nipetraka teo. Hoy izy, "Fantattro fa patriarka tranainy ianao. Izaho—izaho dia tia anao, ry dada. Saingy mety azo heverina ve fa mety ho diso kely ihany ianao?"

"Oh, tsia. Tsia."

"Nahoana?"

"Andriamanitra no nilaza an'izany!"

²⁵³ "Eny, ry dada, enina andro izao isika no nipetraka teto. Nipetraka tato anatin'ity sambofiara lehibe, tranainy, maina

mipetraka eto ity. Ary voaisy dity avokoa izany, anatiny sy ivelany. Ary isika no nanorina azy nandritr'ireo taona maro ireo. Ary nitsangana tany ianao ka nitory teny, mandra-pahatonga anao nivadika ho volombatolalaka sy sola. Ary indro ianao eto ankehitriny, miezaka milaza zavatra *toy izao-sy-toy izao*. Ary mihomehy ny olona, ary mitoraka voatabia lo sy ny sisa eo amin'ny tavan'ilay izy. Jereo anie ilay ataonao. Nahoana, fantatrazo . . .”

“Mahareta, ry zanako.”

“Azonao antoka ve?”

“Ho avy ny orana!”

Hoy ny vinantovaviny, “Ray, fantatrazo . . .”

“Ho avy ny orana!”

²⁵⁴ “Fa isika nandritr'ireo taona maro ireo, dia niandry. Niomana isika. Ary ianao no niteny taminay fa ho avy ny orana, herinandro lasa izay. Ary ato isika, ary ny varavarana rehetra dia mikatona daholo, ary indro isika fa mihodinkodina ato, ary ny masoandro dia mibaliaka be mihitsy tahaka azy taloha.”

“Fa ho avy ny orana!”

“Ahoana no hahafantaranao?”

“Andriamanitra no nilaza an’izany!”

²⁵⁵ Ankehitriny rehefa tahaka izany isika, dia ampio izany. Fa rehefa tsy tahaka izany no anananareo azy, dia aza—aza miezaka ny hanampy an’izany. Tsy hety izany. Tsy hety izany eo amin’ny fanasitranana. Tsy hety izany na amin’inona na inona hafa. Hitanareo? Tsy maintsy miharo tsara amin’ilay fitaovana izay nanampenana azy ilay izy. Marina izany. Tsy maintsy ampianareo izany. Faharetana miaraka amin’ny teny fikasan’Andriamanitra. Eny, tompoko. Nino an’izany i Noa. Ary nanana faharetana niaraka tamin’Andriamanitra izy, roapoloo amby zato taona.

²⁵⁶ Mosesy, nanana faharetana niaraka tamin’Andriamanitra izy. Eny, tompoko. “Ry Mosesy, reko ny fitarainan’ny Oloko. Hitako ny fahoriany. Hidina Aho hanavotra azy ireo. Haniraka anao ho any Aho.”

²⁵⁷ Ary nisy fifanoherana kely teo aminy sy Andriamanitra, ary Andriamanitra naneho taminy ny Voninahiny. Hoy izy, “Indro handeha aho.” Vantany vao nahita ny voninahitr’Andriamanitra izy, hitanareo, dia nanana finoana.

Hoy Izy, “Inona iny an-tànanao iny, ry Mosesy?”

Hoy izy hoe, “Tehina anankiray.”

Hoy Izy hoe, “Atsipazo iny.”

Lasa menarana anankiray ilay izy. Hoy izy, “Oh, oadray!” Nanomboka izy . . .

²⁵⁸ Hoy Izy, “Raiso io, ry Mosesy. Raha afaka nanao azy ho menarana Aho, dia afaka ny hamerina azy indray Aho.”

²⁵⁹ Ah! [Nitehaka ny tànany intelo Rahalahy Branham—Mpand.] Amena! Raha afaka manome ahy fiainana ara-nofo anankiray Andriamanitra, dia afaka manome ahy Fiainana ara-panahy anankiray Izy! Raha afaka nanome ahy ny fahaterahana voalohany Andriamanitra, dia afaka manome ahy ny Fahaterahana faharoa Izy! Amena! Raha afaka manasitrana an’ity Andriamanitra, amin’ny alalan’ny fanasitranana avy amin’Andriamanitra, dia afaka manangana an’io indray Izy ho an’ny Voinahiny, amin’ny andro farany. Marina izany.

²⁶⁰ “Afaka manipy an’ity tehina ity aho ary mamadika an’ity ho menarana anankiray. Afaka mamadika an’ity ho tehina anankiray indray aho. Raiso amin’ny rambo izany.”

²⁶¹ Nahinjitr’i Mosesy ny tànany ary nalainy ilay izy. Indro ilay izy, tehina anankiray. Nanomboka nanampy fahalalana izy teo. Hitanareo?

“Inona ny olana amin’ny tànanao, ankehitriny, ry Mosesy?”

“Tsy misy.”

“Ataovy ao an-tratranao izany.”

²⁶² “Eny àry. Nanao ahoana . . .” Fotsin’ny habokana. “O Tompo, jereo ny tànako!”

“Ataovy ao an-tratranao indray izany, ry Mosesy.”

²⁶³ Nataony tao indray tahaka an’izao ilay izy, dia nivadika fotsiny tahaka ny . . . Nanomboka nanampy an’ireo fotsiny tahaka an’izao izy, avy eo, hitanareo. Eny, tompoke.

²⁶⁴ Tonga tany izy. Ary ny fifanoherana voalohany . . . Tonga tany izy. Tonga teo izy ary nanao hoe, “Hoy ny Tompo Andriamanitra hoe, ‘Avelao ny Oloko handeha.’ Farao, tiako ho fantatrao izao. Tonga aho amin’ny maha-solontenan’Andriamanitra ahy. Tsy maintsy mankato ahy ianao.”

²⁶⁵ Hoy Farao hoe, “Hankato? Fantatrao ve hoe iza moa aho? Izaho no Farao. Hankato anao, andevo anankiray?”

²⁶⁶ Hoy izy, “Na ianao hankato ahy, na ho faty. Ny iray izay tianao amin’ireo no hataonao.” Nahoana? Fantany izay noresahiny. Nanana iraka anankiray izy. Teo izy. Niresaka tamin’Andriamanitra izy. Nanana finoana izy. Fantany izay nisy azy.

“Tianao hankato anao ve aho? Miala eto!”

“Hasehoko anao.”

“Anehoy famantarana aho.”

Natsipiny ny tehina; lasa menarana anankiray.

²⁶⁷ “Nahoana,” hoy izy, “fitaky ny mpanao ody mora kely io! Avia aty iray minitra. Avia aty, ry Jana, ianao sy Jambra, atsipazo ny tehinareo.” Natsipiny ireo, ary lasa menarana anankiray ireo.

²⁶⁸ Hoy izy, “Ankehitriny, ianao zavatra kely io, tonga eto amiko, Egyptiana anankiray, farao anankiray an'i Egypta. Ary tonga eto ianao miaraka amin'ny fitaky ny mpanao odinao mora kely, sasantsasany amin'ireo hafetsenao,” fantatrareo, famakian-tsaina. Fantatrareo izay tiako ho lazaina. Antenaiko fa efa namaky mikasika ny amin'izany ianareo. “Telepatia ara-tsaina na zavatra anankiray, hitanao, hia, mankanesa eto miaraka amin'ny sasantsasany amin'izany.” Hoy izy, “Eny, afaka manao zavatra mitovy amin'ny ataonao izahay.”

²⁶⁹ Inona i Mosesy? Tsy nilaza izy hoe, “Oh, Atoa. Farao, izaho—izaho dia miala tsiny, tompoko. Ho andevenao aho.” Tsia, tompoko.

²⁷⁰ Nipetraka tsara izy. Amena. Mijanona tsara eo. Andriamanitra no nilaza, tsy nisy fisalasalana fotsiny tao am-pony, “Hazony ny filaminanao. Haneho zavatra anankiray aminao Aho.” Rehefa nanao tanteraka izay Nolazainy fa hatao ianareo, mety ho toy ny diso izany; mipetraha tsara, mahareta.

²⁷¹ Hoy Mosesy hoe, “Fantatrareo, rehefa nametraka an'io fototra io aho, dia nisy faharetana nipetraka eo amboniny eo, koa hiandry fotsiny aho ary hahita izay hataon’Andriamanitra.”

²⁷² Teo ireo menarana antitra, nandadilady teo, nitsoka, nifampihisitrisitra. Ny zavatra voalohany fantatrareo, lasa ny menaranan'i Mosesy, “Glop, glop, glop,” ary nateliny daholo izy rehetra. Nanana faharetana izy.

Izay miandry ny Tompo, dia manavao ny tanjany,
Elatra no hiakarany tahaka ny voromahery.

Marina ve izany? [Hoy ny fiangonana hoe,
“Amena.”—Mpand.] Hitanareo? Eny.

Hihazakazaka izy fa tsy ho sasatra, handeha fa tsy
ho reraka.

Hitanareo, miandrasa fotsiny an'ny Tompo. Manàna faharetana. Hitanareo? Eny, tompoko.

²⁷³ Avy eo dia nivoaka ny Israely. Tonga ireo fifanoherana lehibe, ary niandry i Mosesy.

²⁷⁴ Avy eo dia lasa tany an-efitra izy. Izany dia teo amin'ny dia telo-na efatra andro fotsiny. Izany dia efapolo maily fotsiny avy teo amin'ny niampitany teo, ampitan'ilay niampitan'izy ireo indray mihitsy. Saingy, Mosesy, tany an-efitra, dia niandry efapolo taona. Faharetana. [Mihomehy Rahalahy Branham—Mpand.] Amena. Marina izany. Niandry efapolo taona izy. Oh! Eny, tompoko.

²⁷⁵ Ary isika dia tsy maintsy manana faharetana amin'ny hafa, ihany koa. Hitanareo? Indray andro... Isika dia—isika dia tsy maharitra loatra amin'ny hafa. Isika dia mihevitra ny ho lasa tahaka an'i Mosesy. Mosesy dia nanana faharetana tamin'ireo olona. Jereo, izany no nahatonga azy ireo tsy ho tafita. Hitanareo? Rehefa miezaka ny hanao zavatra anankiray ianareo...

²⁷⁶ Toy ny hoe, izaho dia niezaka nitondra an'ity Hafatra ity eto amin'ny tabernakla, mba hahita fa ny mpikambana tsirairay an'ny tabernakla dia ho lasa an'*Ity*. Sarotra hatao izany. Niezaka ny hanana faharetana aho; telo amby telopolo taona izao. Hitanareo? Manàna faharetana. Mbola manapaka ny volony foana ny vehivavy, mbola mitovy fotsiny. Fa manàna fotsiny faharetana. Hitanareo? Manàna fotsiny faharetana. Miandrasa. Tsy maintsy. Raha tsy manana an'izany ianareo, dia aza miezaka manorina an'izany eto ambony *eto*. Manàna faharetana.

²⁷⁷ Indray mandeha aza, rehefa tsy nanana an'ilay faharetana ilay andiana mpihoko, dia nahatonga an'i Mosesy nanao zavatra izay ratsy izy ireo. Saingy, na izany aza, rehefa tonga teo amin'ny fifanatrehana izany, dia sorena tamin'ny fihetsik'izy ireo Andriamanitra. Hoy Izy hoe, "Misaraha ianareo, ry Mosesy. Hamono an'ilay andian'izy ireo manontolo Aho, ary hanomboka vaovao indray."

²⁷⁸ Nanjera ny tenany teo amin'ilay elanelana izy, ary nanao hoe, "Andriamanitra, aza manao an'izany." Inona? Faharetana amin'ny olona izay nihoko nanohitra azy.

²⁷⁹ Manontany tena aho raha afaka hanao an'izany isika? Raha tsy afaka ianareo, dia aza miezaka manorina eo ambonin'ity, satria izany—izany dia tsy miova, fantatrareo. Izany no fomba nanampenana an'ilay voalohany tato amin'ity, ary izany no fomba tsy maintsy hanampenana ny tsirairay amin'izy ireo. Raha tsy izany ianareo, dia tsy tonga eo amin'ilay tsanganan'ny toerana fonenan'Andriamanitra velona ianareo, raha tsy manana faharetana ianareo, faharetana, samy ianareo. Eny àry.

²⁸⁰ Ireo zatovo Hebreo dia nanana faharetana. Azo antoka, nanana izy ireo. Nampanantena azy ireo Andriamanitra, niteny tamin'izy ireo hoe, "Aza miankohoka amin'ny sary anankiray." Fa nanana faharetana izy ireo. Hoy izy ireo, "Ny Andriamanitray dia mahavita. Saingy, na tsy izany aza, dia tsy hiondrika eo amin'ny sarinao izahay." Faharetana, nahafantatra an'izany, fa Andriamanitra dia hanangana azy indray amin'ny andro farany.

²⁸¹ Izao fiainana izao dia tsy misy dikany loatra, raha ny marina. Hitanareo? Andriamanitra dia hanangana azy indray amin'ny andro farany. Fa rehefa tonga eo amin'ny fiankohofana amin'ny sary anankiray kosa ilay izy, tsy hanao an'izany izahay. Ankehitriny, homenay an'i Kaisara izay an'i Kaisara, fa, rehefa

tonga eo amin'i Kaisara misalovana an'Andriamanitra kosa ilay izy, dia Andriamanitra no voalohany.

²⁸² “Hoy Andriamanitra hoe, ‘Aza miankohoka amin’io sary io ianao.’ dia tsy hanao an’izany aho. Ny Andriamanitray dia mahay manavotra anay. Raha tsy hanao Izzy, izaho tsy hiankohoka amin’ny sary.”

Hoy izy, “Eny àry, indro ny lafaoro.”

²⁸³ “Eny,” hoy izy, “oh, ataoko fa, hanorana mafy izao alina izao ary hanafoana an’io rehetra io.” Saingy tsy nanao ilay izy. Mahareta foana.

²⁸⁴ Ny ampitso maraina, rehefa nentina teo anatrehan’ny fitsarana izy ireo, indro nipetraka teo i Nebokadnezara. Hoy izy hoe, “Eny àry, ry tovolahy, vonona ve ianareo ny hahatsiaro ahy ho mpanjakanareo?”

“Izany tokoa. Ho velona mandrakizay ianao, O ry mpanjaka.”

“Ankehitriny miankohofa eo amin’ny sariko.”

“Oh, tsia.”

²⁸⁵ “Eny, ho may ianareo. Olona hendry ianareo. Mahay ianareo. Fanampiana lehibe anankiray ho anay ianareo. Fitahiana anankiray ho an’ny fanjakanay ianareo. Tsy mety ho azonareo ve fa tsy te-hanao an’izao aho? Saingy efa nanao fanambarana aho teto, ary tsy maintsy hatao izany. Tsy te-hanipy anareo ao aho. Oh, ry lehilahy, inona ny olana aminareo?”

²⁸⁶ “Fantattro fa tena tsara tokoa izany. Saingy, ny Andriamanitray dia mahay manavotra anay. Fa na tsy izany aza...” Nanana faharetana.

²⁸⁷ Nanomboka nihanika an’ilay fiakarana izy ireo. Ny iray njery ny iray hafa. “Tena tsara izany. Tena tsara.” Nanana faharetana. Nandeha dingana anankiray, tsy tao Andriamanitra. Dingana roa, tsy tao Izzy. Dingana telo, dingana efatra, dingana dimy, nanohy nandeha fotsiny, fa mbola tsy tao Izzy. Ary namindra avy hatrany tao amin’ilay lafaoro misy afo izy. Nanana faharetana izy ireo. Fa tao Izzy. Hitanareo? Afo kely fotsiny no nahakasika azy ireo, mba handoro ny kofehin’izy ireo hiala amin’ny tânany sy ny tongony. Ary avy eo rehefa nahakasika ny faran’ilay lavaka izy, dia tao Izzy. Hitanareo? Nanana faharetana izy ireo.

²⁸⁸ Daniela mitovy amin’izany. Nanana faharetana i Daniela. Azo antoka. Tsy nety nilefitra izy. Tsia, tompoko. Inona no nataony? Novohany ireo varavarankely ary nivavaka, na izany aza. Izany no fitakian’Andriamanitra. Nanana faharetana izy. Niandry an’Andriamanitra izy, nahafantatra fa Andriamanitra dia mahay mihazona ny Teniny. Natsipin’izy ireo tao an-davaky ny liona izy, nanao hoe, “Havelanay ny liona hihinana anao.”

²⁸⁹ Hoy izy hoe, “Tena tsara izany.” Nanana faharetana izy. Nahoana? “Eny, izaho dia niandry hatramin’izay, an’Andriamanitra. Raha mbola hiandry arivo taona vitsy amboniny aho, dia hitsangana indray aho amin’ny andro farany. Noho izany, dia manana faharetana aho, miandry.”

²⁹⁰ Nanana faharetana i Paoly. Nanana tokoa. Jereo izay tsy maintsy nataon’i Paoly. Miresaka ny amin’ny faharetana!

²⁹¹ Ahoana ny amin’ireo olona pentekotista? Raha mbola nahazo ny iraka izy ireo hoe, “Miandrasa mandra-paha,” hitanareo, “miandrasa mandra-panafiana anareo ny Hery.” Hatramin’ny rahoviana? Tsy nanana fanontaniana izy ireo hoe, hatramin’ny rahoviana izany? Nanana an’ilay valiny fotsiny izy ireo hoe, “Miandrasa mandra-paha.”

²⁹² Niakatra tany izy ireo ary nanao hoe, “Eny àry, ry tovolahy, angamba afaka dimy ambin’ny folo minitra aorian’izao ankehitriny izao dia ho tonga eo amintsika ny Fanahy Masina ary hahazo ny asam-panompoantsika isika.” Lasa ny dimy ambin’ny folo minitra, tsy nisy na iza na iza. Lasa ny andro iray, tsisy; roa, telo, efatra, dimy, enina, fito.

²⁹³ Ny sasany tamin’izy ireo dia mety nanao hoe, “He, tsy mihevitra ve ianareo fa efa nahazo Azy isika?”

“Tsia, tsia, tsia, tsia.” Izay ilay izy. Tsia. Marina izany.

²⁹⁴ “Tsaratsara kokoa ho anareo ny mivoaka, ry tovolahy.” Hoy ny devoly hoe, “Ianareo—ianareo—ianareo dia mahafantatra fa efa nahazo izay ilainareo ianareo. Mandehana, atombohy ny asam-panompoanareo.”

²⁹⁵ “Tsia, tsia, tsia. Tsy nahazo Azy izahay, tsy mbola. Satria, hoy Izy hoe, ‘Izao no ho tonga, dia izay hiseho amin’ny andro farany: Amin’ny molotra miambakambaka sy amin’ny fiteny hafa no Hitenenako amin’ity vahoaka ity, ary ity no Fitsaharana izay Nolazaiko,’ hitanareo, Isaia 28:19.” Hoy Izy, “Ity no—it no Izy, ianareo—ianareo dia hahazo Azy rehefa... Nahoana, ho fantatsika rehefa tonga Izy. Ho fantatsika rehefa tonga Izy. Ho fantatsika izany, ‘Teny fikasan’ny Ray.’” Niandry sivy andro teo izy. Ary avy eo tamin’ny andro fahafolo, “Eo isika izao.” Nanana faharetana izy ireo, niandry.

²⁹⁶ Ankehitriny, raha nanana an’io karazana faharetana io ianareo, rehefa avy manome anareo teny fikasana anankiray Andriamanitra ka hitanareo ao anatin’ny Baiboly izany, “Ahy izany,” dia miandrasa. Avy eo, rehefa manana an’io karazana faharetana io ianareo, dia ampio ao amin’ny finoanareo izany. Ary hitanareo ve hoe avo toy ny ahoana no misy anareo ankehitriny? Manomboka miakatra eto ianareo ankehitriny. Eny àry. Ny famantaranandro dia manomboka mihodina, ihany koa, sa tsy izany? Eny àry. Eny àry. Ampio ao amin’ny finoanareo izany.

²⁹⁷ Mametraka Azy foana eo alohanareo, mahatsiaro, fa Izy no nampanantena. Tsy izaho, no nampanantena. Tsy pasitera, no nampanantena, na Rahalahy Neville. Tsy mpitoriteny hafa anankiray, no nampanantena. Tsy ny pretra na papa anankiray. Tsy olona anankiray eto an-tany. Fa Andriamanitra no nanao ny teny fikasana, ary Andriamanitra dia mahay mihazona ny zavatra rehetra izay Nampanantenainy. Eny àry. Raha manana an'io karazana finoana io ianareo, mba hahafantatra fa Andriamanitra no nampanantena an'izany! Hoy ianareo, "Rahalahy Branham, marary aho. Tena mila fanasitravana mihitsy aho." Ekeo ilay izy. Fanomezana nomena anareo izany, eny, tompoko, raha afaka mino ianareo. "Eny," hoy ianareo hoe, "Mino aho." Avy eo dia adinoy ilay izy. Izay ihany. Vita daholo ny amin'izany. Hitanareo?

²⁹⁸ Manàna faharetana, raha manana faharetana ianareo. Raha tsy izany ianareo, dia hikodiadia avy eto amin'ity Trano eto ity ianareo, hitanareo. Io no handrodana ny sisa rehetra amin'izany, io zavatra tokana io. Tsy maintsy manana an'izany ianareo. Aza ampianareo izany, satria, io no handrodana ny tranonareo raha tsy manana ny faharetana ianareo, raha tsy manana ny fahatanjahan-tsaina ianareo mba hanampiana amin'ny finoanareo izay lazainareo fa anananareo. Ary raha tsy manana finoana mihitsy ianareo, ka miezaka hametraka fahatanjahan-tsaina eo ambonin'izany, dia izany no handrava ny finoanareo. Hitanareo? Hoy ianareo hoe, "Eny, ankehitriny, andraso iray minitra. Angamba fahadisoana daholo izany rehetra izany, raha ny marina. Angamba Andriamanitra tsy Andriamanitra. Angamba tsy misy Andriamanitra." Hitanareo, izany dia hanapaka mihitsy an'ilay zavatra ho anankiroa. Hitanareo?

²⁹⁹ Fa raha manana ny finoana tena izy ianareo, dia apetraho eo amin'izany ny fahatanjahan-tsaina tena izy, avy eo ny fahalalana tena izy, avy eo ny fahononam-po tena izy, avy eo ny faharetana tena izy. Hitanareo? Eo am-piakarana mihitsy amin'ilay laharana ianareo. Eny àry.

³⁰⁰ Fahadimy, ampio toe-panahy araka an'Andriamanitra. Oh, oadray! Toe-panahy araka an'Andriamanitra no ampiana. Inona no dikan'ny hoe toe-panahy araka an'Andriamanitra? Nijery tao anatin'ny diksionera efatra na dimy aho ary tsy nahita akory hoe inona no dikan'izany. Farany, tany amin-dry Rahalahy Jeffries aho, hitanay izy io tao amin'ny—tao amin'ny diksionera anankiray. *Toe-panahy araka an'Andriamanitra* dia midika hoe "hitovy amin'Andriamanitra." Oh, oadray! Rehefa avy nanana finoana ianareo, fahatanjahan-tsaina, fahalalana, fahononam-po, faharetana, avy eo dia hitovy amin'Andriamanitra. Fioo!

³⁰¹ Hoy ianareo hoe, "Tsy vitako izany, Rahalahy Branham." Oh, eny, mahavita ianareo.

³⁰² Avelao fotsiny aho hamaky aminareo Soratra vitsy eto, iray minitra fotsiny. Matio 5:48. Halaintsika io anankiray io dia ho hitantsika hoe tahaka ny inona izany, Matio 5:48, ary jereo raha natao hitovy amin'Andriamanitra ianareo. Fantatrareo fa hoy ny Baiboly hoe, "Ianareo dia andriamanitra." Jesosy no nilaza an'izany. Nahoana? Ny fahatanjahan-tsaina rehetra, ny zavatra rehetra izay ao amin'Andriamanitra, dia ao aminareo. Matio 5:48, "Aoka ianareo..." Jesosy no miteny, ao amin'ilay fahasambarana.

Koa aoka ianareo ho t-a-n-t-e-r-a-k-a, (Inona izany?) tanteraka, tahaka ny Rainareo... any an-danitra izay tanteraka.

³⁰³ Miakatra *eto* ianareo ankehitriny, alohan'ny hangatahana anareo hanao an'izany. Ireto zavatra rehetra ireto no tsy maintsy ampiana aloha. Avy eo rehefa miakatra eo ianareo, dia hangataka aminareo Izy ankehitriny mba ho tanteraka, toe-panahy araka an'Andriamanitra, zanakalahy sy zanakavavin'Andriamanitra. Marina izany. Firy ny zavatra izay azoko lazaina eo amin'io laharana io!

³⁰⁴ Ndao isika hivadika ao amin'ny Efesiana 4, dia hahita *eto* hoe inona, ao amin'ny Bokin'ny Efesiana, no lazainy ny amin'ity zavatra ity, ihany koa, ny amin'ny hoe ahoana no tokony—ahoana no tokony hataontsika. Efesiana, ny toko faha-4, ary manomboka amin'ny andininy faha-12. Efesiana 4, ary manomboka amin'ny andininy faha-12. Eny àry. Ndao isika hanomboka hamaky ny *eto* ambony amin'ny andininy faha-11.

Ary izy nanome ny sasany, ho apostoly; ary ny sasany, ho mpaminany;...

³⁰⁵ Tsaroanareo ve ny omaly hariva? Aza miezaka maka ny andraikirity ny olon-kafa. Hitanareo?

...ary ny sasany, ho evanjelista; ary ny sasany, ho mpiandry... ary ny sasany, ho mpampianatra;

³⁰⁶ "Ho fanatanerahana an'Andriamanitra"? Tahaka an'izany ve no vakin'ilay izy? [Hoy ny fiangonana hoe, "Tsia."—Mpand.] Ny fahatanerahana ny inona? ["Ireo masina."] Iza ireo masina? Ireo izay nohamasinina. Amena. Ireo izay nanomboka avy *eto*.

...fanatanerahana an'ireo masina, ho an'ny fanaovana ny asam-panompoana (ny asam-panompoan'i Jesosy Kristy), ho an'ny fampandrosoana ny vatan'i Kristy (ho an'ny fampandrosoana, fanorenana Azy, fampandrosoana): mandra-paha...

Mandra-pahatongantsika rehetra ho amin'ny firaisan'ny finoana, sy...ny fahalalana ny Zanak'Andriamanitra, ary ho amin'ny lehilahy tanteraka, ao amin'ny antoka, (oh, oadray), ho amin'ny ohatry ny tsanganan'ny fahafenoan'i Kristy:

³⁰⁷ “Tanteraka,” dia mandray ny toe-panahy araka an’Andriamanitra. Tsy maintsy ampianareo ao amin’ny finoanareo, ny toe-panahy araka an’Andriamanitra. Hitanareo, manomboka *eto* ambany *eto* ianareo, miaraka amin’ny fahatanjahan-tsaina. Avy eo mandeha eo amin’ny fahalalana ianareo. Avy eo mandeha eo amin’ny fahononam-po ianareo. Avy eo mandeha eo amin’ny faharetana ianareo. Ankehitriny eo amin’ny toe-panahy araka an’Andriamanitra ianareo. Toe-panahy araka an’Andriamanitra! Oh, oadray! Manomboka lasa ny fotoanantsika. Ndao isika hijery. Fa fantatrareo hoe inona no dikan’ny toe-panahy araka an’Andriamanitra. Ianareo dia nihira an’izao hira izao:

Hitovy amin’i Jesosy, hitovy amin’i Jesosy,
Eto an-tany aho dia maniry ny hitovy Aminy;
Mandrity ny diam-piainana rehetra avy *eto* an-
tany mankany amin’ny Voninahitra
Dia mangataka fotsiny aho ny hitovy Aminy.

³⁰⁸ Izany no toe-panahy araka an’Andriamanitra. Rehefa voafelaka Izy teo amin’ny takolaka ilany, dia Natodiny ny anankiray. Rehefa notenenina mafy Izy, dia tsy niteny Izy. Tsy namaly am-pahatezerana izy. Hitanareo? Tsara fanahy, nitady zavatra anankiray foana, “Izaho dia manao foana an’izay mahafaly ny Ray.” Hitanareo? Eny, tompoko. Izay foana. Izany no toe-panahy araka an’Andriamanitra. Hitanareo?

³⁰⁹ Ianareo rehefa nandeha avy *eto*, ho *eto*, ho *eto*, ho *eto*, ho *eto*, ankehitriny ianareo dia tonga ao amin’ilay tsanganana feno ankehitriny an’ny zanak’Andriamanitra. Fa ianareo kosa dia tsy maintsy manana an’ity, ampiana an’ity rehetra ity, ary tsy afaka hanomboka akory aza ianareo raha tsy manana an’ity ianareo.

³¹⁰ Ankehitriny tsarovy ilay tsikorovana miaraka amin’ny volon’ny vorombola. Aza adino izy. Hitanareo? Aza miezaka manampy an’izany raha tsy tena nateraka indray ianareo. Satria, ianareo, tsy hety izany, ary ianareo—ianareo tsy afaka hanao an’izany ho mety. Izany dia ho tonga eto amin’ity, na ity eto ity, dia hirodana izany any ho any.

³¹¹ Fa rehefa tonga *eto* ambany *eto* ianareo, voromailala tena izy nateraka indray, dia tsy manampy na inona na inona ianareo. Ampiana aminareo izany, hitanareo, mandroso miakatra, eny àry, tonga ao amin’ny fahatanterahana ankehitriny. Eny àry.

³¹² Avy eo, fahenina, ndao isika hanampy, ny Baiboly dia milaza *eto*, ampiana fitiavana ny rahalahy...fitiavana ny rahalahy. Ankehitriny, anankiray tsara izany, *eto* mihitsy, ny fahenina, fito. Eny àry. Ampiana fitiavana ny rahalahy. Eny àry. Rehefa tonga eo amin’io isika, fitiavana ny rahalahy, dia apetraho eo amin’ny toerany ny tenanareo, eo amin’ilay raharaha. Ankehitriny hoy ianareo...

³¹³ “Nanota tamiko ny rahalahiko,” hoy i Petera. “Hamela azy ve aho,” hoy izy, “impito isan’andro?”

Hoy Izy hoe, “Impito amin’ny fitopolo.” Hitanareo?

³¹⁴ Fitiavana ny rahalahy. Ankehitriny, hitanareo, raha misy rahalahy anankiray mamalan-kira tanteraka, aza tsy maharitra aminy. Hitanareo? Tsia. Hitanareo? Aoka halemy fanahy aminy. Mandehana, na izany aza.

³¹⁵ Nisy olona nilaza, vao tsy ela akory izay, nanao hoe, “Ahoana no hahafahanareo mino an’ireo zavatra ireo amin’ny fomba fanaonareo, nefo mbola mandeha mankany amin’ny Assemblée de Dieu, sy ny an’ny Tokana, sy ny sisa rehetra?” Koa apetraho, hitanareo, ny fitiavana ny rahalahy. Hitanareo? Hitanareo? Manantena, indray andro any, hitanareo; maharitra aminy, hitanareo; mahari-po, miaritra aminy; fahalalana, mba hahazo izay inoany, tsarovy, izany no ao am-pony, izany ilay izy; fahatanjahan-tsaina, ao amin’ny tenanareo, mamela an’ilay izy handeha miaraka amin’ny fitiavana, fahalemem-panahy, aminy; manana finoana fa indray andro any dia hampiditra azy Andriamanitra. Hitanareo?

³¹⁶ Fitiavana ny rahalahy, ny zavatra fahafito. Iray, roa, telo, efatra, dimy, enina, fito. [Nikapoka ny solaitrabe impito Rahalahy Branham—Mpand.] Hitanareo, zavatra fahafito. Koa, ankehitriny, tonga ianareo.

³¹⁷ Ny zavatra manaraka, avy eo, dia ampio fiantrana, dia ny fitiavana. Io ilay vato sarona. Indray andro any, ao amin’ny fiangonana . . .

³¹⁸ Ankehitriny, iangaviako, aoka ho fantatra izao ao amin’ny horonam-peo, ary na mbola aiza na aiza, fa tsy mampianatra an’izao ho foto-pampianarana anankiray aho, dia izay lazaiko ankehitriny. Fa te-hampiseho anareo an’izao fotsiny aho, amin’ny alàlan’ny fanampian’Andriamanitra, hoe inona marina ilay izy, fa, ny Baiboly voalohany izay hany nosoratan’Andriamanitra dia ny Andian-kintana eny amin’ny lanitra. Manomboka amin’ny virijiny izany. Mifarana amin’ny Leo ilay liona izany. Ary rehefa tonga eo amin’ilay Tombokase Fahlenina sy Fahafito aho, dia hahita ianareo, rehefa nosokafana ilay Tombokase hafa, fa ny marik’ilay Andian-kintana an’io toerana io dia ny kansera, ny trondro mifanapaka. Ary izany ilay taonan’ny kansera izay iainantsika ankehitriny, voambara. Ary ny zavatra manaraka nendahan’ilay Tombokase, dia manambarana an’i Leo ilay liona Izany, ilay Fihavian’i Kristy faharoa. Tonga Izy, ny voalohany, tao amin’ny virijiny; tonga Izy, manaraka, Leo ilay liona. Hitondra an’izany aho ao amin’ny . . .

³¹⁹ Ankehitriny, tsy fantatro raha manana fotoana aho izao maraina izao. Hanao ny tsara indrindra izay azoko atao aho, hampiseho aminareo fa ireto dingana ireto dia ao amin’ny piramida, tanteraka mihitsy, ilay Baiboly faharoa izay

nosoratan'Andriamanitra. Enoka no nanoratra azy ireo, ary nametraka azy ireo tao anatin'ilay piramida.

³²⁰ Ary ny fahatelo, Andriamanitra dia tanteraka foana ao anatin'ny telo, avy eo dia Izy Tenany ihany no nanao ny Teniny.

³²¹ Eto, ankehitriny, tsarovy, ao amin'ilay piramida... Ataoko fa maro aminareo miaramila sy ny sisa no tany Egypta. Ny piramida dia tsy manana sarona anankiray eo amboniny. Tsy nisy mihitsy. Ny-ny Vaton'ny Scone, sy ny zavatra hafa rehetra dia nananan'izy ireo, saingy mbola...

³²² Raha manana ravim-bola dolara anankiray ianareo any anaty paosinareo, dia jereonareo ilay ravim-bola dolara, ary ho hitanareeo fa, eo amin'ny ilany havanana, dia misy voromahery anankiray miaraka amin'ny sainan'i Amerika. Ary izao no voalaza, ny tombokase "an'ny Etazonia." Eo amin'ny ilany anankiray, dia misy piramida, miaraka amin'ny vato voasarona lehibe anankiray sy mason'olona. Izao no lazaina eo amin'io ilany io, "Ilay tombokase lehibe." Eny, raha firenena lehibe ity, nahoana io tombokase lehibe io no tsy ho tombokase manokana an'ilay firenena? Andriamanitra dia manao azy ireo ho vavolombelona, tsy maninona izay andehanan'izy ireo.

³²³ Niresaka tamin'ny dokotera anankiray aho indray mandeha, ary nitsikera mafy ahy fotsiny izy, mikasika ny fanasitranana avy amin'Andriamanitra. Nitsangana teo amin'ny lèlana izahay. Hoy izy hoe, "Atoa. Branham, mampikorontana ny olona fotsiny ianao." Hoy izy, "Tsy misy fanasitranana, afa-tsy amin'ny alalan'ny fanafody ihany."

³²⁴ Sendra nitodika aho, dia njery ny famantarany teo amin'ilay fiara, izay nanana an'ilay menarana teo amin'ny hazo boribory anankiray. Hoy aho hoe, "Tsaratsara kokoa ho anao ny manala an'io famantarana io eo amin'ny fiaranao, raha izany, satria ny famantaranao manokana dia vavolombelona fa Andriamanitra dia mpanasitrana."

³²⁵ Ny tena dokotera dia mino an'izany. Izany ireo mpisandoka. Eny, tompoko. Ilay menarana eo amin'ny hazo boribory! Nanangana an'ilay menarana teo amin'ny hazo boribory iray i Mosesy. Hoy izy hoe, "Izaho no Tompo izay manasitrana ny aretinareo rehetra." Ary njery an'ilay menarana izy ireo, ho an'ny fanasitranana avy amin'Andriamanitra. Ary mbola mijoro vavolombelona manohatra an'izany ihany anefa izy ireo; kanefa ny famantaran'izy ireo manokana no manohitra azy ireo. Fioo!

³²⁶ Eto, ny firentsika, milaza ny amin'ireo zavatra ireo, ka maneso an'ireo zavatra ireo, nefy ny volan'izy ireo manokana, ny vola fampiasan'izy ireo, dia vavolombelona fa ny tombokasen'ny tontolo rehetra dia Andriamanitra. Hitanareo ve ilay maso mitsangana eo ambonin'izany io, eo ambonin'ilay ravim-bola dolara? Io ilay tombokase lehibe.

³²⁷ Tsy napetraka eo amin'ny tampon'ilay piramida mihitsy izy io. Tsy azon'izy ireo hoe nahoana. Nolavina ilay Vato manarona, ilay Loha, Kristy. Fa ho avy Izany, indray andro any.

³²⁸ Ankehitriny, ao amin'ny fanorenana, ny fahatanjahan-tsaina... Manorina an'ity tsangambato ity, manorina an'ity tsanganana ity, hitanareo, izany dia manomboka amin'ny fototra vato; finoana, fahatanjahan-tsaina, fahalalana, fahononam-po, faharetana, toe-panahy araka an'Andriamanitra, fitiavana ny rahalahy. Ankehitriny inona no ataon'izany? Avy eo dia miandry ny Lohambato izy ireo, dia ny fitiavana, satria Andriamanitra dia fitiavana. Ary Izy no mifehy, ary Izy no herin'ny tsirairay avy amin'ireo zavatra ireo. Marina izany. Eny, tompoko.

³²⁹ *Eto* mihitsy, *eto* mihitsy, hitanareo fa izaho dia manana, eo anelanelany, an'ireto asa rehetra ireto, ary indro ireo onja kely fa tonga. Inona izany? Ny Fanahy Masina midina, amin'ny alàlan'i Kristy, hitanareo. Fanahy Masina! Ny Fanahy Masina no eo ambonin'ity rehetra ity, mampiray an'ity miaraka, manorina (inona?) Fianganana tanteraka anankiray, ho an'ilay Vatosarona mba hanarona Azy.

³³⁰ Inona indray no vitan'izany? Voaseho tamin'ny alàlan'ny Taona Fiton'ny Fianganana izany, sy ireo iraka fiton'ny Fianganana.

³³¹ Nanomboka *teto* indray. Taiza no naorina ilay Fianganana voalohany? Taiza no naorina ilay Fianganana pentekotista voalohany? Tamin'ny alàlan'i Masindahy Paoly, tao Efesosy, ilay kintan'ny Taonan'ny Fianganana Efesiana, Efesosy.

³³² Ny taonan'ny Fianganana faharoa dia Smyrna. "Fahatanjahan-tsaina." Irenée, ilay lehilahy malaza izay nihazona ny Filazantsaran'i Paoly.

³³³ Ny taonan'ny Fianganana manaraka dia Pergamosy, izay nisy an'i Martin. Martin dia lehilahy izay nijoro. Paoly, Irenée, Martin.

³³⁴ Avy eo tao Tyatira dia tonga i Columba. Tsaroanareo ve? Ity izy eto, vita sary *eo* mihitsy. Columba. Taorian'i Columba... Tonga teo ireo Taona Maizina.

³³⁵ Avy eo dia tonga Sardisy, izay midika hoe *maty*. Lotera. Haleloia! Inona avy eo? Inona no tonga taorian'i Sardisy, Lotera?

³³⁶ Avy *eo* tonga Filadelfia. "Toe-panahy araka an'Andriamanitra." Wesley, fahamasinana! "Ny marina no velona amin'ny finoana," hoy Luther. Fanamasinana tamin'ny alàlan'i Wesley.

³³⁷ Avy *eo* tonga ny fitiavana ny rahalahy, tamin'ny alàlan'i Laodikia. Ary isika dia mino fa ilay Hafatra lehibe ny amin'ny fisehoan'i Elia faharoa, amin'ny andro farany, no hanivatsiva ny tany.

³³⁸ Eo ianareo izao, Taona Fiton'ny Fiagonana, dingana fito. Andriamanitra manorina ny Fiagonany, dia tahaka ny olona anankiray ao amin'ny isam-batan'olona, ao amin'ny Tenany. Ny voninahitra, ny Herin'Andriamanitra, midina amin'ny alàlan'ity, mampiray Azy miaraka. Noho izany, ny olona Pentekotista izay nandroaka ny Loterana, nandroaka an'ireo Wesleyana sy ny sisa, dia tsy mahalala an'izay resahan'izy ireo. Hitanareo, niaina tamin'ity ampahan'ny tempoly ity izy ireo. Izany ilay fomba, nahafahan'ny olona sasany niakatra an'ilay hahavo ary nianjera. Saingy misy ny ampahany tena izy amin'izany, izay mifikitra manao an'ilay trano hitohy. "Honerako," hoy ny Tompo.

³³⁹ Tsaroanareo ve *Ilay Hazo Ampakarina?* Tsaroanareo ve ilay toriteny ny amin'*Ilay Hazo Ampakarina?* Nohanin'izy ireo Izany, saingy Izy no nandrantsana azy. Nanana sampana anaram-piangonana izy ireo; Izy no nandrantsana an'ireo. Nanangana fiagonana hafa anankiray izy ireo, sampana anaram-piangonana; Izy no nandrantsana azy. Saingy ny fon'izany Hazo izany kosa dia nitohy nitombo. "Fa amin'ny andro hariva dia hisy Mazava." Hitanareo? Izany dia rehefa tonga Kristy, ilay Fanahy Masina. Midina Jesosy ary mametraka ny Tenany eo amin'ilay Lohan'ny Fiagonana amin'izay, ary hanangana an'io Fiagonana io Izy, izay Vatany Manokana. Ny *ao anatin* ao dia ilay Vatana.

³⁴⁰ Ary ny fomba andrasan'Andriamanitra amintsika amin'ny maha-isam-batan'olona mitombo, dia ny fomba izay Nampidirany ny Fiagonany mba hitombo. Ny taonan'ny Fiagonana tsirairay, dia lasa Fiagonana lehibe iray izany. Hitanareo?

³⁴¹ *Ireto* namana ireto dia tsy nitakiana ny an'ireto namana ireto. *Ity* dia tsy nitakiana ny an'ity. Hitanareo? Fa nampakatra ny Fiagonany tamin'ny fomba mitovy Izy. Izy dia nampakatra Ny—Ny Fiagonany tamin'ny fomba mitovy amin'izay Ampakarany ny Olony. Noho izany dia hoy i Petera eto, voalohany, zavatra fito: finoana, fahatanjahan-tsaina, (hitanareo, miakatra), fahalalana, fahononam-po, faharetana, toe-panahy araka an'Andriamanitra, fitiavana ny rahalahy, ampio fitiavana ny rahalahy, ary avy eo ny fitiavan'Andriamanitra. Ilay Fanahy Masina, Kristy ao amin'ny olon'ny Fanahy Masina, tonga eo aminareo, ao amin'ny batisa marin'ny Fanahy Masina, ary dia manana an'ireo hery rehetra ireo ianareo voaisy tombokase ao anatinareo. Avy eo, dia velona ao amin'ny Tabernakely anankiray Andriamanitra, antsoina hoe ilay Trano, ilay Tabernakely velona an'ny toerana fonenan'Andriamanitra velona.

³⁴² Rehefa manana an'reo karazan-javatra rehetra ireo ny olona anankiray, dia tonga eo aminy ny Fanahy Masina. Tsy mampaninona, mety hiteny amin'ny fiteny tsy fantatra ianareo, mety haka tahaka ny fanomezam-pahasoavana rehetra izay

ananan'Andriamanitra ianareo. Mety hanao an'izany ianareo. Saingy raha mbola tsy ao aminareo ireto hery rehetra *eto* ireto, dia mbola any ivelan'ilay fototra tena izy, marina an'ny finoana ianareo. Fa rehefa mitombo ireo hery ireo, ka ampianareo an'io izany, dia tsangambato velona ianareo. Ianareo dia sarin-javatra velona, mihetsika.

³⁴³ Fa, fantatrareo, ny—ny mpanompo sampy, mampiankohoka ny tenany eo anoloan'ny sarin-javatra anankiray izy ireo, andriamanitra vinavinaina. Ary ao amin'ny fomba vinavinaina dia mino izy ireo fa ilay andriamanitra vinavinaina dia mamaly azy ireo. Izany no fanompoan-tsampy. Izany no Romanisma. Miondrika eo anoloan'ireo karazana masina rehetra sy ny zavatra hafa izy ireo. Ary izy ireo dia manana ny Masimbavy Cecelia, andriamaniry ny trano, ary zavatra samihafa maro tahaka an'izany. Miondrika amin'izany izy ireo, ary mino tanteraka an'izany amin'ny fomba vinavinaina. Inona no—inona no tandindon'ilay izy, raha ny amin'ilay tena Andriamanitra velona.

³⁴⁴ Fa isika rehefa, tsy ao amin'ny fomba vinavinaina, fa mampiankohoka ny tenantsika eo anoloan'ny Andriamanitra velona, fahatanjahan-tsaina velona, fahalalana velona, faharetana velona, toe-panahy araka an'Andriamanitra velona, Hery velona avy amin'Andriamanitra velona, manao olona velona ho sary velona ao amin'ilay tsanganan'Andriamanitra. Inona no ataony? Ireo zavatra mitovy amin'izay nataon'i Jesosy; mandeha amin'ny lâlana mitovy amin'izay Nalehany, manao an'ireo zavatra mitovy amin'izay Nataony. Satria, tsy zavatra vinavinaina izany. Misy zava-misy anankiray izay manaporofao.

³⁴⁵ Hitanareo ve izay tiako lazaina? Hitanareo ve hoe ahoana ireo hery ireo, ireo kojakojam-panorenana ireo, fa miditra miaraka amin'ireo irakin'ny Fiagonana, miaraka amin'ireo taonan'ny Fiagonana? Ankehitriny, indray andro any, dia haka ny tsirairay amin'ireo teny ireo isika, ary handinika azy ireo, ka haneho fa izany dia manaporofo an'io. Miaraka mandeha daholo izany. Azo antoka. Hitanareo? Oh, oadray! Mahafinaritra toy ny inona izany, hitanareo, ny mahita hoe inona—inona no ataon'izany.

³⁴⁶ Ankehitriny, io ilay Trano izay itoeran'Andriamanitra; tsy trano miaraka amin'ny lakolosy lehibe eo amin'ny tampony, sy tilikambo avo. Hitanareo? "Fa Vatana iray no Nomaninao ho Ahy," Vatana iray izay azon'Andriamanitra itoerana, azon'Andriamanitra handehanana, azon'Andriamanitra jerena, azon'Andriamanitra iresahana, azon'Andriamanitra iasana. Amena! Fitaovana velona an'Andriamanitra, Andriamanitra mandeha amin'ny tongotra roa, ao aminareo. Voninahitrala! "Ny dian'ny marina dia alamin'Andriamanitra," Andriamanitra mandeha ao aminareo. "Satria ianareo dia epistily voasoratra,

vakian'ny olona rehetra." Ary raha ilay Fiainana izay ao amin'i Kristy no ao aminareo, ianareo dia hitondra an'ilay Fiainana izay nentin'i Kristy.

³⁴⁷ Tahaka an'izay lazaiko foana. Esory ilay tsiron-kazo ao amin'ny hazo paiso anankiray, ka raha afaka hamindra an'izamy ianareo, amin'ny alàlan'ny tsindrona anankiray, ho ao amin'ny hazo paoma, dia hitondra paiso ilay hazo paoma. Azo antoka. Hitondra tokoa izy. Tsy mampaninona na toy inona na toy inona ireo sampana, tsiro-kazo paoma no ao anatiny, hitanareo, na hazo inona izy na inona. Hitanareo? Esory avy ao amin'ny hazo paoma ny ainy, esory daholo, ary omeo azy ny—ny tsiron-kazo notsindronina, ary trohy ny avy ao amin'ny hazo paiso ho ao amin'ny hazo paoma. Inona no mitranga? Tsy hitondra paiso intsony izy. Hitanareo? Tsia, tompoke. Tsy hitondra izy. Raha miditra ao amin'ny hazo paoma ny ain'ny hazo paiso, raha ny marina, dia tsy hitondra paoma intsony izy. Hitondra paiso izy, hitanareo, hitanareo, satria nahazo an'ilay aina izy ao aminy.

³⁴⁸ Eny, raisinareo ny amintsika, izay tsy misy afa-tsy siny efitra anankiray, maivan-doha, hitanareo, ary tsy misy dikany isika, fa isika rehetra dia maty tao amin'ny fahotana avokoa ary mpandika lalàna. Isika rehetra dia ao amin'izany karazana toetra izany avokoa. Ary noho izany isika, ny tenantsika, dia afaka mampiankohoka ny tenantsika, mahafoy ny tenantsika, mandra-pahatongan'Andriamanitra maka ny Fantsom-panindronany, ny Anaran'i Jesosy Kristy, satria, "Tsy misy Anarana hafa ety ambanin'ny Lanitra izay hahafahan'ny olona ho voavonjy," ary mamintra ny Ain'i Kristy ao anatintsika. Avy eo isika dia manana an'ity karazana finoana ity, ny finoana izay nananan'i Kristy. Ary ny finoan'i Kristy dia tsy nifototra tamin'ireo Fariseo, na Sadoseo, na tao amin'ireo vilaniny, famanan-dranony, sy lapoaliny, ary ny fanasan-dambany. Nifototra teo amin'ny Tenin'Andriamanitra izany, amena, betsaka tokoa, hany ka Kristy no Teny, ilay Teny dia tonga nofo. Ary avy eo rehefa tena voatsindron'ny Heriny isika, ka maty amin'ny fisainantsika manokana isika, ary ny finoantsika dia lasa finoana tena izy, haleloia, amin'izay fotoana izay dia ny Ain'i Kristy no natsindrona tao amintsika. Lasa famoronana velona an'Andriamanitra isika, toerana fonenana anankiray izay hahafahan'ny Fanahy Masina mampidina ny Fitahiany mamiratra amin'ny alàlan'izany, ary ao amin'ilay tsanganan'i Kristy isika.

³⁴⁹ Hoy Jesosy hoe, "Tsy izao ve no voasoratra? Manameloka Ahy ianareo, raha nilaza fa, 'Izaho no Zanak'Andriamanitra.' Tsy izao ve no voasoratra, hoe, 'Ianareo dia andriamanitra.' Tsy milaza an'izany ve ny lalànaréo?" Tahaka an'i Mosesy, tahaka an'i Elia, tahaka an'ireo mpaminany izay niaina akaikin'Andriamanitra, hany ka nafindran'Andriamanitra mihitsy ny Tenany ho ao amin'izy ireo. Ary niteny izy ireo,

tsy ny tenany, fa Andriamanitra. "Aza mihevitra akory izay ho lazainareo, satria tsy ianareo no miteny. Ny Ray izay mitoetra ao aminareo izany; Izy no manao ny fitenenana." Ireo Teniny dia tsy azy manokana, satria, ny fiainany, dia maty izy.

³⁵⁰ Raha maty ianareo, esory ny rà ao amin'ny olona anankiray, hosory zava-manitra izy. Ny olana amin'izany dia, maro amin'izy ireo dia tsy voahosotra zava-manitra mihitsy. Esory ao amin'ilay olona ny rà, fa ho lasa izy. Avy eo ny zavatra tokana hataonareo dia ny mametraka rà mainty hafa ao aminy; ho velona indray izy. Nesorinareo ny ràny.

³⁵¹ Ary ankehitriny ampidirintsika ny Ràn'i Jesosy Kristy, hitanareo, ary izany no mitondra ny finoana an'i Jesosy Kristy, ny fahatanjahan-tsain'i Jesosy Kristy, ny fahalalan'i Jesosy Kristy, ny fahononam-pon'i Jesosy Kristy, ny faharetan'i Jesosy Kristy, ny toe-panahy araka an'Andriamanitra an'i Jesosy Kristy, ny fitiavana ny rahalahy an'i Jesosy Kristy, ary ny fitiavan'Andriamanitra, izay Jesosy Kristy. Izy no Loha ary mifehy anareo. Ary ny tongotraeo no fototra, finoana. Amena! Fehezin'ny Loha, maka ny . . .? . . . Eo ianareo izao. Izany no olon'Andriamanitra tanteraka, rehefa manana an'ireo hery ireo izy.

³⁵² Avy eo, Andriamanitra, dia manolotra ny Fiagonany ho Ampakarina, vehivavy anankiray. Andriamanitra no manolotra ny Fiagonany ho Ampakarina. Ary ny fomba izay Hitondrany ny isam-batan'olona tsirairay ho lasa Zanany, hiditra ao amin'io Ampakarina io, Izy koa no nitondra ny Ampakarina nandritr'ireo taona ireo, [Nikapoka impito ny solaitrabeny Rahalahy Branham—Mpand.] mandra-pahatonga Azy hitondra an'io Fiagonana feno anankiray io ato anatin'ity.

³⁵³ Mihetsika ny tongotro. Nahoana? Satria izany no lazain'ny lohako. Ankehitriny, tsy afaka mihetsika tahaka ny tànako izy, satria ny tongotro izany. Lotera dia tsy afaka manao an'ireo zavatra izay nataontsika, ny Metodista koa tsy afaka, satria zavatra hafa izy ireo. Hitanareo? Ireo tongotra dia mihetsika satria izany no lazain'ny loha. Ary ny loha tsy milaza mihitsy hoe, "Ankehitriny, ry tongotra, aoka ianao ho lasa tànana. Ry sofina, aoka ianao ho lasa maso." Hitanareo?

³⁵⁴ Fa, ny taona tsirairay, dia Andriamanitra no nametraka an'ireo zavatra ireo tao amin'ny Fiagonany, ary nanao modely an'izany tamin'ny alàlan'ny fanehoana fa ny isam-batan'olona tsirairay no mahazo an'ireo, manana an'ireo toetra ireo. Ary *Ity* vatana ity, rehefa feno izy, no Fiagonan'Andriamanitra handeha amin'ny Fampakarana. Ary *ity* vatana ity, ary feno, no mpanompon'Andriamanitra, ao amin'ny Fiagonan'Andriamanitra, izay handeha ao amin'ny Fampakarana. Voninahitra! Hitanareo ve izay tiako lazaina? Eo ianareo izao. Io ilay zavatra feno.

³⁵⁵ *Eto dia tonga ny lehilahy anankiray, Paoly, nametraka ny fototra. Nanomboka nandraraka an'ity tao amin'izany i Ireneé. Ny anankiray nanaraka dia nandraraka an'ity. Ny anankiray nanaraka dia nandraraka an'ity. Ny anankiray nanaraka an'itsy, sy itsy, ary itsy, ary nidina mandra-pahatongan'ilay izy tao amin'ny taona farany. Fa inona izany? Ilay Fanahy mitovy izany.*

³⁵⁶ Ilay fanahy mitovy izay mitoetra ato amiko, no manao hoe, “Ry tànana, takaro io kesika io.” Ilay fanahy mitovy no manao hoe, “Ry tongotra, manaova dingana anankiray.” Hitanareo ve izay tiako lazaina?

³⁵⁷ Koa, ny tsanganana manontolon’ny vatanareo dia voatantana sy voafehin’ireto zavatra ireto, saingy tsy afaka ny ho voafehy tanteraka izany raha tsy manana tanteraka an’ireto toetra ireto izy.

³⁵⁸ Efa mba nandre an’izany ve ianareo? Ankehitriny dia avelao aho hiteny anareo an’ity. Ary tena tazony... Ataovy ao amin’ny sofim-pihainoanareo ity. Hitanareo? Ny rojo anankiray dia mafy indrindra ao amin’ny fitohizany malemy indrindra. Marina izany. Tsy mafy noho ny fitohizany malemy indrindra izy.

³⁵⁹ Tsy mampaninona na mafy toy ny inona aza no nanorenana an’ireto, naorina *ity*; raha manana fitohizana malemy izy, dia eo amin’izany no haharava azy. Ary tsy mafy noho ilay fitohizana malemy izy. [Nanondro ny sary teo amin’ny solaitrabeny Rahalahy Branham—Mpand.] Ankehitriny raha manana ianareo, milaza ianareo fa nahazo an’ity, *ity, ity, ity*, ka tsy manana an’ity ianareo, dia eo amin’izany no haharava azy. Raha manana an’ity ianareo, ka tsy manana an’itsy, ho rava avy hatrany eo izy. Manana an’ity ianareo, ka tsy manana an’itsy, ho rava izy. *Ity*, ary tsy manana an’ity, ho rava izy. *Ity*, ary tsy manana an’ity, ho rava izy. Hitanareo? Raha ianareo tsy... Tsy afaka hanana an’ity raha tsy manana an’ity.

³⁶⁰ Koa rehefa hafoinareo ny vatanareo feno, dia mirotsaka aminareeo fotsiny ny Fanahy Masina, ao amin’ireto hery ireto, amin’izay fotoana izay dia tabernakely velona anankiray ianareo. Avy eo ny olona dia mijery ka manao hoe, “Izany no olona feno fahatanjahan-tsaina, fahalalana (mino ny Teny izy), fahononam-po, faharetana, toe-panahy araka an’Andriamanitra, fitiavana ny rahalahy, feno fitiavana ny Fanahy Masina. Hitanareo, io izy, mandehandeha.” Inona izany? Tsanganana anankiray izay azon’ny tsy mpino jerena ka manao hoe, “Izany no Kristiana anankiray. Izany no lehilahy, na vehivavy, izay mahafantatra an’izay teneniny. Tsy mbola nahita olona tsara fanahy, mora fanahy, malemy fanahy mihitsy ianareo.” Voaisy tombokase ianareo. Ny tombokase anankiray dia mampiseho ny lafiny roa. Na mandroso ianareo na miverina, dia hitanareo ilay tombokase fa mitovy mihitsy. Eo ianareo izao. Hitanareo? Rehefa ny lehilahy anankiray na vehivavy

anankiray no manana an'ity, dia midina ilay Vatosarona ka manisy tombokase azy ireo ao amin'ny Fanjakan'Andriamanitra, izay ny Fanahy Masina.

³⁶¹ Noho izany ny Teny, tonga avy *Eto*, no maneho ny Tenany amin'ny alàlan'ny tsirairay amin'ireo vatana ireo, hitanareo, ary manao an'ity Vatana feno ity ho Tabernakelin'Andriamanitra velona, ohatra mandehandeha, velona an'ny Kristianisma. Izay naha-izy an'i Kristy, no maha-izy an'ireo olona ireo, satria ny Ainy no ato. Ao amin'i Kristy izy ireo. Ary ny fiainan'izy ireo dia maty sy mafina ao amin'i Kristy, amin'ny alàlan'Andriamanitra, ary voaisy tombokase ao amin'ny alàlan'ny Fanahy Masina. Korintiana Voalohany 12. Marina izany. Hitanareo? Manao ny tenanareo ho maty ianareo, avy eo dia ateraky ny finoana ianareo. Avy eo ny fahatanjahan-tsaina sy ireo zavatra hafa rehetra ireo dia hampiana ao aminareo mandra-pahatonga anareo ho endrika anankiray tanteraka, velona an'Andriamanitra. Mahafinaritra ve izany? [Hoy ny fiangonana hoe, "Amena."—Mpand.]

³⁶² Ary avy eo Andriamanitra, amin'ny alàlan'izany, dia nitondra koa ny Taona Fiton'ny Fiangonana, mba haneho an'ireo dingana fito izay Nentiny, nanorina ny Isam-batan'olony ho amin'ny Endriny, nanorina Fiangonana feno anankiray ao amin'ny Endriny Izy. Ary amin'ny fitsanganana, dia hatsangana io Vatana feno io mba hivelona miaraka Aminy mandrakizay, satria Ampakarina anankiray izy io. Hitanareo? Koa izany no manapaka ao amin'ny taona tsirairay, ny taona tsirairay izay tonga.

³⁶³ Ary mbola misy betsaka takiana, tsarovy. Tsaroanareo ve izay nolazain'i Paoly eto ao amin'ny Hebreo 11? Avelao aho hamaky zavatra anankiray aminareo fotsiny alohan'ny hamaranantsika eto, iray minitra fotsiny. Ary avy eo ianareo... . Izany dia somary hanao anareo hahatsapa ho hafahafa kely rehefa izaho... .isan'andro, rehefa mamaky an'ity aho. Haka ny Hebreo 11 aho, ary hanomboka amin'ny andininy faha-32.

Inona koa, *inona koa no ho lazaiko? fa ho lany ny androko hiteny aminareo ny amin'i Gideona, . . . ny amin'i Baraka, sy . . . Samsona, sy . . . Jefta; . . . Davida . . . sy Samoela, . . . ny amin'ireo mpaminany:*

Izay nandresy fanjakana tamin'ny alàlan'ny finoana, niasa fahamarinana, nahazo teny fikasana, nanakombona ny vavan'ny liona,

Namono ny fidedadedan'ny afo, afaka tamin'ny lelan-tsabatra, ary tao amin'ny fahalemena dia natao matanjaka, tonga mahery tamin'ny ady, nampadositra . . . ny tafiky ny firenena hafa.

Ny vehivavy nandray ny azy efa maty natsangana ho velona indray: . . . ny sasany nandeha tao amin'ny

fampijaliana, dia nampijaliana, *tsy nanaiky fanafahana; mba hahazoan’izy ireo ny fitsanganana tsaratsara kokoa:*

³⁶⁴ Midina *eto*. Hitanareo? [Nanondro tany amin’ny sary teo amin’ny solairabeny Rahalahy Branham—Mpand.] Eny àry.

Ary ny sasany nahazo fizahan-toetra... fanesoana mafy...kapoka, eny, ary koa...fatotra... fanagadrana:

Izy ireo dia notoraham-bato, izy ireo dia notsofana nisaraka, izy ireo dia nalaim-panahy, izy ireo dia novonoina tamin’ny...sabatra: izy ireo dia nirenireny tamin’ny hoditr’ondry sy hoditr’osy; efa lao, sy ory, ary nampijaliana;

(*Ho azy ireo izao tontolo izao dia tsy mendrika:*) . . .

³⁶⁵ Hitanareo, ao anatin’ireo fonosana ireo, dia voamarikareo ao anatin’ny Baibolinareo.

. . .nirenireny tany an-efitra izy ireo, sy tany antendrombohitra, sy tany an-johy ary tao an-dava-tany.

. . .ireo rehetra ireo, na dia efa nahazo laza tsara noho ny finoana aza, . . .

³⁶⁶ *Eto!* [Nanondro tany amin’ny sary teo amin’ny solairabeny Rahalahy Branham—Mpand.]

. . .laza tsara noho ny finoana aza, dia tsy mba nandray ny teny fikasana: (Hitanareo?)

Andriamanitra efa nanamboatra zavatra tsara kokoa ho antsika, mba tsy hatao tanteraka ireo raha tsy misy antsika.

³⁶⁷ Azonareo ve izany? Ireo olona izay maty ireo, *eto*, dia miankina sy miandry antsika. Noho izany, *ity Fiagonana ity dia tsy maintsy tonga amin’ny fahatanterahana, mba hitondra ny fitsanganana.* Ary izy ireo dia eo ambanin’ny fanahy eo ambanin’ny alitara, miandry an’ity Fiagonana ity ho tonga eo amin’ny Fahatanterahany, izany dia rehefa tonga Kristy.

³⁶⁸ Ary *ity Fiagonana ity*, hitanareo, dia lasa miha-kely, ao amin’ny fahavitsiana. [Nanondro tany amin’ny sary teo amin’ny solairabeny Rahalahy Branham—Mpand.] Ilay izy dia maranitra bebe kokoa noho izao, saingy mba hanoratana an’ilay izy fotsiny ihany *eto*, hitanareo. Tonga tahaka ny loham-panjaitra izy io. Hany ka, ilay Fiagonana, ao amin’ilay havitsiana, dia tsy maintsy tonga teo amin’ny toerana anankiray mandrapahatongan’ilay izy ho karazana asam-panompoana tahaka an’ity tavela ity, satria, rehefa miverina ity Vatosarona ity . . .

³⁶⁹ Manana paosy kely anankiray izy *eto*, izay hipetrabany eo mihitsy, eo ambonin’ilay piramida tsotra. Ilay izy tsy hoe sarona fotsiny izay mipetraka eo ambonin’ilay tampony. Manana

morony kely ilay izy, ary hipetraka eo ambony eo izany, satria izany no mampiboiboika ny rano.

Ary rehefa tonga izany, dia tsy maintsy voaranitra io Fianganana io.

³⁷⁰ Ireo rehetra ireo, ny vato sisa ao amin'ilay piramida, dia hipetraka tanteraka tokoa hany ka tsy ho vitanareo akory ny hanatsofoka harezan anankiray ao anelanelan'izy ireo, milanja aman-taonina, mipetraka eo amboniny eo. Ahoana no nampakaran'izy ireo an'izany, tsy nahafantatra izy ireo. Fa voaorina izy ireo.

³⁷¹ Ary *eto* ambony eto, rehefa tonga ilay Saron'ny piramida, dia ilay piramida Tenany, ilay Vatan'i Kristy no tsy maintsy ho voaranitra. Tsy hoe karazana fanelek-pinoana fotsiny na foto-pampianarana, na zavatra hafa izay nandalovantsika. Ilay izy dia tsy maintsy ho tahaka an'i Kristy tanteraka mihitsy, hany ka, rehefa tonga Izzy, dia Izzy sy io asam-panompoana io no hifanaraka hikambana tsara. Hitanareo? Avy eo dia ho tonga ny Fampakarana, ny fodiana any an-Trano.

³⁷² Jereo hoe aiza isika no miaina ankehitriny, ao amin'ny Laodikia, izay nisy an'ilay taonan'ny fianganana ratsy indrindra izay nananan'izy ireo. Ao amin'ny Baiboly, dia mahita isika, izy irery no taonan'ny fianganana izay nisy an'Andriamanitra tany ivelan'ny fianganana, nandondona, niezaka mba hiverina tao amin'ilay Tranony manokana. Ireo fanelek-pinoana sy anaram-pianganana mihitsy aza no nandroaka Azy tao amin'ilay Fianganany manokana. "Indro, mitsangana eo am-baravarana Aho ka mandondona. Raha misy olona mangetaheta ka hamoha ny varavarana, dia hiditra Aho, hisakafo miaraka aminy." Hitanareo? Io izy eo, ao amin'ity taonan'ny fianganana ity. Natosik'izy ireo tsikelikely Izzy, mandra-pahatonga *teto* izay tena namoahan'izy ireo Azy tanteraka mihitsy. Tsy mila mifampiraharaha amin'Izany izy ireo.

³⁷³ Ankehitriny dia hitanareo androany hoe aiza no andehanantsika. Na dia ny fiafarar'ilay Taonan'ny Fianganana Laodikia aza dia lasa mpanaraka fombafomba, mandra-pahatonga azy sy ny Katolisima, izay nandrava azy mihitsy *eto*, lasa niaraka sy nitambatra ho fianganana lehibe anankiray. Miaraka amin'ny fikambanambe anankiray an'ny fianganana, dia mitovy amin'ny Katolisima izany.

³⁷⁴ Tokana ihany ny fahasamihafana, raha azon'izy ireo ihoarana fotsiny izany, dia ilay fanaovana ny fandraisana. Izay ihany no zavatra tokana ao amin'ilay diosezy, izay—izay—izay nampitsahatra ny Katolisima sy Protestantisma tao amin'ny firaisana, dia ny eo amin'ny fandraisana. Hoy ny fianganana Katolika hoe, "Ity no vatana." Ary ny fianganana Protestanta manao hoe, "Ity no maneho ny vatana." Ny Katolika dia manao ny lamesa avy amin'izany. Ny lamesa dia, hoe, manao

an'ilay fandraisana izy ireo, manantena fa voavela izy ireo. Ny Protestanta manao an'ilay izy amin'ny finoana, misaotra an'Andriamanitra, ao amin'ny fandraisana, fa voavela izy ireo. Hoy ny Protestanta hoe, "Voavela izahay." Hoy ny Katolika hoe, "Izahay dia manantena fa voavela izahay." Lamesa sy fandraisana. Izy ireo dia miantso an'izany ho lamesa; isika miantso an'izany ho fandraisana. Ny lamesa dia ny fanantenana fa izany no izy. Ny fandraisana dia ny fahafantarana fa izany no izy, ary misaotra Azy amin'izany. Hitanareo? Fa zavatra anankiray ihany no tsy hahafahan'izy ireo mitambatra. Izany no hataon'izy ireo.

³⁷⁵ Oh, toa tahaka ny tena tsara ilay izy. Hiray io, mba handeha...Io dia ho—io dia ho lasa avokoa ny...Eny, hoy ny Baiboly hoe, "Ireo bibi-dia rehetra ireo dia nanome ny heriny ho an'ilay vehivavy janga," hitanareo, mampikambana ny tenamy miaraka. Hitanareo? Izany tanteraka tokoa no nolazain'ny Baiboly fa hataon'izy ireo, efa eo am-panaovana an'izany izy ireo ankehitriny. Efa an-dàlana mihitsy izany, tena tamin'ity herinandro ity. Tsy hoe manana zavatra hanoherana ny olona Katolika aho, tsy toy izany koa ho an'ny olona Protestant.

³⁷⁶ Ianareo Metodista sy Batista, ary maro aminareo Pentekotista, rehefa miditra tanteraka ao amin'io fikambanamben'ny fiangonana io ny fiangonanareo, rehefa manana an'ilay tranom-paty lehibe ao New York io izy ireo, an'io fikambanamben'ny fiangonana io, dia mitovy amin'ny Firenena Mikambana sy ny sisa izany. Miezaka izy ireo ny hampiray ny Protestantisma rehetra hikambana.

³⁷⁷ Ankehitriny, ireo Katolika dia hendry amin'izany, ary hitondra an'io Papa Joany fahatelo amby roapolo, na faharoa amby roapolo, na iza na iza izy. Miezaka izy, ao amin'ny fomba miadana, manetry tena, hitondra ny finoana Protestanta rehetra sy ny finoana Katolika ho finoana tokana, tena tahaka an'izay nolazain'ny Baiboly mihitsy fa hataon'izy ireo. Eo ianareo izao. Ary ireo Protestant dia latsaka amin'izany, mitelina ny lelam-pintana, ny tadim-pintana, ary ny pilao.

³⁷⁸ Nahoana? Nahoana? Satria tsy manana an'ireto zavatra ireto izy ireo. *Fahalalana*, "Ny Teny no marina." *Faharetana*, "Ireo izay miandry ny Tompo." Hitanareo ve izay tiako ho lazaina?

³⁷⁹ Tahaka ny nolazain'ilay eveka Metodista indray andro, rehefa nampita an'izany izy ireo. Ary ny rehetra dia mahalala hoe, ahoana, inona no niteraka an'izany, miezaka ny hanana karazana vavaka ho lazaina ao amin'ny fiangonana, na ao an-tsekoly. Ary tiany ny...Heveriko fa bokim-pivavahana Presbyterana anankiray ilay izy, na zavatra hafa, ary ireo raiamandreny dia nitory an'ilay—ilay—ilay sekoly satria tsy nanaiky an'io fivavahana io holazaina ao an-tsekoly izy ireo. Ary ity eveka Metodista ity dia namana hendry anankiray,

nitsangana izy ka nanao hoe, "Diso izany." Hoy izy, "Tsy araka ny lalàm-panorenana izany." Takany ilay rivotr'izany. Hoy izy hoe, "Tahaka ny ao amin'ny fiangonanay Metodista," hoi izy hoe, "ao amin'ny fiangonanay Metodista," hoi izy, "maro amin'ireo olonay no miresaka foana ny amin'ny fahadalan'ny Hollywood, nefy ny dimy amby sivifolo isan-jaton'izy ireo dia mandeha mijery an'izany na izany aza."

³⁸⁰ Inona ny olana? Navelan'izy ireo *ity*. Tena izany tokoa. Navelan'izy ireo izany.

³⁸¹ Niresaka aho teto amin'ity efitra *ity* mihitsy, indray andro, tamin'ny—ny—ny mpitondra ny iray amin'ireo fiangonana Metodista lehibe indrindra izay misy ao Falls City, iray amin'ireo fiangonana Metodista ara-panahy indrindra izay misy ao Falls City. Mba hampisehoana, fa ny taona Metodista izay tonga eo akaikin'ny taonantsika eo, ny Pentekotista. Ary hoy izy hoe, "Tao St. Louis, Missouri, dia nanao fanadihadiana izy ireo, teo amin'ny telo na efa-bolana lasa izay, ka nahita." Mety mipetraka eto io olona io izao maraina izao. Eny, izy no mpiantoka izay nanorina an'ity, nanamboatra ny trano ho antsika. Metodista ao amin'ny Lâlana lehibe, izay misy azy, izay Rahalahy Lum sy ny sisa no pasitera. Koa noho izany dia hitantsika fa, ao amin'izany, fa mino aho fa fitopolo isan-jato mahery amin'ny olona Metodista tao amin'ny fanadihadiana, izay, fandinhana avy ao St. Louis, no nampiseho fa fitopolo isan-jato mahery kely amin'ny Metodista no mifoka, ary valo amby enimpolo isan-jato amin'izy ireo no misotro zava-pisotro misy alikaola. Metodista! Ary ny zavatra hafahafa dia, rehefa nomena ilay fanadihadiana, na nanombatombana teo amin'ny lehilahy sy ny vehivavy; ny vehivavy, dia fitopolo, fitopolo isan-jato mihoatra, raha teo amin'ny dimampolo isan-jatony kosa ny lehilahy. Maro ireo vehivavy mifoka sy misotro noho ny lehilahy. Fitopolo isan-jato, fitopolo isan-jato mihoatra, maro ny vehivavy noho ny lehilahy.

³⁸² Ankehitriny ahoana kosa raha midina eo amin'ny Foto-pampianaran'ny Baiboly isika ny amin'ny fanaovana sorta, sy ny fanapahana volo, sy ny karazany toy izany, hitanareo, aiza ilay toe-panahy araka an'Andriamanitra, ireo vehivavy izay milaza fa manana ny toe-panahy araka an'Andriamanitra sy fahamasinana? Filalaovana karatra sy ny zavatra hafa, mpifosa, be resaka, tsy mahay mifehy ny lelany manokana. Lela manokana miresaka sy mifosa, ary mandehandeha. Ahoana ny amin'ireo lehilahy? Filalaovana karatra, lalao golfa, any mitafy tapaka, manao akanjo tranainy kely ratsy, miaraka amin'ireo vehivaviny manodidina eo. Tsy mahagaga!

³⁸³ Hitanareo ve ilay zava-dratsy natao tamin'ilay mpitory teny, mpitory teny any am-ponja, izao maraina izao? Eny, tompoko. Tsy mino aho fa meloka amin'izany io lehilahy io. Inona no nataon'izany? Izany dia ny Rahalahy... Tsy mety ho tsaroako

ny . . . [Nisy olona nanao hoe, "Dan Gilbert."—Mpand.] Hia. Dan Gilbert, mpitory teny any am-ponja. Rehefa nihazakazaka ilay lehilahy ka namono an'i Dan, teto volana vitsy lasa izay, ary ankehitriny ny vadiny dia hiteraka zazakely anankiray. Mazava ho azy, maty i Dan, tsy afaka hanao famindrana rà amin'ilay zazakely izy ireo ankehitriny. Milaza izy fa i Dan no nanolana azy, ary izany no . . . "Ity dia zanak'i Dan." Tena . . . Izaho dia tsy mino an'izany mihoatra noho ny tsy inoako fa ny—fa ny—ny goaika anankiray dia manana volom-boromailala. Tsia, tompoko. Izaho dia mino fa lainga izany. Izaho dia mino fa i Dan Gilbert dia lehilahin'Andriamanitra. Ary izaho dia mino fa izany dia zava-dratsy avy amin'ny devoly.

³⁸⁴ Tahaka an'ilay zavatra izay ezahina hapetraka mikasika ny fivavahan'izy ireo. Io Metodista antitra io—eveka Metodista io dia nanan-tsaina ampy nahatakatra an'izany. Raha nanana izy, raha tafiditra izany, dia nateraky ny zavatra hafa fotsiny izany. Marina izany.

³⁸⁵ Tahaka an'ilay olan'ny fanavakavahana fotsiny any Atsimo, zavatra mitovy. Izaho dia mino fa tokony ho halalaka ny olona. Izaho dia mino fa ity firenena ity dia mankasitraka ny fahalahana. Tsy manome tsiny an'Atoa. Kennedy aho noho ny nandefasany an'ireo miaramila tany. Kanefa, izaho dia tsy—tsy "new dealer," ary izaho tsy Demokraty. Izaho tsy Repoblikana. Izaho dia Kristiana. Koa izaho dia . . . Fa izaho dia tsy mino an'izany. Izaho dia tsy mino fa ireo olona mainty hoditra dia tokony hivarotra ny fizokiany amin'izany karazan-javatra izany, na izany aza. Izany ilay—izany ilay antoko Repoblikana. Ny ràn'i Abraham Lincoln no nanafaka an'ireo olona ireo satria izy dia olona mpivavaka. Izaho dia mihevitra fa izy ireo dia tokony hiraikitra amin'ny antokony fara-faharatsiny raha handeha hifidy tokoa izy ireo.

³⁸⁶ Fa hiteny zavatra anankiray aminareo aho, io tovolahy io dia tsy tany noho ny amin'izany fotsiny, ireo sekoliny. Io tovolahy io dia olom-pirenena. Amerikana izy. Izany dia fahalahana ho an'ny rehetra. Ny volon-koditry ny olona anankiray dia tsy hanova ny fahasamihafany. Isika rehetra . . . "Andriamanitra," no nilaza, "avy amin'ny olona iray, no nanao ny rà rehetra, ny firenena rehetra." Iray isika rehetra. Saingy, io tovolahy io, dia miaramila izy. Mpiady tranainy izy. Niady ho an'izay marina izy. Nanana zo handeha any an-tsekoly izy. Marina izany. Saingy nanana sekoly betsaka azony naleha izy.

³⁸⁷ Izany dia hoe inona ilay zavatra. Raha izany no tohananareo, dia io zavatra ara-anaram-piangongan'izao andro izao eo io, izany no niteraka an'io. Nahoana? Naviliny ireo latsabaton'ny mainty hoditra avy amin'ny Repoblikana nankany amin'ny Demokraty, ary namidin'izy ireo tamin'ny alàlan'izany ny fizokiany. Izany no tena marina. Tsy eto ny Fanahy Masina . . .

³⁸⁸ “Aoka izay manana fahendrena.” “Aoka izay manana fahalalana.” Izany tokoa. Tena tahaka an’ity fiangonana ity, amin’izao taona izao, mivarotra ny tenany. Tsy hitanareo ve hoe inona no hitranga?

³⁸⁹ Tsy ahoako na dia voaraki-peo aza izao. Io izany fa tonga. Ah-hah. Hia. Inona ny olana? Ny reniko antitra dia zatra nilaza hoe, “Omeo ny devoly ny anjarany”

³⁹⁰ Nisy lehilahy anankiray nanao zavatra tokana izay matotra, dia i Castro tany. Eny, tompoko. Nandeha tany izy. Ary ireo kapitalista no nanana ny fary sy ny zavatra rehetra izay...izany dia teo amin’ny mari-bola volamena, tahaka ny Etazonia. Inona no nataony? Novidiany daholo ireo titra rehetra. Maka vola amin’ny fomba rehetra izay azony natao. Inona no nataony avy eo? Nanao vola sandoka izy, ary natakalony izany. Naparitany izy ireo. Izany no zavatra tokana azon’ity firenena ity natao.

³⁹¹ Nandre ny *Life Line* ve ianareo indray maraina? Nahoana, fantatrareo, izany dia tahaka anareo mivarotra titra amin’ny volamena. Efa noraofina ireo titra. Ary ity governemanta amin’izao fotoana ankehitriny izao ity dia mandany vola ho an’ny inona? Ho an’ny volan’ny hetra izay hangonin’zy ireo mandritry ny efapolo taona manomboka amin’izao ankehitriny izao. Vita ny aminy. Izany no *Life Line* mivantana avy any Washington DC, mitety ny firenena. Hetra izay lanian’zy ireo, ary hiezahana hividianana vola vahiny. Eny, mizara an’izany eny rehetra eny fotsiny izy ireo. Tsy hitanareo ve? Izany marina tokoa no—no hataon’zy ireo. Hitanareo? Inona izany? Ankehitriny, raha ho lasa fongana ity firenena ity, ny zavatra tokana azony atao dia ny ho lasa fongana. Ny zavatra tokana izay azony atao dia ny ho lasa bankirompitra.

³⁹² Izao no zavatra matotra tokana hatao, manova ny vola. Saingy tsy hanao an’izany izy ireo, eo ambanin’izao fitantanana misy izao. Ny fiangonana Katolika Romana no manana ny volamenan’izao tontolo izao. Ary ny hataon’zy ireo dia ny mivarotra, “Ireo olona manan-karena ireo,” sy ny sisa, “eto an-tany,” araka ny nolazain’ny Baiboly. Inona no hataon’zy ireo, alohan’ny hamotsorany? Ny Brown sy Williamson Tobacco Company, ny maro amin’io dia Katolika, na izany aza. Ary ireo zavatra hafa rehetra ireo, inona no hataon’zy ireo? Hanaiky an’izany izy ireo, ary handray ny vola avy any Roma izy ireo, ary amin’izay fotoana izay dia nivarotra ny tena fizokiany marina izy. Roma no manohana azy. Eny, tompoko. Hanohana an’izany izy. Ary tena eo am-panaovana ny fifanekena ampy izy ireo ankehitriny, manana ny ampy manodidina azy ireo, mitondra ao amin’ny kabinetrary. Jereo hoe inona no angatahan’Atoa. Kennedy.

³⁹³ Ary rehefa hitanareo izany, tamin’ilay indray andro, dia tsy ilaina intsony ny fifidianana. Inona no hampiasana ny

fifidianana? Rehefa, nataon'izy ireo tao amin'ny gazety izany, ary nopofoiny teo anatrehan'ny vahoaka, dia nolavin'izy ireo ny hanao zavatra mikasika an'izany. Rehefa, nopofoin'izy ireo fa ireo milina eran'ny firenena dia efa voamboatra, ka nifidy an'Atoa. Kennedy tamin'ny fifidianana sandoka izy ireo. Tsy milaza ve ny Baiboly fa hiditra amin'ny alàlan'ny famitahana izy? Izany tokoa, lainga anankiray. Ankehitriny, tsy manohitra ny antoko Demokraty aho sy ny antoko Repoblikana ihany koa, fa maneho fotsiny ny zava-misy avy ao amin'ny Baiboly aho. Inona no hampiasana ny fifidianana? Fantatr'izy ireo hoe iza no hiditra eo.

³⁹⁴ Firy aminareo no mahatsiaro an'ilay fandaharan'ny televiziona izay nisy an'ireo vehivavy anankiroa nitsangana teo? Ary ny iray nanao hoe, "Izaho dia hifidy an'Atoa..." Na, ilay vehivavy Protestanta nanao hoe, "Izaho dia hifidy an'Atoa. Kennedy."

Hoy izy ireo hoe, "Nahoana?"

³⁹⁵ Hoy izy, "Satria izaho dia mihevitra fa izy no lehilahy manan-tsaina kokoa noho Atoa. Nixon. Izy no ho Filoha tsaratsara kokoa."

³⁹⁶ Avy eo dia hoy izy ireo, "Ity dia vehivavy Katolika. 'Iza no ho fidianaor?"

³⁹⁷ Hoy izy hoe, "Izaho dia Katolika, Katolika Romana, Katolika mahatoky." Hoy izy hoe, "Ary izaho dia hifidy an'Atoa. Nixon."

"Nahoana?"

³⁹⁸ Hoy izy, "Satria, izaho dia mihevitra fa Atoa. Nixon no ho Filoha tsaratsara kokoa satria izy no efa zatra amin'ny zavatra. Mahalala tsara ny kaominisma izy." Nilaza lainga io vehivavy io.

³⁹⁹ Izaho dia manana ny *The...ilay antsoin'izy ireo hoe, The Facts Of Our Faith*, ilay boky Katolika ambony indrindra azo vidiana. Ary izao no voalaza ao anatin'izany, "Raha misy Katolika anankiray ao amin'ny lisitra, izay mifaninana amin'ny Protestantana anankiray; raha Katolika no mifidy Protestanta, dia voaroaka miala amin'ny firaisan'ny fiangonana Katolika izy ireo." Marina. "Ary raha misy Katolika anankiroa mifaninana ho eo amin'ny toerana mitovy, dia ilay Katolika izay tena mahatoky amin'ilay 'fiangonana foibe' no halain'izy ireo sy ho fidian'izy ireo."

⁴⁰⁰ Hitanareo ve hoe ahoana, io famitahana io, inona no ezahan'izy ireo hatao? Mizara vola, mba hividianana. Nahoana? Miezaka ny hamotika an'izany izy ireo. Ary manao an'izany izy ireo, ary potika izy. Ary inona izany? Eo amin'ilay mari-bola volamena izany. Ary ny fiangonana Katolika, ilay ambaratongam-pahefana, no manana ny volamenan'izao tontolo izao. [Misy olona manao hoe, "Valo amby enimpolo amby

zato lavitrisa dolara.”—Mpand.] Valo amby enimpolo amby zato lavitrisa. Eo ianareo izao. Entina miverina avy hatrany eo amin’ilay mari-bola volamena, ary ianareo vahoaka dia mihazona fotsiny ny tranonareo sy ny sisa, nefo dia an’ny fiangonana Katolika ianareo. Ny firenena dia an’ny fiangonana Katolika. Ny zavatra rehetra dia voasambotra ao mihitsy tahaka an’izany, amin’ny alàlan’ny volan’izy ireo. Tsy milaza an’izany ve ny Baiboly? Izany no sary izay ataoñ’ny Baiboly ho antsika.

⁴⁰¹ Inona no ezahiko lazaina, ry rahalahy, androany. Hoy izy ireo hoe, “Izany dia hanao azy ho fiangonana tsara. Izany no hampiray ny Protestantisma.” Toa tahaka ny tsara izany amin’ny maso ara-nofo, saingy ny fahalalan’ity izao tontolo izao ity dia fahadalana amin’Andriamanitra.

⁴⁰² “Ary sitrak’Andriamanitra, tamin’ny alàlan’ny—ny fahadalan’ny toriteny, ny hamony an’ireo izay very,” amin’ny alàlan’ny asa avy amin’Andriamanitra, izay Napetrany ao amin’ny Fiagonany, mba hanorenana ny Fiagonana eo ambonin’ireto toetra ara-panahy ireto fa tsy eo ambonin’ny zavatra izay momba ny tany.

⁴⁰³ Hoy Petera hoe, “Ary satria nandositra ny fahalovan’izao tontolo izao tamin’ny alàlan’ny filàm-bola ianareo, sy ny filàn’ny filalaovana, sy ny fahafinaretana, sy ny fihinanana, sy ny fisotroana, ary ny filàna izay ananantsika. Nandositra an’izany ianareo. Ary ankehitriny ianareo dia naorina ao amin’ny fisiana. Izany no alahatro amin’ny Fiagonana,” hoy izy. Eo ianareo izao. Efa novakianareo ve izany? Azonareo ve izany? Renareo ve izany rehefa novakiantsika indray izany eto amin’ny Petera Faharoa? Henoy fotsiny izay lazainy eto, mahafinaritra toy ny inona no nanoratana an’izany eto, ahoana no—no nandaharany azy. Eny àry. Henoy izy ankehitriny raha miteny izy. Eny àry.

Petera, *Simona Petera, mpanompo sy apostolin’i Jesosy Kristy, ho an’ireo izay...efa nahazo finoana soa miaraka aminay amin’ny alàlan’ny fahamarinan’Andriamanitra sy Mpamonjintsika Jesosy Kristy:*

...fiadanana anie—anie hampitomboina aminareo amin’ny alàlan’ny fahalalana an’Andriamanitra, ary amin’ny alàlan’i Jesosy Kristy Tompontsika,

Araka ny—ny heriny izay efa nanome antsika ny zavatra rehetra...

⁴⁰⁴ Iza no handova ny tany sy ny zavatra rehetra? [Misy olona nanao hoe, “Ireo masina.”—Mpand.] Azo antoka. “Momba...” Hia. Eny àry.

...izay momba ny fiaianana sy ny toe-panahy araka an’Andriamanitra, amin’ny alàlan’ny fahalalana an’ilay

efa niantso antsika tamin'ny voninahitra ho amin'ny voninahitra:

Ary izany no nanomezana antsika an'ilay lehibe indrindra... teny fikasana soa: fa amin'izany dia ho tonga mpiray amin'ny fomban'Andriamanitra ianareo, rehefa nandositra ny fahalovana (Henoy izany.) izay eo amin'izao tontolo izao noho ny filàna.

⁴⁰⁵ Filàna vola, filàna zavatra lehibe, filàna laza, ireo zavatra ireo dia maty ho an'ny mpino. Tsy raharahantsika. Trano lay na trano kely, nahoana aho no hiraharaha; velona na maty, milentika na difotra? Ity no zavatra mahaliana ahy, dia ny Fanjakan'Andriamanitra. Na kojakojaiko ny tranoko, na kojakojaiko ny fianakaviako, na kojakojaiko na inona izany na inona, avelao aho hikojakoja an'i Kristy, ilay fanantenan'ny Voninahitra ho antsika.

⁴⁰⁶ Aoreno aho, O Tompo, ao amin'*Ity*. Aoka i Kristy no Lohako, izay miasa amin'ny alàlako. Eo amin'ny fototro, ny finoako izay ao Aminy, aoka ny fahatanjahan-tsaina, fahalalana, fahononam-po, faharetana, toe-panahy araka an'Andriamanitra, sy ny fitiavana ny rahalahy, hiasa ato amiko, O Tompo, izany no vavako. Tsy raharahako; velona na maty, milentika na difotra; anaram-piangonana, tsy anaram-piangonana; sakaiza na tsy sakaiza. Aoka Izao no hiasa ato amiko, aoka ny fahatanjahan-tsain'i Kristy, ny Fahalalany, hikoriana, mba hahafahako mampianatra an'ireo.

⁴⁰⁷ “Fa Andriamanitra dia nametraka ao amin'ny Fiangonana, apostoly, mpaminany, mpampianatra, mpitandrina, ary evanjelista, ireo rehetra ireo ho an'ny fanatanterahana sy fampidirana an'ireo hery rehetra ireo, ho an'ilay fahatanterahan'ny Fihavian'ny Zanak'Andriamanitra.” Ny tsirairay amin'*ireto* vato ireto dia fitaovana avy amin'*Ity*. Ny tsirairay avy amin'*Ity*. Ny tsirairay avy amin'*ireto* hery ireto dia Azy, ary izy ireo dia mivoaka avy ao Aminy, midina amin'ny alàlan'izy ireo. Amena.

⁴⁰⁸ Amin'ny roa ambin'ny folo marina izao. Lasa aiza daholo izy rehetra? Amena. Tianareo ve Izy? [Hoy ny fiangonana hoe, “Amena.”—Mpand.] Mino an'izany ve ianareo? [“Amena.”] Henoy, rankizy madinika.

⁴⁰⁹ Nilaza Ranabavy Kidd, izao maraina izao, “Ranadahy Bill, tsy fantatro na mbola hahita anao indray aho.” Toy ny hoe namono ahy izany. Hitanareo? Mihevitra izy fa efa antitra izy, ary izany izy. Nivavaka tamin'Andriamanitra aho mba hanolotra azy sy Rahalahy Kidd, andro lava.

⁴¹⁰ Mamelà ahy hiteny aminareo, isika dia tsy mahafantatra hoe hafiriana no hananantsika ny tsirairay. Tsy fantattro hoe hafiriana no hiarahako aminareo. Mety miantso ahy hiala amin'izao tontolo izao Andriamanitra. Mety miantso ahy ho any

amin'ny saham-panompoana hafa Izy. Mety miantso anareo any ho any Izy. Tsy mahafantatra isika. Saingy, aoka isika—aoka isika hahazo. Aoka tsy avelantsika handalo antsika fotsiny izao. Aoka isika handray an'izao.

⁴¹¹ Izay ilay izy, ato amin'ny Baiboly. Io izy io, manao modely ho an'ny sisa rehetra. Ary raha mba nanana fotoana fotsiny aho nanaovana azy! Tsy mety ho vitanareo ao anatin'ny andro iray izany. Fantatrareo izany. Saingy, azoko atambatra miaraka ny zavatra rehetra!

⁴¹² Jereo, rehefa namarana an'izao hafatra izao isika teto, dia hitanareo izay nataon'ny Fanahy Masina teo amin'ny rindrina, sa tsy izany? Firy no teto tamin'izany? [Hoy ny fiangonana hoe, "Amena."—Mpand.] Hitanareo? Azo antoka! Nidina mihitsy, nanao sary an'ilay zavatra mitovy, ilay Anjelin'ny Tompo.

⁴¹³ Hitanareo, marina izany. Aza avela handositra anareo izany. Mihazona amin'izany, rankizy. Mihazona amin'izany. Tsarovy, aoreno eo ambonin'ny finoanareo, fahatanjahan-tsaina, fahalalana, faharetana!

⁴¹⁴ Ankehitriny, teto, heveriko fa nanana taratasy aho teto, raha tsy nalatsako any ho any izany rehefa nitory teny aho. Ity mihitsy ilay izy. Misaotra anao, rahalahy. Misaotra anao, betsaka. Raha tianareo ny—ny hijery an'izany, sy hahita raha misy zavatra ato izay mety ho vitanareo ny... Angamba modely kely tsaratsara kokoa noho ilay etsy izany, ka azonareo adika ny sasany amin'ny avy ato. Apetako eto fotsiny izy, ary ianareo dia afaka tokoa ny hijery an'izany sy—sy handika an'izany.

⁴¹⁵ Ary tiako ianareo haka azy sy handinika azy, ary hampitaha azy, ary avy eo dia miasa amin'izany. Aza mandinika fotsiny an'izany, mampitaha an'izany, fa miasa amin'izany rehefa hanao ianareo. Raiso ho an'ny tenanareo amim-pahatsorana izany. Aza manao hoe, "Eny, faly aho nihaino an'ilay izy." Izaho faly, ihany koa. Saingy ny mihaino azy, ary avy eo dia mandray azy, dia samihafa. Hitanareo? Hitanareo? Samihafa izany. Hitanareo?

⁴¹⁶ Misy toetra fito ny fanaovana ny tsanganan'Andriamanitra. Misy Taonan'ny Fiangonana Fito, izay nitondran'Andriamanitra ny Fiangonana ho ao amin'io toetra io. Ary nanana iraka fito Izy mba hanao an'izany. Misy fito, fito, fito. Hitanareo? Ny Fito dia—dia isan'ny fahafenoan'Andriamanitra, ary ny telo dia isan'ny fahatanterahan'Andriamanitra. Koa, misy telo, sy fito intelo. Koa, ara-kajy, ara-panahy, amin'ny alàlan'ny Teny, amin'ny alàlan'ny vavolombelon'ny Fanahy Masina, ny rehetra amin'izany dia nameno ny zavatra rehetra miaraka. Ndaو isika handinika an'izany.

⁴¹⁷ Ndaو ampiantsika amin'ny finoantsika ireo zavatra ireo, arak'izany, mba hahafahantsika miditra ao amin'ny tsanganana fenon'i Kristy; rehefa natambatry ny fitiavan'Andriamanitra miaraka, tahotra an'Andriamanitra, fanajana ao amin'ny

fontsika ho an'ny tsirairay, fanajana lalina ho an'ny tsirairay, fitiavana ny rahalahy sy rahavavy, tsy misy faharatsiana mihitsy, tsy misy afa-tsy ny fahadiovan'ny fiainana araka ny Fanahy Masina. Hitanareo? Miaraha miaina, aoka ho Kristiana. Mandehana miaraka amin'ny finoana. Aoka ny fahatanjahan-tsain'Andriamanitra hikoriana eo aminareo; aoka ny fahalalan'Andriamanitra, rehefa tonga eo amin'ilay marina sy ny diso izany. Rehefa mampiseho zavatra izay tsy tena aratSoratra tanteraka ny devoly, dia alaviro izany. Marina izany.

⁴¹⁸ Azoko saintsainina fa ireo apostoly ireo dia tsy nanao tahaka antsika. Nandeha teny rehetra teny izy ireo, angamba olona tsy be teny, mandra-pahatongan'izy ireo teo amin'ny polipitra. Niditra izy ireo ary nanao izay tokony nataony, ary nivoaka. Eny, tompekko. Nanana hery izy ireo. Nanana fahatanjahan-tsaina izy ireo. Tsy nanana adi-hevitra tamin'ny olona izy ireo. Fantatr'izy ireo izay nijoroany. Izay ihany. Fantatr'izy ireo hoe iza no ninoany. Nitohy nandeha tao amin'ny Fanahy izy ireo. Nanao fotsiny... .

⁴¹⁹ Tahaka ny nolazaiko omaly hariva fotsiny. Fihetsika anankiray kelin'ny loha, izay ihany no nilain'Andriamanitra natao, avy eo dia tsy nisy na inona na inona nahasakana azy ireo. Tsy nanontany sy nandinika izy ireo, sy nimonomonona ary nanahy tahaka ny ataontsika, na hanao an'ity izy ireo na itsy. Nandroso izy ireo ary nanao an'ilay izy, na izany aza. Fihetsika kelin'ny loha avy amin'Andriamanitra fotsiny, dia vita teo ilay izy, arak'izay tena haingana. Nahoana? Ahoana no nahafantaran'izy ireo fa fihetsika kelin'ny loha avy tamin'Andriamanitra izany? Nanana an'ireto fahatanjahan-tsaina rehetra eto ireto izy ireo, ireto toetra rehetra ireto. Ary ny fihetsika kelin'ny loha voalohany avy amin'Andriamanitra dia nitaha tamin'ny tsirairay avy amin'ity, sy amin'ny Teniny. Fantatr'izy ireo fa izany no Tenin'Andriamanitra, ary lasa izy ireo. Tsy nilain'izy ireo ny hanahy ny amin'ny zavatra hafa rehetra. Rehefa niteny Andriamanitra, dia nandeha izy ireo. Isika dia miresaka... .

⁴²⁰ Miresaka amintsika Andriamanitra, ary hoy isika hoe, "Eny, hanomboka izahay. Ho hitanay raha afaka hiaina an'ity Fiainana ity izahay." Ny zavatra voalohany fantatrareo, dia misy olona manelingelina anareo. Eny, azo antoka, fa ny devoly izany.

⁴²¹ Tokony ho nahita azy nampananalavitra ahy an'ity favoriana ity ianareo izao maraina izao. Tokony ho nanana an'izany indray mandeha ianareo. Oh, mamindrà fo! Tsy maintsy miady aho isaky ny milaza favoriana anankiray. Ary rehefa hivavaka ho an'ny marary aho, sy misy olona maty nefo tsy voavonjy, dia hisy antso telopolo no tonga ao anatin'ny folo minitra, raha azon'izy ireo hatao haingana izany, ny hampiala ahy amin'izany. "Oh, Rahalahy Branham, tokony hanao an'ity ianao." Saingy misy fanahy anankiray tandindomin-doza. Azo antoka. Hia.

⁴²² Indray hariva, nantsoina ho any amin'ny toerana anankiray aho. Lehilahy tanora anankiray, niresaka taminy aho teto tao amin'ilay inona no iantsoanareo azy, tranombarotra lehibe, taona vitsy lasa izay. Las a mpisotro alikaola izy. Fantattro ilay tovolahy, tovolahy tena mahafinaritra, saingy mpanota izy. Ary noho izany dia niantso ny reniny. Heveriko fa efa niantso an'i Doc indroa izy. Izaho... Niantso, ary niantso an'i Billy izy ireo, ary—ary farany dia azoko ilay hafatra. Ary rehefa azoko ilay hafatra, am-pahatsorana tanteraka, tsy mbola niady be tahaka an'izany aho teo amin'ny fiainako, mba hahatongavako teo amin'io tovolahy io.

⁴²³ Ary rehefa tonga teo aho, ilay namana mampalahelo dia efa tsy nahafantatra ahy intsony. Teo izy, nitsotra teo, tsy nahatsiaro tena, ary fihetsiketsehana fotsiny. Ny rainy niezaka nikapokapoka azy, ary nanao hoe, "Malala." Ary ilay lehilahy dia dimampolo, eo amin'ny iraika amby dimampolo taona eo. Ary nanao hoe, "Malala," *izao*, "ary mipetraha tsara." Ary niezaka nifoha izy. Ireo sandriny antitra kely dia tahatahaka *izao* ny halehibeny. Voan'ny homamiadana lehibe loatra ilay tovolahy hany ka tsy misy na inona na inona afa-tsy vongana homamiadana fotsiny izy. Ny taovan'ny vatany rehetra dia nisy homamiadana daholo. Na dia ny fikorinan'ny ràny aza dia homamiadana, ny zavatra rehetra. Ary teo izy, niezaka ny hiarina, ary nanohy tahaka an'izany.

⁴²⁴ Noraisiko tamin'ny tânany izy, hoy aho hoe, "Woodrow, Woodrow, Rahalahy Branham ity."

⁴²⁵ Hoy ny dadany hoe, "Tsy fantatrao angaha? Io Rahalahy Bill. Woodrow, io Rahalahy Bill."

Hoy izy hoe, "Ah. Hah. Ah-ah-ah." Tahaka an'*izao*.

⁴²⁶ Ary njery ny dadany ka nanao hoe, "Billy, tara kely ny fahatongavanao."

Hoy aho hoe, "Tsy tara loatra mihitsy. Eto Izy." Nanana ady aho.

⁴²⁷ Ary avy eo ireo tovolahy hafa, tovolahy maromaro, mpanota, dia nitsangana teo, anisan'ireo havany. Hoy aho hoe, "Hitanareo, ry tovolahy, aoka ho vonona, satria ho tonga eo amin'izao toerana *izao* ianareo. Tsy maintsy ho tonga eto amin'izao mihitsy ianareo. Hitanareo? Angamba tsy miaraka amin'izao—*izao* homamiadana *izao*. Mety ho tonga miaraka amin'ny zavatra hafa ianareo, eny an-dàlambe eny, mihoson-drà ho faty, na zavatra hafa. Tsy maintsy ho tonga amin'izany ianareo." Niresaka tamin'izy ireo izahay.

⁴²⁸ Niandry aho mba hahita izay nolazain'ny Fanahy fa hatao. Niandry. Ny zavatra voalohany fantatrareo, nahatsapa an'io fihetsika kelin'ny loha io aho. "Apetraho eo aminy ny tânanao."

⁴²⁹ Nandeha nanodidina aho, nanao hoe, “Ianareo rehetra ahondree ny lohanareo.” Izy rehetra nanondrika ny lohany avokoa, namana tanora roa na telo no teo.

⁴³⁰ Napetrako teo aminy ny tènako. Hoy aho hoe, “Tompo Andriamanitra, avelao ilay tovolahy hanana fahatsiarovan-tena hahafantarany izay hataony, alohan’ny tsy maintsy hihaonamy amin’io zavatra io. Eo am-pahafatesana izy. Ilay devoly no nandratra azy, ary lasa izy. Ary izy no nampisotro ny tenany ho amin’ny fahafatesana, ary indro izy ao amin’izao toerana izao. Mivavaka Aminao aho mba hamindra fo aminy.” Ary rehefa nivavaka ho azy aho, ny ampitso maraina dia nipetraka izy, niresaka tamin’ny dadany.

⁴³¹ Busty Rogers, izay...Niantso ahy izy ireo tany amin’ny hopitaly, vao tsy ela akory izay. Tany aho tamin’io andro io, rehefaavy nitoky teny tany Milltown izay nahasitrana an’i Georgie Carter kely. Ianareo rehetra dia mahatsiaro an’izany. Ary teo rehefa Rahalahy Smith, mpitoky teny Metodista anankiray, no nilaza hoe, “Raha toa ka misy olona natao batissa, tamin’ny Anaran’i Jesosy Kristy, mialà ato ambanin’ny trano laiko,” tahaka an’izany. Tany izany tao amin’ny lakandranon’ny Totten, nanao an’ilay favoriana tany. Ary, oh, nanameloka ahy tamin’ny zavatra rehetra izay azonareo eritreretina. Tsy nilaza teny anankiray mihitsy aho; nandroso hatrany. Nanana iraka anankiray aho. Ny Tompo no naneho ahy fahitana anankiray. Nisy zanak’ondry anankiray teo, nisaringotra tany ho any tao an-efitra. Ianareo rehetra dia mahatsiaro an’ilay fahitana, ianareo rehetra. Ataoko fa tsaroanareo. Tsaroanareo ve ilay izy? [Hoy ny fiangonana hoe, “Amena.”—Mpand.] Azo antoka. Eny àry. Noho izany dia nandeha nidina tany an-efitra tany aho, nihaza an’ilay izy.

⁴³² Nandeha tany amin’ny lakandranon’ny Totten aho. Rahalahy Wright eto dia mahafantatra. Niampita izahay, tsy nahafantatra izay hatao. Nividys boatin-tsavony kely anankiray aho, izay folo cents. Nandeha nankany aho, nijoro tany ary nitoky teny teo ambonin’ny tohatra. Nilaza izy fa hiakatra izy, eny an-tampon’ilay havoana, hanao karazan-drahahaha. Nandeha niaraka taminy aho. Nisy fiangonana Batista tranainy lehibe nipetraka teo ambony teo, foana. Nilaza tamiko ny Tompo hoe, “Mijanona eo.”

⁴³³ Hoy aho hoe, “Avelao aho hivoaka eto mihitsy, Rahalahy Wright.” Nijanona aho. Izy nanohy niakatra ary niverina.

⁴³⁴ Nandeha teo aho, ary tsy nahay namoha an’ilay varavarana. Hoy aho hoe, “Tompo, raha Ianao no ao anatin’izao, Tianao aho handeha ho ao amin’ilay fiangonana, vohay ny varavarana ho ahy.” Nipetraka teo aho ary nieritreritra.

⁴³⁵ Nandre olona tonga aho; namindra, ary hoy izy hoe, “Manao ahoana ianao? Hiteny aminao aho,” hoy izy, “te-hiditra ao ampiangonana ve ianao?”

Hoy aho hoe, “Eny, tompoko.”

Hoy izy hoe, “Manana ny fanalahidy aho ity.”

⁴³⁶ Nanomboka fivoriana anankiray aho. Ny herinandro voalohany, saiky tsy nisy na inona na inona. Ny hariva voalohany, dia nanana mpiangona anankiray aho, Rahalahy Wright sy ny fianakaviany. Ny zavatra voalohany fantatrareo, tamin’ny faran’ny herinandro, tsy afaka nampitsangana azy ireo teny an-tokontany intsony aza izy ireo, saiky. Mbola tsy tonga akory ilay zanak’ondry. Voavonjy tamin’izany andro izany Rahalahy Hall, ilay pasitera any ankehitriny, izy rehetra. Tsy hitako hoe taiza ilay zanak’ondry. Afaka kelikely, avy tao amin’ny fiangonan’i Kristy, teo ambanin’ilay havoana, nisy an’ilay zazavavy kely sivy taona sy valo volana tsy afa-nihetsika, nandry teo. Teo izy io. Ianareo rehetra dia mahafantatra an’ilay tantara. Eny, tompoko.

⁴³⁷ Tamin’io tolakandro io Busty Rogers rehefa, mpiady tranainy lehibe sy matanjaka nijoro teo...Nandeha teo aho. Ary nitsangana teo ny mpiangon-dRahalahy Smith mba hihomehy ahy, haneso ahy, manao batisa amin’ny Anaran’i Jesosy. Niditra tao amin’ilay rano feno fotaka an’ny lakandranon’i Totten aho, izay nananan’izy ireo ny...[Elanelana tsy voaraki-peo—Mpand.]...eo amin’ilay helodrano any, ary mirohondrohona fotsiny mafy araka izay vitany. Diakona anankiroa no nandeha niaraka tamiko.

⁴³⁸ Hoy aho hoe, “Mijoro eto aho izao tolakandro izao ho solontenan’ny Soratra Masin’Andriamanitra.” Hoy aho hoe, “Namaky tato amin’ny Baiboly aho eto izay nilazan’i Petera hoe, ‘Mibebaha, ianareo rehetra, aoka samy hatao batisa amin’ny Anaran’i Jesosy Kristy ho famelana ny helokareo.” Nitodika aho, natolotro tamin’ny iray amin’ireo diakona ilay Boky.

⁴³⁹ Nandeha aho, ary hoy aho hoe, “Na iza na iza maniry, ka mibebaka noho ny fahotany, dia mahazo manatona.” Nidina teo amin’ilay rano aho. Hoy aho hoe, “Toa ohatry ny mahita Anjely aho mipetraka eny amin’ny sampan-kazo rehetra eny ankehitriny, mijery.” Oh, oadray! Saiky tamin’ny fotoana nanaovaka batisa roa na telo, ny mpiangony rehetra, ireo vehivavy niaraka tamin’ny lamba landy tsara notafiany ireo, dia nidina tao amin’ilay rano, nihiaikiaka tamin’ny faratampon’ny feony. Nataoko batisa ny mpiangony manontolo tamin’ny Anaran’i Jesosy Kristy. Fantatrareo izany. Manana ny sarin’izany aho. Izany ilay izy.

⁴⁴⁰ Inona izany? Manampy ao amin’ny fahatanjahan-tsainareo. Hitanareo? Avelao izany hipetraka tsara. Andriamanitra no mahafantatra izay hanaovana azy. Andriamanitra no

mahafantatra izay hitondrana an'ireo zavatra ireo mba hiseho. Avelao izy ireo hilaza izay tiany ho lazaina. Aza manisy fahasamihafana mihitsy. Manohiza mandeha fotsiny.

⁴⁴¹ Busty Rogers izay nitsangana teo, rehefa nahita an'izany izy, dia hoy izy hoe, "Koa dia mino an'izany amin'ny foko rehetra aho." Ary nidina tao anaty rano izy, niaraka tamin'ireo akanjo tsarany, ary natao batisa tamin'ny Anaran'i Jesosy Kristy.

⁴⁴² Teo amin'ny telo na efa-taona lasa izay, niantso ahy tetra izy ireo ho any amin'ny hopitaly tany New Albany. Teo izy, teo am-pahafatesana, niaraka tamin'ny homamiadana, nihinana azy fotsiny. Ireo dokotera dia nanome azy hatramin'ny ampitso maraina, hahavelomana. Hoy izy, "Ho faty izy ankehitriny." Hoy izy, "Tongava izao dia izao."

⁴⁴³ Niditra tao amin'ilay efitra aho, rehefa teo aho, nitsangana teo ary nivavaka. Hoy izy hoe, "Billy, misy avana anankiray mihodidina amin'io zoron-trano io."

⁴⁴⁴ Ary nitodika aho, mba hijery. Hoy aho hoe, "Busty, fanekena io. Tsy ho faty ianao. Ny faneken'ilay Rà no mamonjy anao."

⁴⁴⁵ Nametraka ny tànako teo aminy aho, nanao hoe, "Tompo Andriamanitra, toy ny ahoana no anaporofoin'io famantarana io fa eto Ianao. Ny Fanekenao dia izao, ity, 'Ny dian-kapoka Taminy no nahasitranana anay.'" Nametra-tànana taminy aho, ary indro izy tsara. Nalefa nody izy.

⁴⁴⁶ Ary teo amin'ny efatra na dimy taona, teo amin'ny efa-taona, dia nanjono eran'ny renirano rehetra izy sy ny sisa, nanohy. Ary teo amin'ny lâlan-kanin'ny vavony izay nodidinin'ilay homamiadana, dia nihamafy ilay izy, nisy vona mafy be anankiray. Ireo dokotera, ireo tranain'ny hopitaly, dia niteny taminy fa nanana fitsaboana amin'ny kôbalta izy ireo izay afaka manendaka an'io, hamela sakafo bebe kokoa hidina indray miaraka. Sarotra ho azy ny nihinan-kanina betsaka, Tsy maintsy nihinana miadana tokoa izy. Nandeha tany izy mba hanao an'ilay izy. Izaho tsy nahafantatra hoe tany izy.

⁴⁴⁷ Koa rehefa nodidian'izy ireo izy, dia hita fa izany no niteraka fikorontanana tao aminy, ary tratry ny aretina tampoka izy. Nampahalemny ny ilany tahaka an'izao. Ary ny zavatra tokana azony natao dia ny mitomany tapany. Ary naka pensily anankiray izy, tahaka an'izao, dia mandeha, "ah, ah, ah." Ary niezaka nanoratra izy, mangovitra tahaka an'izao, miaraka amin'ilay tànany tsara. Ny ilany havia, no voadona. Ary nanoratra izy, ilay tànany: "Jesosy dia mamonjy, 1900 mahery." Tsy azon'izy ireo ilay izy.

⁴⁴⁸ Koa ankehitriny rehefa hoy ny vadiny hoe, "Ranadahy Branham, tsy fantatro izay tiany ho lazaina amin'izany."

⁴⁴⁹ Hoy aho hoe, "Rtoa. Rogers, ny tiany ho lazaina dia, tamin'ny 1900 mahery, no voavonjy izy ary natao batisa tamin'ny Anaran'i

Jesosy tery ambany tery. Izany no vokatr'ilay izy ankehitriny. Tsy matahotra ny ho faty izy."

⁴⁵⁰ Hoy aho hoe, "Tompo Andriamanitra, atolory azy ny ainy. Miangavy an'izany aho, amin'ny Anaran'i Jesosy, mba Hatolotrao azy ny ainy." Nametra-tànanana taminy aho. Niala taminy ilay aretina tampoka. Nijanona ilay fikorontanana. Ary niarina teo am-pandriana izy. Ary mitsangana izy ankehitriny, manao ny fijoroana vavolombelona.

⁴⁵¹ Ampio amin'ny finoanareo, ny fahatanjahan-tsaina; ampio amin'ny fahatanjahan-tsainareo, ny fahalalana; amin'ny fahalalanareo, ny fahononam-po; amin'ny fahononam-ponareo, ny faharetana; amin'ny faharetanareo, ny toe-panahy araka an'Andriamanitra; amin'ny toe-panahinareo araka an'Andriamanitra, ny fitiavana ny rahalahy; amin'ny fitiavanareo ny rahalahy, ny Fanahy Masina, ary dia ho avy Kristy. Satria, eo Ambaniny... Ny Fanahy Masina dia ny Fanahin'i Jesosy Kristy ao amin'ny Fianganana, mba haneho an'ireo hery ireo. Oh, oadray!

Io ilay izy, amin'ny roa ambin'ny folo sy fahefany.

Tiako... Tiako Izy
Satria nitia ahy mialoha Izy,

Taty aloha be taty, talohan'ny naха-zavatra anankiray anareo.

Ka niv... (Inona no Nataony?)... ny famonjena
ho ahy
Teo amin'ny hazon'i Kalvary.

Ahoana no maha-toy *izao* ahy? Satria Izy no nitia ahy, mialoha.

Tiako Izy, tiako Izy
Satria nitia ahy mialoha Izy... (Io ilay antony.)
Ka nividy ny famonjena ho ahy
Teo amin'ny hazon'i Kalvary.

⁴⁵² Manome toky aho, izao maraina izao, ho Azy, amin'ny foko rehetra, fa, amin'ny alàlan'ny Fanampiany sy amin'ny alàlan'ny Fahasoavany, dia mivavaka aho mba hitady isan'andro, tsy mitsahatra, mandra-pahatsapako ny tsirairay amin'ireo fitakiana ireo hikorianana ato amin'ity tsanganana antitra keliko ity, mba hahafahako ho tonga fanehoana anankiray an'ilay Kristy velona. Satria, lasa ota tahaka ahy Izy, mba hahatonga ahy... ho tonga fahamarinan'Andriamanitra, tahaka Azy. "Izy no naka ny toerako; Tompo, avelao aho haka ny Azy ankehitriny." Satria, izany no tanjon'ny Nahafatesany. Firy no hanome toky an'izany zavatra izany, amin'ny alàlan'ny fahasoavan'Andriamanitra? [Hoy ny fianganana hoe, "Amena."—Mpand.] Miaraka amin'ny lohantsika miondrika ankehitriny, ary ny tànantsika mitsangana. "Izaho..."

⁴⁵³ Manome toky an'izany aho, Tompo, manome toky an'izany
ity fiangonana ity, "Ilay tsanganana feno an'i Jesosy Kristy!"

Satria nitia ahy mialoha Izzy
Ka nividy ny famonjena ho ahy
Teo amin'ny hazon'i Kalvary.



ILAY TSANGANAN'NY OLONA TANTERAKA ANANKIRAY MAG62-1014M
(The Stature Of A Perfect Man)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady maraina, 14 Oktobra, 1962, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2013 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org